

近代中國史料叢刊續編第二十輯
沈雲龍主編

澹 盦 文 存

吳道鎔著

文海出版社
有限公司
印行

中華民國六十四年八月影印版

近代中國史料叢刊續編 第二十輯

精裝：十二冊
定價：新台幣



主編者：沈雲龍

發行人：李振華

出版者：文海出版社有限公司

臺北縣永和鎮中興街99巷8號
郵政劃撥戶第二七八四號
電話：九二一二六五九號

印刷者：東南印製廠有限公司

臺北市西園路294巷15弄17號

經銷者：臺灣全省各大書局

本社登記證字號：行政院新聞局局版台業字第〇四四九號

澹菴文存·廣東藏書紀事詩出版簡介

澹菴文存二卷，番禺吳編修道鎔（一八五三—一九三六）撰。氏於光緒六年（一八八〇）成進士，入翰林，散館授編修，而生性澹泊，不愛仕進，即掛冠歸隱於鄉井，先後主持潮州韓山，金山，惠州豐湖，三水肄江，廣州應元等書院，講學數十年，番禺張太史學華所撰行狀云：「日夕手一編，博綜經史」。又書前溫肅序云：「所爲文字，不絕俗以表異，而言必衷諸道，未嘗遷就已意以循人」。其門人汪宗準孝廉於本書後跋云：「發爲文章，深微淡遠」。以此書所收篇章衡量，張溫汪三人之說，並非溢美。

他遺著不多，據行狀云：已刊者，明史樂府八卷，續修番禺縣志四十四卷。未刊者，廣東文徵二百四十卷。未成者公羊質疑，另有詩文稿等存於家中。

我們此次景印者，只是經吳氏門人陳善伯整理，存於家之詩文稿，至於用力最爲勤劬，歷時二十年，以至病篤猶在輯補，包羅嘉慶以還，作者七百餘家，文章三千餘篇之鉅著廣東文徵，反隱沒而不彰，殊屬憾事。就張學華所撰行狀云：原稿未刊，吳氏謝世，迄今三十餘年，中經抗戰勦匪兩大亂，此作是否仍在人間，實未可知。此真嶺南文獻莫大之損失。

在本書卷一末「與姚君愨書」後，載有廣東文徵略例，讀者請參看，亦所謂慰情聊勝於無者。

廣東藏書紀事詩

廣東藏書紀事詩一卷，爲七律五十一首，仿葉鞠裳藏書紀事詩體制，述自明歷清邱文莊以下，凡廣東藏書家五十一人，另附湘人僑宦於羊城者方柳橋一家。民國番禺徐紹棨信符（一八七九—一九四六）所作，其傳略未全者其子承瑛所補輯。徐氏嶺南藏書家之殿軍，於所居構南州書樓度藏達數十

萬卷。其人學行別無可考，（粵中老輩，當有知者，俟容再訪）只有於本書尾，其子承瑛所撰敘傳中得其梗概。光緒庚子年，肄業學海堂，與葉譽虎，陳融等同筆硯。中年之後，歷任廣州，嶺南，中山各大學講席，所撰著本書外，另有中國文學史，中國詩學史，文選研究，唐詩研究，古籍校讀法，書目學等講義十餘種。

據本書序言原注，知記廣東藏書故實者，尚有東莞倫明撰辛亥以來藏書紀事詩一卷，經尋訪未得，我們馨香祝禱，倫著有重現之一日，若天假機緣，亦歸本館出版，與此書合璧，自是使人欣慰生平的樂事。

文海出版社有限公司 謹識

澹菴文存目錄

澹菴吳先生遺像

一

誥授通奉大夫翰林院編修吳君行狀

一十六

序

一十二

澹菴文存卷一

一十六二

孝經說序

一

勝朝粵東遺民錄序

三

元廣東遺民錄序

六

宋臺秋唱序

七

明史樂府自序

八

番禺縣續志序

一〇

孔氏宗譜序

一三

小攬麥氏續脩宗譜序

一五

陳獨漉先生年譜序

一七

周玉泉先生贈言錄序

一八

鄧和簡公奏議序

二〇

陳香翰給諫奏議序

二一

幾何贅說序

二三

數學上編序

二五

愛古堂文略序

二八

丁潛客先生遺詩序

二九

林樸山四書生書總目表箋釋序

三〇

會雪凡詩集序

三二

高等學堂同學錄序

三四

送順德溫君入都序

三五

贈章珠垣序

三七

九龍真逸東莞五忠傳跋

三九

跋少室石闕銘

四二

跋林東甫先生文集

四三

跋陳獨漉自書鎮海樓賦手卷

四四

跋李其礎先生手蹟

四五

跋張文襄公手札

四六

跋王園長侍郎蘭石圖

四七

馮耒廬先生遺著跋

四七

跋陳蓮史方伯墨跡冊

四八

跋彭春洲先生詩稿

四九

跋李文誠師臨醴泉銘	四九
梁文忠手書懺庵隨筆題詞書後	五〇
潔菴遺書四種跋	五一
汪懔吾廣州城博跋	五二
上張安甫前輩書	五二
與溫毅夫書	五四
與林溫伯昆仲書	五五
與姚君愨書	五六
澹菴文存卷二	六三—一二二
屈翁山先生墓碑	六三
禮部右侍郎李公神道碑銘	六五
清資政大夫陝西潼商道潘君墓誌銘	七〇

內閣中書陶君墓誌銘

七三

清封資政大夫陳府君墓表

七六

清封奉直大夫孫君少泉墓碣銘

七九

馮平山墓表

八一

清候選縣丞甘君墓誌銘

八四

姚夫人王氏墓志銘

八六

何少詹家傳

八七

張樸臣先生家傳

九三

清贈文林郎卓亭梁公家傳

九五

高楚香家傳

九七

姚嵩生家傳

一〇〇

孫業雲家傳

一〇二

郭節母廖太夫人家傳

一〇四

普寧許氏清芬堂宗祠記

一〇六

榕石園記

一〇九

冰玉聯吟圖記

一一一

廣東高等學堂豫科生畢業訓詞

一一二

廣東高等學堂本科生畢業訓詞

一一四

許氏四賢贊

并序

一一五

明蘇爵輔像贊

并序

一一八

廖澤群編修像贊

一一九

莫鏡川像贊

并序

一二九

澹菴文存跋

一二三——一二四

番禺吳丁二先生遺詩跋

一二五——一二六

張學華題跋詩

一二七—一二八

廣東藏書紀事詩目錄

廣東藏書紀事詩目錄

信符先生象

一二九—一三〇

徐湯殷序

一三一—一三四

廣東藏書紀事詩

一三五—一五六

邱文莊石室

一三五

黃文裕寶書樓

一三七

梁文康奎翰樓

一三九

張萱西園

一四一

陳璉萬卷堂

一四三

梁朝鐘吼閣

一四四

屈大均三閭書院

一四五

吳榮光筠清館

一四七

會釗面城樓

一四九

吳蘭修守經堂

一五二

丁日昌持靜齋

一五三

伍崇曜粵雅堂

一五九

譚瑩樂志堂譚宗浚希古堂

一六一

潘仕成海山仙館

一六六

易氏目耕堂

一七〇

梁廷枏藤花亭

一七二

梁梅春堂

一七三

馮龍官綠壘草堂

一七五

張維屏聽松廬

一七八

黃培芳嶺海樓

一八一

許青皋水蕙老屋

一八三

陳澧東塾書樓

一八五

汪琮隨山館

一九〇

李文田太華樓

一九二

龍鳳鏡知服齋

一九五

梁鼎芬葵霜閣

一九六

惠州豐湖書藏

二〇〇

廣雅書院冠冕樓

二〇二

廣雅書局十峰軒

二〇六

菊坡精舍書藏

二一〇

陶福祥愛廬

二一三

林國廣輟錄菴

二一五

孔廣陶嶽雪樓

二一六

孔昭塏煙澗樓

二一八

石德芬石室

二二〇

黃紹昌秋琴館

二二一

辛仿蘇芋花菴

二二三

康有爲萬木草堂

二二六

梁啓超飲冰室

二二九

黃遵憲入境廬

二三一

鄧實風雨樓

二三三

黃節葦葭樓

二三四

葉恭綽遐庵

一三七

陳融顯園

一四〇

曾習經湖樓

一四五

徐紹楨學壽堂

一四六

潘宗周寶禮堂

一四九

莫天一五十萬卷樓

一五二

倫明續書樓

一五三

自題南州書樓

一五五

附錄

二五七—二七六

方功惠碧琳琅館

二五七

敘傳

二六一

廣東藏書家生卒年表

二七一

澹盦先生遺象



誥授通奉大夫翰林院編修吳君行狀

曾祖丹木曾祖妣沈袁

祖廷熊祖妣章

父學均妣梁

里貫廣東番禺縣捕屬原籍浙江會稽縣

君諱道鎔字玉臣晚自號澹庵其先浙江會稽人業澁於
粵遂家番禺三傳至渭川先生生三子君父普庭先生最
幼事母孝有潛德君少劬學年十七補縣學生中光緒乙
亥 恩科舉人丙子丁丑兩上公車皆報罷君故貧授徒
養親不亟求進取順德李文誠公雅重君敦促赴試以庚
辰科成進士入翰林假歸省親尋丁外艱丙戌服闋入都

寓文誠家文誠知君淡泊嘗從容謂曰吾不以祿仕相勸他日當思吾言也散館授編修君遽歸不復出被服儒素講學終其身厯主潮州韓山金山惠州豐湖三水肄江廣州應元書院又嘗與陳君石樵石君惺庵於郡學設館從學者數百人君日夕手一編博綜經史旁通算術以及泰西政學諸書無所不覽尤拳拳於獎掖人才在潮州最久潮人仰之如子弟之於父兄然君不自表襮澹於名譽素性然也學制初更廣雅書院改爲高等學堂廣雅創建於張文襄公規模宏廓自番禺梁文忠義烏朱侍御掌教後姚謨臣學使丁伯厚侍讀繼主堂事皆以學風囂競先後辭去當道聘君爲監督君貫融新舊陰納於範圍之中啟

迪勸導一出以誠生徒翕服在事八年成就者眾迄於國
變諸生以材器稱者多見重於時猶追懷教澤不置歷充
學部諮議官廣東學務公所議長粵督張公人駿薦君學
行堪備任使報聞君固不樂仕也辛亥後謝絕一切省志
局學海堂禮聘皆不就閉戶著述翛然絕俗工書法求者
接踵自言初學爲詩聞東塾陳先生言粵東多詩人少文
人因發奮爲古文學其爲文導源於史漢而涵泳於諸子
每有所作精心獨造思沈而氣銳力矯浮靡仍具深微淡
遠之致願嘗論文之至者妙合於自然著力求之終非極
詣於粵中先輩最推彭春洲猶謂其時有矜意之處蓋君
所得旣深勤一世於文字之中自視常欲然而論者咸重

君文以爲卓然可傳非拘拘於桐城陽湖諸家各分派別也君既專攻古文通博攻吾粵作者以明季屈氏文選國朝乾隆中溫氏文海傳本日少惟故家間有收藏遂根據二書而益加蒐討前代散佚者輯補之嘉道咸同光宣間諸人遺著悉力甄錄彙爲廣東文徵凡七百餘家文三千餘篇纂輯之勤歷二十年病中猶校補弗輟也君長身玉立翁文恭公以名士稱之爲學不立門戶不設厓岸延接後進勤懇懇款人亦樂於趨附晚遭喪亂憂時感事作爲詩歌託於諷諭未嘗爲過激之詞獨於出處之際確乎有以自守所謂和而介者歟故國之思老而愈摯己巳重遊泮水癸酉重逢鄉舉皆蒙 恩賞扁額曰行爲士表曰

劬德引年歿後 賜額曰抱璞懷貞 天語之褒世以爲
定論云丙子閏三月二十八日病卒春秋八十有四遺命
以道服檢滄桑後著籍羅浮酥醪觀配張繼鄧側室符子
景涵游學美國景洵景沂前卒女適楊適章適張適鍾適
韓適陳孫祥臨曾孫傑才葬於廣州東門外石鼓岡與鄧
夫人合窆所著書已刊者明史樂府八卷續修番禺縣志
手定條例成書四十四卷未刊者廣東文徵二百四十卷
早著公羊質疑未成詩文稿藏於家余與君交稔申之
以婚姻君歿其門人屬爲君行狀逡巡未有以應旣思君
學行不可以無傳迺掇拾其略以著於篇俟後之君子論
定焉番禺張學華謹狀

番禺吳澹庵先生既歿其親知門人掇輯其文釐為若干卷將付梓人余受而讀之歎曰先生不欲以文見也其經史掌故之學均能洞見本原而不著書晚丁陽九攷光戢影以為身將隱矣焉用文為故遺稿無多又不自收拾今所存僅如零縑碎玉然嘗鼎一臠知味者各自得之焉耳士君子生當桑海之交隱無箕穎之地不得已溷迹城市養晦自全間或不慎為世所牽引孫其言而降其志蓋有之矣先生自辛亥後嘗一避地海島旋還其城南故居杜門不出者二十年其門下士不乏顯要嘗欲加禮於先生介然之節不為少貶所為文字不絕俗以表異而言必衷諸道未嘗遷就已意以徇人至於政教得失之故學術盛衰之原痛氣節之墮而探原於利為亂始鑒末流之弊以孝為立國之本闕聖道而闢誠淫語苦心危抗言之而世不以為忤且益重焉是其充然之德浩然之氣有立乎語言文字之先而有觸斯發徒賞其文之工未

足窺其深也肅以詞館後輩親杖履者垂卅年曩歲奉召北行辱
荷贈言所期望於不才者過厚河清之俟寤寐懷之先生身雖隱
而拳拳故國之思未能一日忘也世變泯彝潛德勿耀先生所志
所學初不求知於人後之論者猶得於遺文考見之庶幾曠世相
感者耶聞公前輩先生肺腑交也書來告曰澹老文稿編就矣子
忍無言乎感其言重又懼不文聊書此以質聞公若弁諸簡端則
吾豈敢丁丑冬月館晚生溫肅

澹盦文存卷一

番禺吳道鎔

孝經說序

六藝之義博矣易道陰陽書以道事詩以道志禮以道行春秋以道名分要其為用經世而已帝王經世道至近易亦至精微其精微者通天人之故推仁孝之極饗帝饗親而治天下運諸掌上其近易者導天下以大順使諸侯卿大夫士庶人各修其職保其社稷宗廟祿位以及一身一家則人人親其親而天下平其垂示於名象紀載於典策彂列於等威秩序覘驗於風俗性情事至繁蹟不必皆言孝也而皆孝之所由生唯其題目不同指意殊別學者得其一不知根原故九流之學皆出六藝或反與六藝背馳其甚者邪說興暴行作亂臣賊子相接踵而無父無君之言盈天下孔

子生周季逆防其弊作為孝經統會六藝授之曾子傳之思孟又以亂臣賊子不可以空言治也託義春秋加王心焉故曰志在春秋行在孝經逮夫戰國楊墨塞路孟子辭而聞之夫而後孔子之道明尊尊親親儒家之學遂高出九流上漢興際秦火之餘經籍道熄然漢世廟號必冠以孝又制使天下誦孝經孝治天下遺意存焉魏晉以降至於今日宗法亡矣而世有譜學廟制廢矣而代以祠堂故今著姓望族同出一系者居雖異地得以宗譜辨別世次其聚族而居者歲時祠祀合子姓昭穆獻奠饗饋不失其倫蓋吾中國數千年來以敬宗收族相維繫根源實基於孝孝為立國之本豈待問哉近者西風東漸撓物至疾曰自由則為我之餘唾曰平等則兼愛之變相人便其說靡然從之噓已灰之燼潰障流之防憂時之士痛道德淪亡乃求之區區文字矣文以載道而文非道也根原不明文愈工其害道愈甚居常蒿目讀陳東塾先生

書揭鄭君孝經為六藝總會一語以為微言未絕大義未湮竊疑其識思有撰述以彰其旨人事侵尋因循未果東莞陳君子礪東塾高弟獨撰孝經說三篇上篇言春秋與孝經相表裏中篇言曾子學行皆本孝經下篇言孟子本孝經以距楊墨博而貫辨而覈以閑聖道如棄鱗爪而得元珠以開誠淫如懷重寶而與環敵相抵柱也昔程子讀橫渠西銘自謂見亦及此恨無子厚筆力夫西銘固行在孝經之的義也橫渠為文以簡求達今君為書以綜貫取通體製不同言各有當唯余見與君同而才力不逮泚筆序此思程子之言又不禁滋愧爾

勝朝粵東遺民錄序

辛亥之變九龍真逸棄其圖書宅舍避於海濱之龍湫龍湫宋季故墟也桑海易觀異世同感乃纂輯吾粵明季遺民舊事得二百九十餘人為粵東遺民錄四卷其自序極言吾粵人心之正風俗

之厚傷今思古有餘痛焉嗚呼此其由來遠矣溯自廉恥道喪至五季而極士之談節義者昌於宋盛於明吾粵在宋時被中原文獻之傳訖明而嶺學大興與中原埒名臣鉅儒先後間出莫不敦崇名教倡導鄉邦夫粵人自好天性然也居常蹈利則若慙赴義則若渴其倡導也易為力重以同志之羽翼師友之講明翕合類應漸漬成俗故宋崖山之亡也烈士殉於前遺黎慟於後矣明之亡也桂王西奔吾粵倡義為牽綴之師同志響應其敗者沈身隕族瀕九死而不悔其存者間關奔走亦至萬不可為而後遜居窮山或溷跡方外以終餘若一介草茅抗節高蹈者復所在而有視宋之亡加烈焉凡此皆吾粵數百年醞釀潛蓄之正氣不幸值世變而於諸君子一褻之蓋積久而不可遏也如此顧嘗論之風俗者積而盛者也世變者積而大者也士志不素定不足當世變世變不一端司馬氏孟荀列傳利為亂之始一語盡之顧其傳貨殖

也歷舉當世趨利之流並隱居巖穴設為名高者屬之又以無巖處奇士之行長貧賤好語仁義者為足羞蓋謂語仁義者惟巖處奇士可信而設為名高者皆靡靡意未嘗羞貧賤也疾夫利為亂源而舉世競其中正言若反意未嘗崇勢利也班氏不察以此相織人心趨利苟便其說希通而惡介媮為而務得夫如是故積漸之久官常固紀日即於此窳夫如是故大奸乘其敝得別恣其邪說該辭摧毀名教以自便夫如是故趨利者無復顧忌而古我先哲所持以正人心維風俗之具塞源拔本掃蕩無餘士無特操靡靡隨之竊嘗觀於晚近而後歎司馬氏立言之痛與諸君子志定之可貴又以為致此極者非一二人之事一朝一夕之故也蓋世變積大而不可測也又如此然而所謂志定之士往者已矣固無意於身後之傳來者蒿目世變方自得於山巔水湄亦豈患德孤而後古人以自壯此未嘗兩相待也兩不相待而兩相感不得已而

發憤道之使後之論世者皆知風俗世變之相為乘除其養而成之也有因其敗壞而流失也且無止極俯仰今昔蓋有憂焉然則讀此一篇徒歎其采摭之富考證之精未足以知其用心也嗚呼微矣

元廣東遺民錄序

九龍真逸既輯宋明粵東遺民錄清谿漁隱復輯元廣東遺民錄二卷補其闕以示余余受讀竟綴言其後曰宋明之亡吾粵義士奔走國難至事不可為始不得已以遺民終元之亡也君既避荒嶺表隔絕東莞籍土歸附有明至比於竇融李勣其事勢與宋明去異又是時明祖於勝國人士嚴不仕之罰明史文苑傳載戴良王達並以不忘故主形於歌詩其後逢備受教迫僅而獲免而良竟以不得其死賈裕伯屢徵不起手詔嚴切至於流涕就道然則士生其間誠能端居遺世不辱其身不可謂非信道之篤決幾之

明者也錄中諸人儉德晦名其行誼散見志乘數百年來若存若沒清谿漁隱彙為一篇捃理務數既章潛德且使知士人立身大節所繫非可藉口以自寬假此尤其微旨所寓若云補闕又其餘事焉爾

宋臺秋唱序

九龍海汭巖嶂沓匝中有崔嵬峙列者三大書深刻曰宋王臺臺南平眺綠樹寒蕪風煙掩抑有村曰二王殿居民沿故稱莫詳所自久矣辛壬之交熹公卜居其地自號九龍真逸登覽之暇鈎攷史乘知其地為宋季南遷之官富場村即以宋故行宮遺址得名陵遷谷變閱七百年今且淪為異域而久湮之蹟顧發露於易代避地之遺民此非偶然也自是而後懷古之士俯仰憑弔稍稍見之吟咏丙辰秋真逸以祝宋遺民五洲子生日大集同志於茲臺酒精既設魂招若來有詩一章有詞一闕和者囑囑遂以盈帙蓋

痛河山之歷劫懷斯人而與
謂曠百世而相感誠不知其
士也業而集之名曰宋臺秋
作輯附卷後其視杜伯原之
月泉吟社託旨略殊體亦差
一也雖然感生於心亦既不
有不忘者存斯可以觀性情

明史樂府自序

宋崇儒而弱元玩儒而亡明
臣而以嚴刑峻法繩其後蓋
名互相支柱而獨攬大權於
剛愎自用柔姦之閹臣得伺
橫之宦豎得假中旨以攝外

上而不知旁落久矣然而諫臣志士不避誅夷激尚名義支柱其間此亦崇儒重道之效也莊生有言親權者不授人以柄操之則慄舍之則悲夫權在人主而致旁落彼據而有之者身為爭的不能不結援自固觀於晚明三黨構爭皆與閣臣相污附而魏閣擅權閣黨且遍中外即激尚名義之諫臣志士局於趨勢亦標榜聲氣陷於黨而不覺東林諸君子抱救國之心而卒收亡國之效此可為流涕長太息者也思宗承黨禍之弊慨然思太祖遺烈未嘗不痛自發憤期振敗局然師其崇儒重道而前席沮於群疑師其峻法嚴刑而芒刃頓於一割至是而互相支柱之術窮三百年之明社以屋此則太祖計慮所不及者也居常汎覽明史畧見梗概辛亥國變杜門索居閒刺取諸傳事畧仿楊鐵厓李西厓之體託之吟諷其事稍簡約者別仿王漁洋洪北江為小樂府區區此百數十事衡以一代興亡全局豈敢謂囊括靡遺顧俯仰唱嘆有餘

感焉彙而錄之畧存尚論微意云爾

番禺縣續志序

吾邑李志之修上距任志百年成於同治辛未辛未後下逮宣統辛亥甫四十年而時局遷變法令更張不惟百年千百年未有也電掣颺馳不及一瞬掌故散佚文獻淪墜邑之薦紳先 惴惴然懼疊次集學籌議續修邑志以戊午年二月開局邑學明倫堂推凌君孟徵王君憬吾徐君信符謝君次陶潘君激笙鄔君伯健任纂修而以總纂推丁君伯厚梁君小山並濫及不肖固辭不獲因與諸君參稽志籍斟酌義例定名曰續志李志闕訂之補之門目次第略如其舊惟稍移併損益並裁略名一例稱志為目十三為子目七十有四其略曰沿革附圖圖有總分分格布星縱橫秩然尋度氣候山脈水源皆從實測附以方言志輿地第一建設紀新新多於故局廠營房鐵路馬路船塢堤岸公建亦附以此觀政

時變可悟志建置第二戶籍紀實勝舊虛編田賦鹽課益以房捐
兵防警察水巡馬巡自治有會要政略全志經政第三大祀崇陞
從祀定位學堂代興書院廢墜此大沿革事關學制裁篇別出不
屬建置志學校第四邑境物產利源所開農漁工商於斯取材物
質富國萌芽胚胎充實光輝庶待將來志實業第五宦績人物兩
不相蒙職官表傳義類則同取類稱名二者折衷近師靈壽遠法
武功志官師第六制科薦辟辨章統系科舉既停畢業獎勵同名
異實因類附隸餘從同同不別起例志選舉第七晉宋元明昭代
先哲義取表章搜遺補逸邑士居前寓賢退列可法可傳甄采務
實志人物第八目錄分部釐如界畫亦有叢書無可分析一人之
著一家之刻增此門目部居不忒志藝文第九碑刻出土遠代逾
珍廣搜近代亦資博聞證釋文字兼考其人石墨鐫華如挹古芬
志金石第十登臨憑弔思古懷賢豈惟誇飾點綴山川逮於坊表

纂取流傳觀感百世移隸斯編志古蹟第十一時事時政繫屬一方分門紀錄此挈其綱體限編年遠者難詳軼聞瑣記相輔而行志前事第十二餘事第十三至其移併損益詳義仍於臨文敘述隨條發明惟尋方志為體本屬通史無斷限可言顧辛亥後一切紀述無所據依若惟摭取要聞甄錄一二非惟挂漏例亦不純此則概付闕如事非得已者也

知縣文忠公直節一職代以平辛亥後

并與士紳修陳國漢墓不難入古百年憶初設局苦絀經費同人知

茲事體大非可刻期蕪事相約款無論盈絀時無論久暫通力合作務底於成歲月侵尋倏逾十稔操觚伊始材窘於伐山脫稿以還期淹於災木幸完夙約免請素餐而同事諸君殂謝幾半今存者惟汪徐謝鄒四君以遠不肖而汪君以書成促序甚力衰病餘生濡筆序此念此非一人一時之事訂謠補闕有待後賢惟幸觀厥成轉增懷舊之感云爾

孔氏宗譜序

先聖有言吾志在春秋行在孝經而鄭康成六藝論云孔子以六藝題目不同指意殊別恐道離散後世莫知根原乃作孝經以總會之蓋春秋者聖人經世大法而人本夫天物本夫祖至德要道以順天下莫先於孝其精者天明地察無所不通而其顯者則教民尊祖敬宗收族各親其親而天下平先之以敬讓而不爭示之以好惡而知禁於是而禮樂刑政自此出焉故孝者道之根原教之所由生而法者則所以弼教而成俗義固相為表裏也數千年來吾中國立法於親疏服屬之等倫常名義之防至嚴且密故宗法雖亡而聖人孝治天下之意常維繫於法律之中自法家懣嚴而傷恩壞之於先薄俗乘之習為澆漓潰之於後識微之士蒿目深憂觀顧亭林華陰王氏宗祠記謂有人倫而後有風俗有風俗而後有政事以為末世宗法既亡積污之俗傷害風教人道或

幾乎息此亦慨乎其言之矣然亭林所言第痛法之不修而俗敝而法之本意固在人道雖息而未息也至於近世異俗憑陵國勢積弱一孔之士不咎俗之敝而蔽罪於法又不審一國之法根原宗教妄議雜取彼法支離補綴其敝也蔑親疎服屬之等潰倫常名義之防拔本塞源生心害政此誠所謂五帝三王之大去其天下而人道或幾乎息者不知起亭林於斯時又若何感慨也然則將挽橫流之勢而大為之防使我中國億萬神靈之宵曉然於法之所由立與教之所由生而無失先聖作經維世之旨其道必自脩明宗法始而所以修明宗法樹之風聲其道又必自聖族始斷可識已曲阜聖族各行省著籍者皆有世次可稽故譜率數十年一脩修則徵牒於各行省彙集成帙合之則絲聯繩貫分之則昭穆釐然吾邑詵敦鄉孔氏占粵籍五百餘年譜脩者累矣嘉靖二十三年彥韶一修乾隆庚午尚訥一修俱赴山東進香以應曲阜

徵牒今宣統元年將再修譜佩然學博仲明別駕兄弟以余夙與
交好辱徵弁言余維聖澤之遠通材碩德標映海內人盡知之無
待揚詡惟宗法與政教相維繫之故竊擇簡經術推原聖教之本
而益想見聖澤留貽之有自來且欲使喋喋然輕於議法者一息
其狂喙也故不辭而為之序

小攬麥氏續脩宗譜序

麥氏於嶺南為望族其著史傳者自宿國始或以為本晉相麴
後後乃去躬為麥或曰非也漢武帝封城陽頃王子昌於麥曰麥
侯子孫因以為氏今核晉書無麴麥侯則見班書王子侯表義
差有據然溯西漢迄魏晉六朝淹歷千禩闕無聞人世次靡徵疑
亦不無附飾故鄭夾漈氏族略止據姓苑云始宿國當矣宿國豐
功偉節震耀天南史稱其籍始興自南漢乾和析始興置雄州宋
開寶中以河北路有雄州別稱南雄宣和二年錫名曰保昌故麥

氏舊譜又稱為籍南雄保昌者此也其十六世孫曰必達自保昌遷香山之黃旗角生子曰有從生慶宗慶宗生元俊元俊以元至治三年自黃旗遷小欖是為香山小欖之一世祖至治迄今年歷數百世傳二十有二枝蕃實茂益以昌大其族之通識而達禮者以南雄遞傳宗譜雖具小欖而下支譜弗詳歿者久湮生者無紀深慮積世繇曖渙散龐雜莫可究析爰釀金續修以壬辰夏六月譜成問序於道鎔道鎔謹案禮記曰別子為祖繼別為宗又曰同姓從宗合族屬宗法既廢譜牒日繇其後又不掌於官士大夫家始自為譜然整派者依源理支者循幹猶古人合族屬意也夸者為之攀援他望收并殊原紀述踵增飾誑虛美而譜學之敝久矣小欖麥氏之譜斷始宿國不著姓原而冠以麥氏宗譜辨宿國以下十八世為一圖詳本支所自出元俊以下二十二傳別為本宗圖其載於譜者支系昏妃生卒年間以逮祠墓祭田科目封贈皆

詳惟名蹟懿行悉據邑乘不私譏述其自本支他遷者載始遷人
洎其世次遷地他不濫及此可謂深明譜學者也余喜茲譜詳而
覈簡而有範且以附南雄譜後合之則絲繩聯貫析之則斷限分
明尤深與繼別之義合爰序其梗概如右

陳獨漉先生年譜序

溫君毅夫與獨漉先生居里同也而又嗜其詩性情同也桑海之
交黍離之痛身世同也惟余身世亦與先生同雖不能詩而嗜先
生詩與毅夫又同居與先生異邑顧先生羊城敎宅所稱小禺山
舍者距余居一里而近徘徊憑弔輒想見其人又與毅夫不同而
同於是毅夫摭先生詩文集益以先生族譜及他籍編為年譜屬
序於余其標舉先生大節與夫鉤考時事詳且要矣抑孟子有言
誦其詩讀其書不知其人可乎是以論其世也夫古人心迹必並
世有所不知而後待論於後世吾粵勝國遺民衆矣竊謂身世懽

痛無如先生少悲覆巢壯困行役終罹獄事生而與孤苦凶疾流
離疑謗憂危震撼之境相嬲邁洎夫晚歲悼心世網稍稍與俗委
蛇而議者隨之梁器圃故交也而有僕僕城市之責備朱竹垞通
人也而有降志辱身之微詞其他更復何論然試讀先生晚歲詩
文置其牽率應酬者勿道其感時懷舊諸作孤憤幽憂觸手發露
視壯歲之瘖口堯音固無以異然後歎彼之為責備為微詞者容
出於愛惜之厚意要之不窺其心而逐其迹不可謂之非過也毅
夫既自序發其旨而於先生詩文惟排比年月使讀斯譜者自得
之竊於前所舉三同外又自喜所見之同焉若云論世知人則余
豈敢

周玉泉先生贈言錄序

經言孝弟之至通於神明故物類徵應而天人相與之理寓焉史
冊所載皆有明徵歐陽公作司天考言聖人不以天參人蓋恐術

數家失於穿鑿而非謂感應之無其理也明潮陽周玉泉先生誠
孝格天致瓜梨之瑞並時名流多為詩歌文詞贊頌其後人彙集
為贈言錄近者其二十二世孫秩如將付重刊復廣徵題詠編為
續集既成徵序於道鎔惟先生舉孝廉科名稱其實生模範於鄉
邦歿俎豆於祠廟錄中所載如周大理光錫林提學大春唐員外
伯元皆潮中者碩推崇甚至信今傳後固無待後人之附益顧先
生生明中晚間距今三百餘年風氣變遷號稱開通之士疾愚俗
迷惑遂並天人徵應之理概事排斥至於蔑棄庸行道德淪胥流
變所極殆不忍言而先生精誠至性獨周於數百年後能使其子
孫篤守家法子若孫復能冥契先生之精誠至性務發揚而光大
之止此一念往來繼續縱貫終古橫披六合是世雖百變而所不
變者固在也然則斯編之傳固非徒藉區區文字為先芬計也道
鎔文字之力不足表章先生萬一聊述所見俾世之知言者察焉

鄧和簡公奏議序

奏議之文與史傳相出入故目錄家不入集部阮通志自宋元迄明著錄者二十餘家佚未見者十之九然溫氏文海所錄尚存屋畧亦有今書具在而阮志注未見者至於國朝諸鉅公自吳荷屋中丞駱文忠羅文恪兩尚書外餘諸公多藏完帙未及刊行其附存本集旁見他籍者尤紛紜錯出嘗私擬推廣其例仿照明黃訓經濟錄唐荆川右編意上起漢唐下迄近代分門區類彙成巨帙畧存鄉邦文獻而恨其力有未逮也順德鄧和簡公自諫垣出守洊膺疆寄為邑中二百餘年開先懸車而後怡愉林下積十餘稔翕然推鄉邦耆碩所遺奏議公子用甫觀察毓生太守彙輯為諫垣一卷撫皖五卷撫黔二卷其立言率平易剴切務規審根本大計不趨逐時名亦不張皇高論張漢三提法謂光緒初元言路盛開識者預憂其雜庚子以後外患日迫議論愈紛公於其間居台

諫不露鋒棱居巖疆務持鎮靜一持保民以保國為宗旨實能不隨風氣為轉移洵篤論也夫慷慨者尚氣和易者切情此緣稟有剛柔而立言之本不在此故言路之雜終於標榜角逐而無實外患之迫則始於道光辛丑而極於光緒庚子此上下六十餘年時局變遷禍亂迭作其賢者流涕太息發為謙論而揣摩風尚以驚時名者亦因緣依附其間夫是以朝局蠅蟻而國是愈病然而蹇諤之忠悶達之彥則固後先相望也即以吾粵論如歸善鄧鴻臚伯訥與公同列諫垣直聲震世今語冰閣奏議出世爭物色而傳本無多餘若高要蘇慶堂河帥香山曾卓如何小宋兩督部豐順丁雨生中丞并馭歷中外當日封章海內傳誦使出其完帙與公此編並時流布何嘗不分道揚鑣各有其至者在哉而惜夫不可得也吾於是益賢用甫毓生昆仲不置矣

陳香翰給諫奏議序

吾粵同光間居言路最久最有聲者惟歸善鄧伯訥先生先生彈劾權貴當者摧扑事關桑梓如痛癢之切身其於中外大計及吏治民生利病洞審癥結危詞叢論多言人所不敢言故鄉邦後進居賢路厲風節者率師先生而先生遂以直聲震海內然先生性故和易與人無崖岸徒以遭際主知多見采納故鋒棱所懾遠近嚴憚初非有意立名也同年陳君香翰自曹郎歷道科十餘年其居言路未嘗不久其彈劾權貴數陳吏治民生中外大計與夫桑梓利病章數十百上雖所言有用有不用而未嘗不志先生之志顧君方率其與人無崖岸之素酣嬉坦夷無所不言獨絕口不言在官時事此編蓋君歿後哲嗣穉香大令於遺篋得之出以示余夫當其感激時事篝燈奮筆一往無前而事後扁鑰深緘自視若崔瑗之屏語此其用心居何等也昔司馬溫公論諫官嘗戒近名夫以諫為職而又以名為戒寒蟬仗馬皆得託之以自文故風節

之士務自矜厲良非得已在温公豈不知之而顧為此言者誠懼
蹈道不實而錚錚於名不若無驚夫名不既其實者之用心純也
余交君四十餘年讀此一編乃得盡君之生平益有味夫温公之
言已

幾何贅說序

光緒癸卯冬道鎔忝督高等學堂為諸生謀各科學預備以算學
一門當補習幾何延潘漱笙孝廉任其事潘君以代數釋幾何依
原書卷第采本文引申之文所難明代之以式以課諸生凡再閱
寒暑而平面立體皆畢業爰先以平面六卷刊作課本名曰幾何
贅說又挈書中綱領及研究要旨為例言十四則習題瑣言七則
弁之卷端贅說云者以徐文定公言此書自首迄末文悉顯明茲
之附益猶贅疣也愚竊謂幾何一書絲聯繩貫一義不通前後斷
絕而每證一義繁複隱奧象窮於形容詞窮於擬議觀西儒偉烈

亞力述埃及王語欲更求捷徑則此學之難治久矣文定嘗言能精幾何者無一書不可精好學幾何者無一事不可學其筆受利氏譯為此書自謂推敲顯明譬山行者四望無路至則蹊徑歷然然見蹊徑待於既至若當未至時雖以善辯如文定無術解其意中蘊結設四顧傍徨廢然思返將終其身無見蹊徑之一日安所望讀而好好而精哉然則所謂顯明者亦顯明於讀者已顯明之心其未明者不在此例也西人以代數推形學者之書其有譯本者如美儒羅密士之代形合參英儒文約瑟之圓錐曲綫說初治形學者驟難問津此外若代數術代微積拾級皆有代數幾何一類亦止粗具厓略惟英孺韓伯連形學書依原本篇多用記號等式以代論說其詮釋自一卷至六卷及十一卷之前半卷而止意在專發明平面立面之理其自序云立體之理已詳李察純尖錐形學書故不贅及李氏書吾國絕匙見獨此書孤行未為完備且

流布十餘年來尚無譯本故吾國講授幾何者仍用利氏偉烈氏前後譯本或參以狄氏形學備旨教者學者疲精殫力事倍而功半潘君此書平面立體次第發明釋疑導滯如雖解結匪惟工於術適於講授已也推其用心勤摯方欲學者讀此書無不好好之無不精手此一編作獨行山之導師而毋或俛俛然卻步倘起埃及王於今日所謂捷徑殆無逾此矣贊云乎哉

數學上編序

今上御極之二十七年度庶政聿新首崇興學詔書所至諸行省大吏奉行惟謹薦紳承風接踵鼓舞於是我廣州有教忠學堂之設以逾年初秋開堂延吾邑曹君榮三綜西文圖算物理諸科教事曹君邃於算且能讀西籍甄采新術以大其學所著算學雜識尤精聞輿頤通人推服曩教習吾粵西學堂四年穎異之士多所成就唯教忠學堂創設伊始事資循序乃別編課程每一紙出遠近

傳抄逾秋越冬積以成帙范伯言明經時董堂事憇憑付諸梓人
曹君覆加釐定先取數學淺理別為上編命及門分任校讐逾月
畢事而屬道鎔序其端曹君之言曰西人重學其求數雖資於算
然如分力并力及重心為重學要理皆須實驗實與物理學相出
入此外算學約分三支曰形曰代曰三角而已形學則有幾何曲
線以逮剖解諸術代數則有諸元乘方以及對數諸術三角曰平
曰弧皆根八綫則有測量推步諸術綜其條流皆以微積為歸墟
而導源必自加減乘除開方五者之數學始余之為數學也分上
中下三編上編術必淺近說取簡易期學者之易明也中編貫通
中西務祛畛域欲學者明而漸融也至於下編皆採西人新術蓋
既明且融可語變化而數學之能事畢學者唯先習熟上編而後
中編下編可與代形諸術漸次互求荀子曰以淺持博博固非淺
不為基也吾於此編竊取斯義是在學者循序致精毋躐等以希

速化而已余謂凡學患躐等而算為尤亦唯算為易時人家言撰者充棟大率喜語精深恥言淺近其言者又或疎畧而乏條理學者每習一法粗明梗概無習問以窮其委折無辨釋以發其心靈徬徨蓄疑不得已而進求一法循此輟轉所學愈多蓄疑愈富其積日累月而無實得者勢也今讀此編於學者所易疑易誤如發覆如解結如提其耳而與之語雖屬初階而以推算尋常之數皆適實用由此而更造精深有基勿壞猶拾級也雖然曹君之用心至矣然今有異實於此攝緘勝固扁鑰人安於無所見將望望焉去之若稍有見焉必將盡窺其藏焉而後快此人情也曹君此編既啟其緘投之鑰矣而適有武昌之行學子悵惘失此導師是所目營心注之壞寶異器幾獲之而忽為大力者負之而趨也學者不能已於曹君曹君其能已於學者哉繼此有作而發其藏以餉學者固道鎔所深望於曹君者也

愛古堂文集序

陳東塾朱九江兩先生並以通儒為吾粵大師東塾著書言學不言政出其門者多樸學及淹雅之士九江則以儒術為循吏學在經世故其教人以掌故之學與經史性理並列而其高第弟子梁君巨川獨以文學稱余近搜訪粵人文集得君集於梁小山閣讀文凡若干首中多論學語而亦頗涉經世卷首有廖澤群前輩序序中標舉君論學宗旨言文章學問經濟利病不原於古則不深不按諸今則不切此真九江家法南海志乃列君文學傳中嗟乎士人鼓篋從師幸廁大賢門墻通知學之體用本末以期儒效不
得已而以文章見知於世世亦但以文人目之如君者可慨也哉
君館於閣讀有年讀其集中與閣讀書閱旨深情使人意遠閣讀
與余言頻年亂離倉皇遷徙百物棄置惟此集在行篋中舟車逆
旅必與之俱余曰吾子亦思莊子壑舟之義乎固而藏之不如藏

之無可藏之地也。閱讀曰然，乃汰其牽率應酬之作及題目之稍瑣細者存文若干首。又南海志藝文有錢錄自序一首，集中不載，附益之以付梓。人頽之曰：文畧示君文之精華，將不止此也。然而如此編者，足以傳矣。

丁潛客先生遺詩序

韓昌黎言：虛殷無書不讀，而皆資之以為詩。夫詩者，心聲不得已於中而假之鳴者也。不以詩聲心而資詩於學詩，雖工已非其至。故殷自錄詩至千餘首，今存者不百一，而數中唐詩家者亦不及殷。吾友丁君伯厚，負異稟，亦無書不讀，自登詞垣，職論思屢上封事，中歲歸里，舉比講座，訓厲後進，晚遘國變，杜門奉母，自號潛客。母喪既終，麻鞋萬里，奔問析津，客終張忠武公故第，門弟子李君麟頤輯其遺詩以屬，慵叟聞公為校定若干首，近體高格雅近盛唐古體，出入杜蘇，漸漬變化，能如其意所欲出，其於詩用力甚深。

也而君顧不以詩鳴故自辛亥以前雖有佳篇寥寥數首山河既
改江桑搖落積其幽憤乃一發之於詩嗚呼詩心聲也聲隨時變
而所以聲其詩者不變以君之才使當蚤年即以詩鳴方將導揚
風雅發揮忠愛即或太息政俗情見夫詞亦將為杜工部之憂時
白香山之諷諭此固近於不得已者君乃能之而并此不為必時
會既極始激而一發為谷音天地間之嗣響其激而過焉不暇計
也惟不暇計而不得已於中者益見此君詩所以至也余自光緒
丙戌與君春明一別更隱途分晚歲同居里閭嘗摘明史百餘事
擬為樂府與君唱和然皆出無聊之作當時未敢以詩人目君也
今讀此篇乃無一存其存者往復低徊覺十餘年來風雨晨夕之
素心猶宛然接於心目竊謂即以詩人目君亦足以不朽矣

林樸山四書全書總目表箋釋序

注前人情微旨遠之文鈞沈索隱得意難注前人闕雅賅贍沈博

麗之文詞必尋源事必搜根徵實尤難惟我朝四庫全書館之開搜羅繁富內府所藏私家所獻諸行省所採進遠永樂大典中所散見之亡佚古籍如川歸滌浩蒸淳瀆經時纂輯編訂咸萃一代之通博儒臣與海內宿學整派依源精析流別撰為總目百一十卷重以聖學闡深進退群籍折衷定論紀以詩文蓋凡歷十載而書告成而河間紀文達公以博洽綜貫之才實始終其事書成之日槩括旨要鋪張排比撰表呈進洵所謂閱雅賅贍沈博絕麗者也百餘年來家絃戶誦欽其實莫名其器良以事係一代右文大典徵引之籍不盡流傳京朝達官得之易矣搜討鮮暇則窮於日力咕嗶之士搜討勤矣徵集不備則窘於取才以愚所見惟先師順德李文誠公聰強絕人又久值內廷通知掌故已成注本未及校刊遽感梁木其餘操觚之士志焉而未為焉而未就者計不知凡幾也信矣哉徵實之難也樸山林君積二十餘年博

稽覃思之力易稿數四以為箋釋最后挾囊走京師得純廟御製詩四集條列勘證疑滯頓釋成書四卷浙中劉氏採刻求恕齋叢書中既而君復取原書增刪訂百數十條將重刊粵中而索序於余余既歎君用心之勤又念吾粵人今存遺著以校明史藝文志阮通志所著錄僅千百而十一而南海伍氏刻嶺南遺書其本有粵中所無反得之他省者又如陳清瀾之學節通辨方九谷之環書傳播藝林久有定論皆載諸家叢刻而粵坊間或轉無其書以為著一書者成之之難而永其傳者不易易也今君書刊浙中吾粵傳本無多他日安知不為陳方之續然則重刊之舉其烏可以已耶故為之序並勗君早從事焉

曾雪凡詩集序

宇宙間環境皆詩也詩人遇之感覺微茫忽入肺腑於是言人所難言而能得人意中欲出之言然而機集於虛少瞬即逝忽者遺

之求者失之人不天不因也朦朧萌析若即若離不達其源終難
溱洧天不人不成也天與人合神思淪其中山川助其外此蓋非
一二日事矣光緒甲午余主講豐湖博羅曾雪凡喜為詩肄業院
中院環於湖湖光山色無非詩也君得之而詩一變既而君設教
福田福田居羅浮之麓四百奇峯環插胸際無非詩也君得之而
詩又一變今歲之春袖詩八冊來謁屬為弁言溯余自辛丑歸里
與諸君子湖山一別三十餘年中更離亂壬申之秋與君一晤羊
垣握手道故及今又十三年矣一尊相對每憶湖山燈火昔年學
侶寥落晨星余亦衰病生意畧盡惟君日以詩為事翔翔精神於
寥廓中雖鬢髮蒼然而天機自得神理與象變而益上君之詩日
以進余之文日以退其將何言乎抑能終無言乎雖然性於詩者
所遇無非詩也詩隨境而呈性緣心而魁余姑為槩括語以待他
日君詩之日進而余亦可以無言矣

高等學堂同學錄序

茲堂以高等名自光緒癸卯西林岑公督粵始時道鎔忝綜學事
循學章設預科歷七載迄今三舉畢業試又合各中學畢業生攷
校升選得本科生百八十九人益以續選預科生七十七人都凡
二百六十六人於是同學諸子次其名籍里址為錄請弁言其端
惟諸子際興學萌芽淬厲奮發來游茲堂懼其久而渙也編為茲
錄用示紀念在學記曰敬業樂羣豈不然歟雖然諸生之群於茲
堂也暫耳若極夫羣道之大齊於志託於業所謂志業豈惟一日
觀摩一堂之講習已哉荀子曰羣道當而萬物得其宜羣之乖也
雖日揚推新理貫輸文明或情扞勢格不適於用故萃羣渙而使
之久而大誠不可以無道易傳言物不可以終渙故受之以節節
之象曰君子以制度數議德行諸子羣於茲堂規守秩序可以觀
度數矣擇善齊賢可以觀德行矣然而有秩序而萬物義以裁由

是而宰斷也如割由是而修法也如辨黑白則羣之分也其視此
也有德行而萬物觀而化由是而和以聚由是而強有力以勝物
則羣之合也其視此也故曰群道當而萬物得其宜而易之渙也
不受以萃而以節明夫度數德行所以萃羣渙而久且大也諸子
信知羣道乎他日克類求之志齊於中而發抒之於業吾知雖四
方離索如羣斯堂而相與語則茲錄也其筌蹄也然後有作者廣
續為之亦足徵樂羣之雅則茲錄也抑又其嚆矢也

送順德溫君入都序

皇上御極十有四年壬戌秋九月順德溫君與東莞陳君入都賀
大婚登賜召對時天子恭默思道將博稽中外之故深究理亂之
源思得闕達沈毅貞諒不二心之臣侍燕閒備顧問逾年三月詔
以溫君直南書房時吾粵數苦寇亂居無安宇君被命不違他顧
造車就道薦紳耆舊相顧感歎咸謂天子真知人君真知進退輕

重於是陳君首為序贈行而君復以書來徵言自維出國門三十餘年夢寐觚棱久如隔世視陳君以南齋舊臣立言親切竊愧未能其又何言顧自辛亥以後蜷局里門目擊君僕僕如飛鴻之南北海天照影肝胆皆真每一握手未嘗不流涕讀君一吟詠一撰述發抒忠憤未嘗不撫卷三復其又烏得無言夫以詞臣妙選榮侍禁近其職在供奉文字而非以供奉文字為稱職漢直承明與中外相應以義理之文外廷數詘唐陸宣公稱內相奉天所下詔書武夫悍卒投戈感泣往籍所載姑不繁引即近以吾粵論先師李文誠公直南齋時急下詞頭幾無抗手顧憶在都時日盱侍坐每論時事蘗芽隱患輒太息曰世以侍從文學為余榮此知我而非知我者也其後中日釁起憂憤抗疏孤忠議論傳誦海內此皆君所親見夫在文誠之時朝局雖糾紛外敵雖環伺未至於不可為也而卒以有今日警之人身病在氣血膝理扶之可振攻之可

達失此不治邪氣襲之久而羣邪並作如凶德之交會百骸衆竅
瀰漫充塞心君孤立與元氣不相統攝又久之羣邪角立陰陽搏
擊各據要害攻之不慎愈益橫決因而任之則邪既襲正正亦化
邪錯出相眩雖有虛扁洞見癥結而無所施其術此則古今未有
之奇疾未可以病在血氣腠理之常法治也文誠之歿距今甫三
十年天子聖明於上羣情蔽隔於下此其景象何似使文誠九原
可作其憂憤又將何似如君之闕博沈毅貞諒又歛聞鄉先生之
高風亮節其不以文學侍從為己榮也必也不以為己榮而求無
負斯榮君其念之哉

贈章珠垣序

吾友章君珠垣以醫名一世而自恥以醫名其於醫也凡有成法
可守有定論可宗舉世擅專家所能者君無不能不足異也唯夫
證無定名治無定法變幻複雜闇者冥行棋危挽險智者束手則

羣集君門君診驗順逆徐下斷詞後雖百變不能逾越其為術也
燭微觀變導險出夷神施鬼設不可求以繩墨及其成功推求法
意證以經旨若重規而疊矩也於是人咸神君術而余少罹憂患
搜不可名言之病積數十年君診之輒如出肺腑而相與語故亦
不能諱私愛而自異於人言顧嘗聞君之言曰吾以醫名非吾志
也吾少治經生業追隨梁文忠陶子正朱棣垞諸君子後妄意自
樹立不屑因循之學比侍親疾為擇醫計稍稍讀方書泛覽博涉
茫無涯涘因思劉彥和語整派依源理枝循幹自張長沙王叔和
諸家上溯於靈素古經粗通體要自是縱讀諸家方書辨別羣醫
術詣淺深得失昭昭然如判黑白矣顧古經文既幽奧義復精博
寢饋其中歷有年所游心大始究極化原乃恍然於二氣五行亭
毒庶類調變有常則和德伏失常則寇古聖人為生民立命導其
常於禮而窮其變於醫醫非小道誠不易言而余以桑海易觀側

身海島不得已而懸壺問世蓋余所謂非余志者非薄其名而不居懼其實之不易副也然積年以來粗有纂述於前賢論釋所見不同時下己意亦頗思審訂論文鈞探古義詮次粗就將求弁言其端余素不知醫受而讀之欽其實莫名其器無以應也而君索之益堅曰試為之當得吾意九方臯之相馬不必在牝牡驪黃也顧余卒無以應今者君年七十神明強固不減盛年因思程子云不學則老而衰君之不衰學問之力也抑君所學游心造化以其精者壽身而出其餘以壽世尤非夫人之學可比意荀卿子所謂美意延年其在是歟爰即此意壽君而即以序君書可乎

九龍真逸東莞五忠傳跋

宋之季東莞有八賢尚已九龍真逸近修莞志以袁襄愍崇煥陳忠愍策蘇閣部觀生張文烈家玉陳侍郎象明五公明史皆有傳而皆失其實重纂別行名曰明季東莞五忠傳配宋八賢既成書

以示余讀再過太息書其後曰士丁時艱生
白之冤其心迹若伏若匿若存若沒表而章之
官私記述或是非錯出恩怨異詞疎於裁擇得
或遐荒僻壤阻于聞見存者二三遺者八九語
言勝也散見旁證求諸雜史論者因有讀雜史
說然散見旁證固有即在正史諸紀傳者且白
錄方志家傳誌狀逮於諸家文集譜錄為秘籍
殆難俚指夫繁者不博求單文孤証不足據也
瑣事不足錄也即博矣覈矣而以博故複蹟而
其若伏若匿者如故也以覈故汰存益寡則體
若亡者無異也此而欲加纂錄糾正前史非通
通才而排舊論如移山補漏義如吹網窮心力
勞一獲或亦能之而不為然則忠臣義士捐不

不可知之史筆亦危矣哉真逸此編刊補漏失既博以覈附以論
斷自註旨益昭電五忠有知當無遺憾顧余竊有感者程氏澹聲
云袁公癡人也余維忠士義士蹈不測蒙不白豈逆計後有南董
其人者操簡其後而致命遂志身膏原野西市之痛俘囚之辱甘
如飴而不悔豈惟袁公凡如五忠皆癡人也世惟不為五忠之癡
故可苟得無不用可避患無不為愚者若固然靡者曰不得不然
神奸巨蠹復簧鼓其邪說使人人不惟以癡為戒而且羣相詬病
誣未死之人心柱尚存之直道若此則五忠者當在無足辨論之
列窮極流變甯止為古人冤憤為切身之痛老屋深燈矻矻然忘其
者不可寄意顧引古人冤憤為切身之痛老屋深燈矻矻然忘其
勞悴謂孤心窮照黨於其鄉先達余知其不然也謂與史臣角才
余亦知其不然也事曠世而相感不自知其何心然則真逸亦一
癡人也嗚呼真逸不以癡外余以此編見示余亦安能自外於癡

而默爾息哉

跋少室石闕銘

漢碑隸書多篆書少今存者開母廟少室石闕二銘古質樸茂實
出一手光緒丙戌入都得此二銘於廠肆開母廟銘頗剝落惟此
銘尚饒神采據顧亭林武虛谷所見本皆謂銘詞二行八字可辨
者五字今則八字無闕首行遠字雖微泐波磔尚隱約可辨以全
文與馮氏石索樞本較惟第二十行掾字泐餘皆完具先師李文
誠公亡友江主政孝通皆稱為善本藏篋中數十年今付裝池銘
廿二行行四字悉仍其舊中間空三行無字王蘭泉金石萃編以
諸家題跋叢林二字為所題之尾而云銘詞全泐及王虛舟以紀
年已見開母故不復書皆指為曲說不足信又稱戶曹史張下空
一行乃刻石時從正面轉西側稍留餘地引開母闕張詩直寫為
證釋武氏之誤疑論皆精確惟虛舟謂紀年互見固曲說將作掾

嚴壽見開母銘此二銘同時所立之證虛舟王氏既知其同時且謂以開母廟題名校定官闕名姓皆同知此以上無闕字何獨據泰室銘鄉三老嚴壽疑此將作掾非其官耶又開母銘朱寵下即接丞零陵泉陵薛政七字此銘七字上別有君字君丞二字必非連文疑上層當有關文不敢謂日月以上皆無關也此二事皆王氏所未及故附識所見於此

跋林東甫先生文集

右東甫先生文四卷詩一首案先生以嘉靖壬辰對廷第一巍科碩望焜耀天南廷策試策先已次第刊行詩集則萬歷中揭陽曾邁刻之邁歿其叔敬雍重梓又於廷策試策外增入華巖講旨書太安人不事佛二篇入國朝康熙間先生曾姪孫法偕族弟鵬鳳復搜輯雜文附以經義一卷合刻成書即今本是也先生學主良知讀集中與王龍谿羅念庵諸書畧見宗旨豈當士學盛行固風

氣使然歟然是時學派出姚江詩文派則北地信陽餘波漫衍先生詩文何落落獨往不苟隨風尚也板久漫漶林子宅岬先生族孫也因道其家君麟甫稟請大父潛齋擬重梓行余為憇愚成之并附識數語於後

跋陳獨漉自書鎮海樓賦手卷

右獨漉先生自書鎮海樓賦集刻標題鎮海樓上有登字序亦稱己巳仲春偕同人登焉當以集刻為正餘與集本校亦有數處脫誤其序與賦書體亦互異疑此為脫稿後錄存副本而筆意清雋絕俗其為真蹟無疑也篇中言逆節之萌不旋踵撲滅蓋為尚藩而發歸本尊親務持莊論而小異集別載其己巳九日登鎮海樓詩中有云昔人歌舞尚留名今人歌舞不成聲廣武城頭發浩歎千秋阮籍稱狂生雖亦睥睨尚藩而豪情鬱勃如鎮鄒之躍冶其詞氣與賦迥異而竊意此詩必同時所作何也溯逆藩以丙辰變

廣州相距十四年此十四年中流離轉徙伍身獄吏先生江村集自序甚詳虛名為累其思韜晦久矣詩成自視狂奴故態不欲示人編集時又不能割愛移置其時日不然相約為詩胡為以賦應耶既曰無以加矣九日之作孤吟寡和又胡可已不已耶彭躬菴獨漉集序言先生晚年磨礱圭角其觸手發露處隨即遮掃不露爪迹蓋知先生之深矣

跋李其礎先生手蹟

其礎先生崇禎己卯舉人遭國變以遺民終人品峻潔故書品亦高此作沈勁有逸氣尤可寶貴嘉應州志於所著溪聲堂法帖注曰存其函秘齋詩文集注未見今大埔黃積水一淵遙峯閣集序文出其手而遙峯閣集中有李其礎憶吟序及與李其礎論詩書皆極相推重計其詩文品格當不在書法下惜夫其不傳也陳提學伯陶勝朝遺民錄稱其與張璜等四人偕隱其二未詳疑大埔

黃一淵即其一案大埔志稱黃一淵與其同里監嗣蘭程鄉李棟為莫逆交則餘二人當即黃與藍嗣蘭矣姑附識之待論明遺民事者考焉

跋張文襄公手札

張文襄公論書不喜北派嘗為宸六朝詩斥為險詭其學蘇書自交福山王文敏公始文敏學蘇書公所稱書為九州霸王筆來風雲者也此冊皆與梁文忠公手札馳騁之氣運以沉著洵善學長公者中多商榷兩湖書院課士事其所稱東人當為日本長因護美公集贈長岡氏詩有止有合從紓急劫固知通道勝要盟之句極相引重又言君游武昌此間勝流多與欵洽蓋亟欲文忠一見以實其言故知即其人也公在粵廣雅鄂兩湖皆延文忠主院事其建廣雅時高掌遠躡直欲駕阮傅學海而上之計與文忠書函商榷必有無數楮墨若物色得之合裝成冊不惟窺見公前後造

士用心而亦可以觀世變矣庚午秋七月

跋王園長侍郎蘭石圖

東官王園長侍郎蘭石圖長卷其同邑鄧君紹木所藏侍郎明崇禎元年進士明史附見蘇觀生傳中至聿鍵殂於閩史乃稱大學士蘇觀生何吾騶與侍郎王應華等擁其弟聿鏞稱號廣州同時被命入閣知侍郎為唐王聿鍵所擢官史即據之入傳也紹武之亡蘇既殉節何走肇慶依桂王由榔起原官白版行閣事侍郎獨避跡緇流此卷款署壬寅為康熙初元距紹武之亡十有七年矣枯木秀石點綴疏花叢葉間皆極蒼涼之致蓋故國黍離身世搖落積感填胸觸手發露然則如侍郎者殆辱身降志而不失為逸民者歟

馮來廬先生遺著跋

來廬先生所著周易畧解算畧及周髀算經述南海伍氏皆刻入

嶺南遺書其用髀算經述有鶴山家雁山孝廉應遠跋稱先生少
得何西池前輩指授計偕下第復與東原先生同舟南還所業益
進知先生又嘗問業于東原矣此卷無款識姓名據謝氏跋知出
先生謝跋于咸豐初元辛亥稱藏其家五十餘年此圖之作當在
乾嘉之交至今日百餘年矣季良學文得之見示偶一展覽猶覺
先正風流去人不遠也

跋陳蓮史方伯墨跡冊

陳蓮史方伯有私印曰古今十三人蓋據趙甌北陔餘叢考稱三
元自唐至明十一人唐張又新崔元翰宋孫何王曾宋庠楊寘馮
京王巖叟金孟宗猷元王宗哲明商輅合以國朝錢閣學榮并
己為十三人也李尊客越縵堂日記又稱方伯有私印曰古今第
十七人於甌北所舉外歷舉遼史之王棠明謝在杭文海披沙所
舉之黃觀又引揚升庵言蜀在宋時三元三人楊寘陳堯叟何渙

以為自唐至明三元凡十六人益以國朝錢闡學榮方伯不得稱第十七人以為考之未審然楊寅一人重見去之適符十七人之數方伯此印當由考定重鑄未嘗誤也書法流傳不繫科第然科舉之廢久矣聊記所聞以資談助即以書論亦未嘗不疏逸有致也

跋彭春洲先生詩稿

先生古文為吾粵百年來作者其為文憂時感憤觸手發露其詩有詩義堂後集六卷結章為梧州行同里羅伯麟跋云自此以後先生無詩蓋亦寓傷時之意今冊末亦無此詩蓋此冊所錄與刻本互校至第五卷止以下或遺失或未及繕錄俱未可知然得此已極可寶矣

跋李文誠師臨醴泉銘

余丙戌散館習書於先師李文誠公邸第出都師以縮臨醴泉銘

贈曹付石印得者寶之此本較余所得本字體畧小當為丙戌後
戊子己丑間作師乙酉冬再入都歷戊子己丑皆考校試差師先
後典江浙試得士之盛海內豔稱而試差卷式格與此本同故知
當出此時也其結字運筆收束精神細入毫髮而肌理血脈骨韻
姿勢皆肖他人矜意為之所不能到猶憶曩寓郟第時師每下值
不脫衣冠就案評隲余書畢信手展紙背臨歐書頃刻累幅無一
懈筆此不惟絕藝入神亦其精力過人遠也詎不數稔中日之變
忠憤憔悴梁木頓摧常熟翁文恭師執之云積感填胸斯才竟以
文衡老遺書滿篋餘事猶堪藝術傳其惋痛至深展覽遺墨附述
舊聞不勝師門之感

梁文忠手書懺庵隨筆題詞書後

懺庵隨筆版燬于火存梁文忠手書懺庵題詞懺庵裝成手卷以
屬陳君芑村曰余老矣此卷屬君勝在余處也然卷中懺庵無題

字無印記尋歸道山芭村感前言將付影印以貽知好屬余次其
尚末題詞中所稱舅氏張延秋侍御鼎華也侍御歿都中故里知
好築感舊園祀之文忠亦有題記未及刊石園已入官其墨本今
未知存何所若物色得之同付影印亦吾邑藝林一故事也

潔盦遺書四種跋

范君伯言歿逾十載詰弟仲臧季馨兩君校其遺書刻之凡水經
注書目碑目存佚考一卷粵東金石錄補正三卷宋元刻漢書考
一卷潔盦詩文集二卷撰述大旨早見余所為君家傳中詩文集
皆輯自散佚其雜著三種憶光緒戊戌余時主講豐湖君自龍川
于役郡城宿湖樓中曾述及之且曰來日茫茫著龜不告此區區
者不破甑之棄而敝帚之珍余恐後人覆瓿矣知此三種皆成書
於戊戌前又是年秋政變新舊交訐浸及於學術不覺言之痛也
十年來桑海易觀世變益大展讀一過猶彷彿湖樓夜話情味而

君墓宿草余亦衰且老矣

汪憬吾廣州城磚跋

微尚齋立人汪君手拓廣州城磚按其時代加之考證精審可佩此磚發見時吾邑方修續志志中金石門所錄石刻最後出土者有隋王夫人徐智竦二誌皆至宣統三年止志體近通史本無斷限唯辛亥以後一切紀述無所據依分門纂錄若此詳彼缺又苦於為例不純余嘗於續志序中言之此磚所得皆在辛亥後續志金石君一手編纂其不以入志者蓋格於此例也然擇其係邑境者別為一錄固可作吾邑志金石補觀即他日續纂邑乘可資攷證其為功於文獻也大矣

上張安甫前輩書

前奉台照知荷褒薦并傳部限飭報起程日期以便咨部捧讀之下且感且愧伏思道鎔以駢蹇之姿竊科第登詞垣游自丙戌歸

省以後以門祚單寒饑驅四方歲月侵尋淹及兩紀蓋少無巖穴之操而長役於風塵之內盍上不事良非素懷蒙老前輩元鑑拔識而揚之大廷誠宜奮勵竭其愚陋以上酬高厚下副甄獎於萬一惟旬日以來夙夜籌審因思士之出處有素懷高尚而牽輓於功名亦有志存進取而不能自脫於田舍此志與事相背而馳而無可如何者也至於外觀大局而內審其能副有時焉有宜焉此志與分相待相需而無可自誣者也道銘無適時才歸里廿餘載閉門之車豈能合轍不肖之軀無足顧惜誠恐一不得當重累明鑒且於內規私計亦有志與事違而未敢逕達於大君子者連旬以來躊躇卻顧不克趨謁崇階申其悽悽謹成詩四章奉謝並以述懷詩不足觀惟以區區隱誠託之韻語度無悖風人之義或亦大雅所垂鑒也至道銘不幸孤露又承乏學事應如何立言辭退之處現在部限尚寬容俟熟審再行呈請轉達大部雖出處殊轍

而進退皆恩但使不肖退足自安得全其硬硬之素計所以報我公之知者或在此而不在彼也

與溫毅夫書

毅夫足下執別以來日月駢征倏逾二稔弟既病廢執事亦罕涖羊垣瞻望停雲私衷軫結比聞大旆冒暑北征感歎賢勞彌增遐眷重念以衰朽之身鄉書重舉過承拂拭援故事上達渥荷天褒極知跼蹐高厚未酬萬一而感念風誼未能忘言病榻中成七古一章錄塵清誨意重詞拙惟冀就所能言洞鑒其所不能言者而已執事與閣公書甘苦之言敬佩敬佩側聞前席問答有自今以後始有膽可嘗有薪可臥之語含義深遠目前局勢展轉變幻尚難逆料沈幾應付當有一定程序齋粥之輩未足與謀知難不難事在賢者空山老朽每思拭目河清一語竊願少緩頰更相待也溽暑惟餐衛自愛不盡

與林溫伯昆仲書

客臘奉手書並寄到行述一冊尊公詩集文徵詩徵各若干冊承屬撰尊公墓表自維辱交垂二十年愧學識閤陋不足以知其深以義無可辭謹撮取行述及締交以來離合蹤跡撰次成篇寄塵禮席其撰述大旨在以尊公學豐遇嗇時不副志特於文之起結處揭明而篇中貫穿處亦隱含此意至賢昆玉行事不便繁叙故以振俗救蔽四字括之而歸本於夙稟庭訓然後述尊公自道語凡以見世變雖不常仍孟子所謂道不同而趨一與山巨源天地四時猶有消息之邪說有別也候選縣丞為尊公最後所得官似不可遺今並以此作標題一則紀實一則見縣丞微官亦感世變而棄去足為時不副志之一證至此外敘述如有疑誤仍請示悉以便更正金石文字宜求詳慎且墓表與志銘不同志銘埋幽不能逾時墓表則隨時可建稍遲無礙也詩集容暇細閱當再奉繳

尊公文章足以自傳至編校微勞則此身未死當勉為之耳

與姚君慤書

讀手書并尊者太夫人阡表嚴潔有法雅近曾王其語無溢詞尤得昌黎事親以誠之意至為歎服屬撰志銘勉成一首自視凡弱不逮尊者遠甚憶歲在辛酉大病自夏徂冬病起後氣體漸次復元心力銳減每一執筆神思阻闕文不逮意方知神明之衰甚於氣體讀其文畧可知也吾弟年未周甲秉賦素強來教所述近狀不佞六十之年曾親歷之究之氣體之病無損神明悔不早計因循至今君形者亡平素所得遂致如敗葉滿山不可收拾以此敬告後賢名山大業當早圖之毋待於及之而後知也承訊生計並貺俸餘且復曲折代籌使居於必可受之地風義之高用情之摯殆逾骨肉感何可言唯鶯字之舉實因亡兒次第摧折暮景無聊姑以道媚之俗書效籠鵝之故事情有所託不盡憂貧至於拙著

詩文少者淺薄近者類唐每一發篋嗒然意喪雖吾弟阿其所好欲過而存而得失寸心自知久矣就此二事皆不敢蒙逾分之賜致玷高誼唯適有一事欲為吾弟告者昔黃黎洲序明文案標舉唐之韓柳宋之歐蘇金之遺山元之牧菴道園七家謂以成就名家而論則有明一代如七家者無其一人以一章一體論之則有明未嘗無七家之文竊嘗持此意推論吾粵數千年來古文名家雖不多覲然既稱一代作者亦必自有門庭否則一節一章亦必有至情孤露之處其他因人因事當存之以資考證者尚不在此例而吾粵文總集若張氏文獻屈氏文選溫氏文海三書流傳日稀幾成孤本且應選之文亦多遺漏溫氏以後如馮氏潮州者舊集吳氏高涼者舊集陳氏嶺南文鈔皆就聞見偏舉一隅無續纂成大部者竊不自量欲彙而集之復取方志及諸家文集滌其繁蕪加以摭摭為廣東文徵一書從事累歲粗具規模尚未寫定茲

者拜廉泉之賜輒欲挹彼注茲以為繕錄之費私冀一二年內如此身未填溝壑當可成書書成之日尚當求賜一後序以志文字因緣視抄錄拙集徒供飽燂覆瓿之資者為計似較得也夙承愛注敬布腹心暮春薄寒伏維自愛

附廣東文徵畧例

一是編擬名為廣東文徵大旨以發明經史敷陳政術攷見風俗能說山川可備掌故數者為主尚實而不尚虛凡空衍靡曼之文皆不列入但徵文與選文徵別選文則或以義法或以格律別擇必嚴惟徵文則因文考獻別有取義故或有義法稍疏瑕瑜不掩者亦不免過而存之

一省郡文章總集或以人而分或以體而分各有不同如廣東文獻江右古文選東甌先正文畧皆以人為次第惟湖南文徵則分體編錄而分體之中其人又順時代而分次序較為

適要是編擬用其法

一乾嘉以前志乘於藝文多載詩文古人一鱗片甲往往而有其為益於闕文者良多惟其中所錄率皆山水祠廟廡舍津梁紀事之作或過於蕪雜未能悉中度程則不得不從遺棄各家稿草視此

一陸與蘇盛行於世者祇載百一從呂成公文鑑例也茲仿其意名家鉅集流傳衆口畧采精華足見宗尚至若才豐遇畱聲采銷沈舊帙雖裨已經散落亟為甄錄以聞幽光

一湖南文徵選例云累牘連篇文之盛也單詞片語豈謂非文其不以文著而以詩見者則徵諸題下之小引不以文著而以書稱者則徵諸帖中之跋尾縱波瀾之未沛亦掌故之聊存茲擬仿之凡詩家之小引書家之題跋亦可節錄

一 文家每輕視駢偶然駢散兼行各有適用即韓歐大家集中亦並存不廢是編擬二體分錄偶體即附散體各類之後

一 詞賦一類亦列編中然古賦律賦體實區分姚鉉唐文粹一書選古賦而遺律賦茲擬采其例律賦概從割棄

一 作者不詳事蹟無以論世知人唐元合編極元集於名字爵里及登科之年一一詳載從來編集之有小傳實仿於此其最為詳贍者則元遺山中州集王漁洋感舊集尤多遺聞軼事湖南文徵變通之編中文以類分小傳別為部帙正文畧紀里貫仕履其事蹟之已見前載者附錄於後用存遺事其例頗善茲擬仿之於編後別為小傳參攷志乘傳狀摘要書之集中叙跋之屬足徵生平學行以及師友贈答名人紀述皆所酌采

一 盛伯熙八旗文經於本編之後別編作者考其例與湖南文

徵同惟文經於敘述里貫之後並列入選之文若干編載於
編中某卷於調查良便茲擬兼師其意

一其人已往乃可論定編中采列不及時賢此從海虞吳敏德
文章辨體先例生存一概不錄以避棄取之嫌

澹齋文存卷二

在翁山先生墓碑

番禺吳道鎔

吾粵自宋崔清獻公以晚節為海內士表至明白沙私淑其旨舉名節道之藩籬語提倡嶺學泰泉繼之敦尚學行而益以博約為宗故無無用之文亦無無文之學自是文章氣節合而為一學者承流淵源遞行含吐風雅發揮忠愛鬱積既盛至明之亡乃大禠著倡義勤王湛身隕族非儒林之宗匠即壇坫之才流至道窮不復灼知事無可為避跡山林託之著述者更指不勝屈而世所嘖嘖尤推獨流翁山兩先生獨流少遭家難中罹世網晚而韜晦不降不辱翁山倦遊風塵所志不遂出入儒釋網羅文獻託微旨於三外追宗風於楚些其志激故其音哀其才博故其辭放身後遺

文有抵觸干禁者其後人惴惴然抱懲羹之慮並其葬地不封不樹長掩抑於荆棘蔓草中嗚呼天將以先生終吾粵有明三百年氣節文章之局乎不然何世變之適相阨也近者先生遺書漸出南海陳侯伯任讀而慕之適宰吾邑訪求墓址為之葺治復於墓迤南數百武築亭因先生自號八泉翁即以八泉名亭自為之記而以墓碑文屬余夫士志不素定不足當世變世百變而志不與之俱彼其人固有自知自信者在也觀先生易箒時不忘曾子得正之語其自知自信者方將窮宇宙亘古今獨立不懼而何恤身後一坏之寄即陳侯之為是舉也亦豈求結古懽於曩哲飾觀聽於時流哉性情所至不相謀而相感此昌黎所謂不知何心者也先生諱大均屈姓番禺沙亭鄉人墓在北村寶珠峯之原其上為先生父澹足君墓左為母黃太夫人墓生明崇禎庚午九月終清康熙丙子五月蓋葬二百三十餘年而始表於世桑海再更九原

人遠曠世同感乃為斯銘銘曰

干將可折不掩銛兮珪玉可碎不奪貞兮委蛻埋憂上有芝莖兮
高馳不顧神遊滄溟兮日月代謝晦則明兮高阡華表鬱崢嶸兮
松柏交蔭柯葉青青兮返轡迴馭尚昵於所生兮

禮部右侍郎李公神道碑銘

光緒二十有一年十月丁亥禮部右侍郎李公卒事聞天子軫悼
諭以學問淹通克勤厥職照侍郎例賜卹十一月丁巳禮部遵行
諭祭禮逾年喪至廣州權厝城北小西竺岡塋域褊陋不稱體制
宣統二年十一月乙巳公配陳夫人卒爰合葬栖霞山六年八月
今上篤念儒臣追諡文誠公之子淵碩乃別卜地城北象牙峯之
原以十一年二月己未奉公及陳夫人之柩合窆焉既立祭葬碑
如今式而神道之左屬道鎔為銘道鎔以與弟子籍早不敢辭謹
再拜而次其事曰公諱文田字若農一字仲約其先世自南宋寶

祐宅居南海明景泰中析其地置順德遂為順德縣人曾祖社書
祖偉行父吉和皆不仕誥贈光祿大夫曾祖妣歐陽氏祖妣歐陽
氏妣何氏皆誥贈正一品夫人所生母徐氏誥封夫人累贈正一
品太夫人公年二十二舉咸豐五年鄉試九年會試中式賜一甲
第三名進士及第授翰林院編修旋直南書房典四川鄉試升左
右春坊贊善洊升侍講典浙江鄉試督江西學政在督學任內轉
侍讀升左庶子侍講學士侍讀學士任滿仍直南書房同治十三
年六月疏言臣母年七十餘京師道遠不便迎侍乞解職歸養許
之光緒八年丁憂十年服闋十一年入都起原官仍直南書房典
江南鄉試轉少詹事典浙江鄉試升內閣學士禮部右侍郎督順
天學政兼署工部右侍郎充會試副總裁經筵講官領文淵閣事
二十一年九月管理戶部三庫事務以查庫感寒疾卒年六十二
綜計公通籍後自乞養外皆官京朝久直內廷嫻習掌故應奉文

字工敏無抗手屢掌文衡甄拔才俊名流宿學多出門下書自唐
賢上窺北魏石墨榜題映照海內秦篆漢分臨摹精絕其學自經
史諸子小學金石輿地歷祿暨諸藝術旁逮西人政學諸籍博涉
潛挈咸洞指要翕然稱一代通儒惟蒿目中興以後孽牙隱患當
事復務為選悞諛避常思激發忠謹一救世敝世之人願以文學
相推重益與素心刺謬若愀然別有深憂者其乞養時疏已具矣
聞方繕修圓明園乃先疏請停修力陳天灾人害責內務府諸臣
及左右宵人熒惑聖聽導皇上以朘削窮民為自利之計深論危
言詳盡痛切疏入上為動容逾月奉諭停止自是公家居奉母者
垂十年其再入都也值安南之役諒山告捷朝野晏然邊備寔弛
光緒二十年日人藉朝鮮東學黨亂與我開釁六月我海軍禦之
大東溝羣艦殲焉惟時親信執政無遠畧樞臣疆臣互相諛飾貽
誤公乃偕同直南書房諸臣疏請起用恭忠親王畧曰禮親王世

鐸才思平庸無人不知今日之恭親王當棄瑕錄用然而執政不敢言恐罪在不測夫事至艱危而猶避不測之罪國家養士其又安用臣愚以為宜豁除瑕類開張聖聽庶早收一日之用即早成一日之功若遲久後用無論挽回匪易即使及事所傷實多方草疏時公懼干天威願獨任咎同直者不可乃刪疏末臣文田主稿語疏入而廷臣聯銜奏請者踵至於是論恭親王會辦軍務仍為軍機大臣恭親王出嚴軍紀覈功罪廟筭既定人心始安十月皇太后萬壽諭停受賀承辦慶典大臣猶請點景公密疏言皇太后膺天鍾慶他日紅旗報捷何時非祝釐之時必於此敵踪叵測安危呼吸之時汲汲鋪張諸臣之見誠為未廣逾年馬關和議成償日兵費二萬萬稅務司赫德言中國四萬萬人賦一金得數且倍公奏其五不可且言計旬日間言利諸臣必紛紛繼進然皆務財用之小人止能蓄害竝至決無補於萬一疏累數千言詞絕憤

痛皆人所難言者自是以國事日非遇要人雖故交多責備語遇同志則流涕數月之間頭髮皆白病亟聞侍郎汪鳴鑾長麟因前言事獲譴浩然長歎謝醫拒葯遂以不起身後飾終優渥聖明固深眷公公翦翦不自容與平日譴論危言蹈不測而不顧者用情雖異而同出於憂國之誠其始終以文學結主知始終不以文學掩大節史傳以淹雅稱未足概其生平也初公乞養歸杜門奉母劉忠誠公督粵以故交延訪聘主應元書院講席獎植士類如恐不及道鎔不才亦其一也粵水患北石角圍西大路圍皆要衝公先後督修兩圍堤審形勢排羣議堤成績數十年屹然為西北江保障服闋將入都值中法役起欽使彭剛直公粵督張文襄公奏留辦防務籌餉籌械接濟西師力陳提督馮子材忠勇可倚任使得行其志卒奏諒山之捷此公在籍表見拳拳大者公志在經世尤究心朔方地形著有元聖武親征錄注一卷元秘史注十五卷

雙溪醉隱集箋六卷西遊錄注一卷朔方備乘札記一卷和林金石錄一卷和林詩一卷撼龍經注一卷已刊行无聖武親征錄注元秘史注尤精博見稱於時別有元史地名攷西使記注塞北路程攷進四庫全書表注詩文集金石跋尾若干卷稿藏於家子一淵碩特賞員外郎側室陸淑人出女三皆適名族銘曰

北斗光移曜南粵海內咸仰哲人哲學貫九流道不詘下視塵植非祥物獨憑浩氣摺儒術青蒲屢伏腔灑血漢賈唐陸風夔絕得公而三鼎峙列易名以誠鑒天闕有峯象峰真兆域大節豐碑同屹屹

清資政大夫陝西潼商道潘君墓誌銘

君姓潘氏諱衍鑿字達廷號任卿一號霖盒南海人曾祖諱松芳祖諱光岳嘉慶丁丑進士由庶吉士改刑部主事官至員外郎總辦秋審處以廉平稱有揭雲齋集行世父諱泗瀾從官京師紹聞

績學故君與弟衍桐學士秉承庭訓自為諸生已具遠到之器咸
豐辛酉並舉於鄉同治乙丑君成進士官庶吉士戊辰散館授編
修學士亦以是科登第與館選時海內巨寇次第戡定朝廷號稱
中興君兄弟并席華資負清望世羨其榮遇君顧愀然世變文章
餘暇獨洞究中外大勢研搜掌故分端講習以備時用秉國者若
寶文靖沈文定閻文介翁文恭諸公皆深器之嘗一分校順天鄉
試一典湖南省試得士稱盛於京兆試得錢塘馮文蔚於湘試得
吳獬周鑿詒獬以樸學掄元士論尤翕服而吾邑梁文忠親受業
於門以名節著君之教也出為潼商道道治當關河要衝自明析
為一道設巡守使本朝因之兼督權政選使恆重於他道時君病
甫瘥聞命力疾戒裝學士方以編修典黔試既撤棘亟入都謀緩
君行君自以一儒臣被殊擢又召見日奉論整頓稅務天語諄詳
義不當謀身惜已托詞平復毅然就道自都至陝垂二千里舟車

撼頓至中途漸不支與疾入關遽捐行館時光緒壬午臘月十三日也年僅四十有五論者惜之比君卒逾歲法粵構蒙學士已擢司業疏請開藝學科開格部議發憤歎曰惟吾兄知此意耳嗚呼味學士言君之端居俯仰所深念者何事世徒以君急於報稱坐隕天年猛志嘉猷百不一展為之咨嗟惋惜固未足以知君而身後遺文學士撫拾叢篋僅得霖盒遺彙湘韜日記讀史隨筆數卷又率無關閱旨於是并君之用心亦不克自見於世此又可為長太息者也配楊夫人先君卒繼配高夫人當君病革嘗剖臂和藥有賢名後君三十年卒篋室何淑人盧淑人子二元杰廉生中書科中書候選訓導楊夫人出元耀廉貢生民政部員外郎盧淑人出始君柩至自陝值粵有夷警權厝城東白水塘嗣改葬塔子岡水溜漫穴時元杰前卒元耀乃改卜將於戊辰六月二日奉君及楊高兩夫人柩合葬城東十五里銀錠塘寶鴨岡坐申向寅兼甲

庚之原先期來請銘惟吾鄉館後進昔隨清秘獲侍典型今存者
惟道鎔一人而忽忽數十年桑海易觀益懷曠識涕述舊德其又
奚辭銘曰

滎陽華系爰宅南海世德惟良家風文采孕粹鍾奇篤生令器雙
鳳聯翩同集中秘君也先鳴怒飛不息太華高寒青雲隕翼士之
不遇蓬藜何求遇而無年抑又誰尤人亦有言川流澤止止積而
盈澤流孫子寶鴨之陽鬱鬱蒼蒼有銘不泐世以熾昌

內閣中書陶君墓誌銘

吾邑陳東塾先生以通儒名海內其言曰讀書明理之人多出而
從政必有濟於天下故所著書言學不言政先生卒二十年其鄉
後進師此意以講學者有頤巢陶君君諱邵學字子政所居曰頤
巢因以為號系出晉陶桓公元末有曰嶽者遷會稽之陶堰十七
傳至君之高祖曰元勛始入粵祖汝鎮佐潮州吳太守均平寇亂

潮人德之以配太守祀父文鼎工詩世稱陶孝子入祀孝弟祠自高祖以下四世習名法學雖幕游居粵仍浙籍至君始籍番禺君游心古初妙通音律文學曾南豐詩宗陳后山書出入李北海米元章才流藝士所謂能者無不能也而必根極於道其論學之言曰一經之師則有奴主一隅之辯則有是非一時之治則有操舍彌綸萬物紀綱庶類惟禮為之宗故其學自六經聖人之道至於百家羣史無不習也而必歸宿於禮年二十六中光緒十五年恩科舉人二十年成進士以內閣中書用是年有中日之役其秋假歸逾年肇慶太守張公曾敷延主星巖書院講席二十九年地方有司奉明令廢書院課士制設學堂郡守多公齡復延為中學堂監督三十四年戊申六月卒於肇城年四十五妻劉宜人先君卒無子以從弟子宗蕃嗣君之壯年雅志用世嘗作論政本疏言行法之弛張在人人材之盛衰在學以無學之人馭一切法姑言之

姑試之迄於無效又概置不問此今日患之大者每欲得知類通
達之士究極古今以待世變顧甫參朝列遽值多故朝野士夫覩
國威之挫衄炫他族之富強趨新者爭先而篤舊者持之力險躁
之徒因緣構爭煽其邪說君懼其生心害政蓄積幽憤託之文詞
終以胥漸之勢不可以口舌爭思退而修學儲材起一隅為天下
始故假歸後留肇十餘年竟不再出其主講星巖書院隨學者幹
局才器開示儒效咸能通知其意其督中學導之親師樂羣而迪
以國家倫理正義務端士習不抑法詭隨蓋君之志業至是一變
而精力亦凋涸矣自君之卒肇之人士通材如失依歸後生者如
失模範感慕相弔過於所親爰於是年冬仲某日奉君及劉宜人
柩合葬於肇城西仙人鞋岡羣弟子置祭田歲時祀焉以前粵督
張公人駿保薦人才嘗以君與余應詔來徵銘唯余之學不足知
君又惜君所著書成者止琴律一卷補後漢書食貨刑法志二卷

續漢書刊誤二卷頤巢類稿若干卷劬于教嗇于年不克如東塾先生從容述作以詔學者然觀君所得於肇之人士與肇之人士拳拳於君其無窮之志可思也銘曰

辨章學術讀書作記君承其流殊迹同意唯學於政如輿有轡轡苟失馳得毋顛躓三古道遐彌縫破碎西風東漸益滋歧異君綜衆流淵淵無際折衷清亂發揮平議妖鳥羣飛冥鴻遠逝名山待傳伊豈初志而况所傳百未一二高弟如雲登堂雪涕祀比桐鄉是何風義固知經師不讓循吏銘詞不泐以訊來世

清封資政大夫陳府君墓表

同年友陳君慶柱次其考訓導府君諱昌潮字蘧舫之閔閱世次行誼屬為表墓之文其詞曰先君年十六而先王父以鹽源縣知縣卒官先王父為吏廉雖歷宰劇縣家不中貲先君以弱齡孤露間關奉大王母秦太夫人王母唐太夫人挈諸姑歸里淬厲力學

旋補諸生入貲為儒官充越華書院監院十餘年晚歲補官諸生束脩之饋非其道不以入未嘗一日席膏腴地而上侍重闈備物備禮婚嫁諸姑恩誼隆摯逮不肖兄弟就傅延禮名宿館祭脩羊必豐必腴凡力能致者無不致也三族之貧恤存而哀死未嘗以力不給辭也里中善舉無大小捐貲倡導凡所規畫有終而可久未嘗以力不繼因循中輟也故終先君身清勤自力一羊裘至三十年而惟嗇身以澤於物論者以為難又先君子好佛多方外交然不喜談禪曰馳騁機鋒非瞿曇初義也惟精意誦經可收放心晨起必持誦金剛經數十年如一日先君子好詩與柳堂諸名流結社吟咏然嘗曰吾為詩自娛而已漢以後以詩名者無算必徧歷其門庭而自拔其外始足成家談何容易故詩成流布反無存稿江都符南樵國朝雅正集南海李子虎柳堂師友集並有采錄先君不知也先君績學不售期望不肖兄弟進取切然嘗曰作京

朝官雖貧稱職易縣令係民命不易為也故於不肖浮沈郎署淡
然安之而余弟作令江西甫逾年函促告歸蓋猶持夙論也嘗綜
先君生平其操行篤摯而不為崖岸蘄絕其立言不務高異炫俗
而嘗依於忠信自維竊祿三十餘年兢兢遺訓幸免大戾其深微
者不及窺其灼然耳目者不敢以無述也將以是屬子矣余曰君
之稱親善矣竊尤有味夫縣令不易為一言以為世不乏明達士
知其然而違心冒進道不自勝爭須臾之欲者衆也知其然而自
勝矣觀其詒謀於家因以推之平日之修身踐言不欺其志而信
於世雖有善述何以加此哉爰為之次曰府君浙之山陰人曾祖
諱世熙以諸生幕游粵積貲三千金以贖友人獄毀其貲不得
歸遂家番禺祖諱受增考諱其銘歷官四川南川內江綿竹鹽源
縣知縣生二子長諱昌法次即府君府君以附貢生官惠州府學
訓導以子慶桂貴誥封資政大夫光緒二十二年六月卒於里第

年六十八配姚夫人同邑舉人諱國成女子六慶桂光緒庚辰進士刑科給事中慶松候選縣丞慶椿附生慶揚廩生福建知縣慶榮光緒乙酉科拔貢生戊子順天舉人江西知縣慶棠廩生女適同邑舉人沈澤棠孫十六人長延年光緒癸卯舉人法部總檢察官次延燿廩生次延瑛湖南知縣曾孫七人以光緒二十四年月日葬城北十里白攬崗之原又十三年其年家子吳道鎔次而表諸墓行誼論列一如其子慶桂所述云

清封奉直大夫孫君少泉墓碣銘

君諱振浩字少泉姓孫氏先世高郵人宋龍圖閣學士覺之孫乙宰揭陽卜居邑之京崗鄉遂占籍焉清乾隆中有諱顯瑞者復遷縣城西揭陽孫氏歷數十傳縉紳衣冠接踵名德間出故世為望宗君祖先就考業雲並贈奉直大夫業雲贈君生子四君居次贈考訓子有法即有過不加譴責惟身導之禮讓諸子感悟咸相友

愛君生十餘歲隨伯兄振峰佐贈君商汕市振峰開敏多智略君善交際重然諾二能輻輳業以大贏於是君與振峰謀以叔弟振拔能文資之學而挈季弟振元佐商政一門之內各修職業築別歲致甘旨奉贈君頤養於家而孫氏之門基以植子家哲習商科暨將北游大學瀕行君誠之曰余與爾諸父艱難締造以有此家今爾諸父器爾才使遠道求學夫學以致用而用其學者志志定學成以昌其家以濟於時此余與爾諸父望於爾者也若學成而惟志私利何以學為比家哲自京師畢業歸君益為固門基計多所規畫尋遘微疾以己未十二月丁未卒年五十五論者咸惜君豐於德嗇於年然尋君生平所志本不屑屑為身謀今身歿十餘年自業雲贈君派下一門數十口四世同居無纖芥違言士夫談家法者奉為楷則而家哲歷宰劇縣治行卓然近長權政聲績益著皆足成君之志則君之刑於家施於後嗣者可知徒較量於享

年之永不永未足與觀君之深也配鄭夫人同邑修錦贈君女子
一即家哲女淑貞適同邑陳成欽孫三名達名高名江以壬申年
甲寅葬邑北溪下潮鄉之原家哲來請銘銘曰
德星堂高家法貴橫流淹沒風斯替哲人柱俗敦古誼訓詞惜惜
式後嗣用君之道家之瑞我作銘詞告來世

馮平山墓表

君諱朝安字昆炎號平山姓馮氏系出北平自懷化侯業避地南
遷官岡州守積四世至唐越國公益並以勳閥焜燿史冊厥後支
派蕃衍散居各州郡聞人間出為嶺表望族其著者如趙宋章靖
公元以經學輔導仁宗官至戶部侍郎至元有曰喬者官翰林院
秘校其七世孫用始遷新會之田心歷十三傳至祚祥遷邑城又
歷二十傳而至君君以商業起家少從叔父商暹羅既而歸涉長
江入蜀至重慶喜曰此可為也乃籠致蜀貨歸與粵貨互貫輸復

於廣州香港安南諸要區增拓營運其為人沈敏豁達徵物貴賤應機剖決百不爽一知人善任能者輻輳惟深疾姦富有謀鬻鴉片者謂君在蜀兼營此業因地因人不別勞勩畫而歲可坐贏數十萬君笑謝曰吾不為也滬上勦交易所浸淫及港市僧投機為商盡以股票二萬餌君君峻拒之復白港官請加厲禁商情大安人以是重君而君所業乃愈贏君在港累舉總理東華醫院保良局團防局及監理大學堂慷慨好施聲溢島上而識者推論則以在籍獨力建祚祥祖祠析私產為營業得收族遺意又建白沙象山兩先生公園表章先哲能見其大生平於興學尤注意在籍勸立貧民義塾職業學校小學校及景堂圖書館在港立男女義學三校華商總會圖書館又於孔聖會內倡辦中學後併入官立漢文中學益加展拓君之力也其他如廣東高等師範附屬小學建築費香港大學基本金漢文大學經費平山圖書館貧民工藝院

初辦費雖輸財不親其事而提倡最力捐款亦最鉅前後逾百萬
君顧自視欲然嘗曰吾中國聖人修道設教積文化數千年為環
球冠逮至今日虐古榮今棄雅崇諛主持一誤而人心風俗蕩然
每見縉紳太息此事猶自恨一簣不障江河矧余以不學之身益
復何能為役然顧亭林有言匹夫有責正為此事但使聖教得存
一綫為他日昭蘇回復之地則竭吾區區能盡之力於責既不敢
辭於誼亦無多讓耳嗚呼味斯言知君所慮遠而宅心純非逐名
為豪舉者比也君嘗納粟得光祿寺署正卒辛未六月十九日年
七十二父景堂贈如君官配李夫人先君卒子三秉華秉芬秉勤
咸能承君志以辛未七月朔奉君葬香港華人永遠墳場余既次
君言行乃為之表曰鈞是人而天獨予之富厚天非私其人為羣
生託命也賢者善於承天既知富厚非以自私則又何取於苟得
人第見君恥為姦富所守介然不知取難舍易其有而不與也如

遺其積而能散也如寄義聲流溢天君灑然皆此不為苟得一念
基之所謂人有不為而後可以有為也史遷傳貨殖言人富而仁
義輔夫必待富而後輔以仁義好行其德中士莫不勉焉然較之
性於仁義能以其道得之富輔之者何如也知此者可與論君矣

清候選縣丞甘君墓誌銘

君諱誠中字子美姓甘氏其先江蘇丹陽縣人明嘉靖中始遷廣
東信宜之六瀧村再遷龍水練雙山村自始遷祖至君凡十三世
曾祖國治贈武略騎尉祖乘和武庠生官衛千總考蘭泉以君援
例得縣丞贈修職郎君少擅文譽學內史書下筆神似為文儼
自喜不能就有司繩尺顧沈毅能任事故雖屢試不售而夙負鄉
望清光緒中廢科舉興學堂時一切草創君所籌建龍南學堂斟酌
規程實事求是成績稱最邑境多盜所居龍水練東北白石堡
盜魁陳郁踞為老巢數擾旁近小水南練及迤東十二丈窳磨刀

鐵爐諸地南界茂名復有茂匪袁六踞甘才鄉互相勾結環三面
皆盜蹤出沒而西通邑治官軍勦匪又率取道練中君外聯官軍
內籌團練殫力支柱屹然如防之制水遠近諸鄉恃以無恐歲辛
亥匪氛益熾君為廓清計請於邑令黃侯牒大吏益兵大舉而籍
要匪姓名數百於官次第搜捕無漏網者亦不妄戮一人邑境以
安自是君益為當事倚重君亦銳自任開陳利弊宣達下情其言
率踴佞便己者所畏惡微文諷刺句留餘地君在公言公弗恤也
尋值國變頻歲荒歉倡議籌賑全活甚衆丙辰春夏之交時局翻
覆長邑事者來去如傳舍衆皆避地君時已病瘡懼人情驚擾日
危坐邑局事平病益劇以六月朔日卒年五十八配陸夫人子三
祖眷農業專門校畢業祖基祖念並法政專門校畢業祖基現充
邑中學校長祖念充廣州市教育局一等課員孫三嘉謀肄業邑
中學衍茂穗生並肄業小學女四長適茂名梁紹賡次適同邑梁

憲周又次適茂名江仰萱季適同邑林紹漢以己巳六月朔葬邑
桃子嶺之原祖念來請銘余惟世變需才自衡才者決去取於一
夫之目士舍科舉無由自見君顧卓然自樹立如是信不凡矣然
以君之才使早致通顯計其樹立更當何如斯又觀世變者歎生
才之難而重為之太息已足宜銘銘曰神雖脫穎奔走群魑萬流
起滅金定不移積者厚不遐施吁嗟如之何勿思

姚夫人王氏墓志銘

夫人揭陽縣附生王君猷之女年十八適同縣附貢生姚君良材
生二子二女子梓芬國子監生早卒梓芳京師大學文學科學士
浙江任用道台州海門監稅女長適同邑光祿寺署正張秉哲次
適同邑監生徐孝展以甲子冬十月望日卒偉光里第年八十逾
年三月葬縣鳳皇嶺之陽梓芳嘗學於余能文章既為阡表以示
子孫復來請銘惟夫人當姚君壯年棄舉子業游四方志尚夙遠

不苟合於俗亦不問家人生產夫人能以其時支柱艱劇上奉庶
姑旁洽族黨下訓育子女咸中禮法及梓芳通顯致祿養所生子
女系益蕃衍且多才俊內外孫曾至八十餘人能無改於恭儉勤
飭以型其家不以接於身之豐嗇置幾微矜歎欣感於其間蓋婦
人而近於士之有道者是宜銘銘曰磬則諧笙與必輔輶黽勉翱
翔夫人之淑鍾美種德根菱孝慈振振繩繩夫人之宜靡戚於勞
靡怠於豫常德不離以永終譽鬱鬱鳳岡有楸有松有銘不泐尚
昌其宗

何少詹家傳

公諱如璋字子義姓何氏大埔縣人家世業農至公始習儒以科
第仕宦顯年十九補縣學生中咸豐十一年舉人同治初元左文
襄公督師剿金陵餘寇汪海洋於閩公襄汀洲某太守戎幕保知
縣加五品銜同治七年成進士改庶吉士散館授編修時海內戡

定西學東漸中央諸鉅公頗思開通風氣清流之士願持異議公獨研究西學為詞臣先合肥李文忠見而詫曰詞館中尚有斯人耶為言於宛平沈文定公文定時方贊樞垣又公座師也光緒二年朝廷簡通知中外之士持使節分駐東西洋於是晉公侍講充出使日本國大臣初日本為俄美劫盟悟鎖港非策與泰西諸國通商結約頗喪利權知我國結泰西約中有利益均霑語思以失之泰西者取償於我乃遣外務部柳原前光求通商初呈約章以兩國利益為詞再至則尚欲仿泰西諸約大臣斷斷持議久而後定中如設領事裁判禁內地通商皆與泰西互異以為歧視快怏失望既而臺灣生番戕琉球難民彼遂冒琉球為屬國於是

有征臺之議陸軍少將西鄉從道冒險興師我執政求息事償以恤歛益狡然思逞既阻琉球貢使復挾故智思嘗試於朝鮮朝鮮礮擊彼雲陽艦外務卿森有禮來陽乞我勸告朝鮮實陰伺吾國

舉動雖懾於李文忠朝鮮藩屬我所必爭之一言覲覩固未息也顧以中國地大物博又以數千年同種同文終欲相引為重故聞公使至彼國者舊詔為隋唐來千餘年未有之榮達官名流校秀閩彥使節所至爭望顏色求書翰徵題詠者相屬公一一酬接各滿其意去唯事關國際機牙肆應不少假借始至議廢居留華民舊規設橫濱神戶長崎三口領事初頗梗議公據約力爭卒收回裁判權又以公使之職在周知與國情偽達之本國執政尤當先其要者故於內地通商則謂日本物產多同中國其地自北洋三口至於滬浙江漢閩粵臺瓊皆一航可達視內地隔絕者運輸反使其入口有關稅外加子口半稅隨地可售視內地釐捐雜稅者成本反輕夫同一物產而運輸便成本輕其取價必廉勢將撓奪內貨失業者衆害既中於民生欲救其弊勢將輕減稅釐而害又中於國計且西人之居內地者多屬上流顧惜名譽日人則貧且

貪內地禁開肩挑負販累萬盈千其中良莠不齊萬一勾引奸民包攬稅率又不能繩之以法將何策以善其後西約損失往者不諫猶幸東西各異一旦有事於西雖無望東之助我而可冀其中立若離者繼之使合勢必轉相依附肆其要求甚或反助敵邦乘吾危以邀厚利此尤貽害之大者也故改約一事除堅拒外無他辦法可斷言也其於琉球則謂日人志在滅球以阻貢發端及其國是未定兵力未充急與爭衡猶尚可及若為息事計隱忍遷就阻貢不已必滅琉球琉球既滅必及朝鮮讓一琉球未見其果息事也為今之計宜出兵艦責貢於琉球陰示日人以必爭彼將氣懾而球可全次則約球抗日我出偏師助之彼將力屈而球可全又次則援引公法邀各使評之彼知理曲而球亦可全若仍恐猝開邊釁猶可罷斥使臣為轉圜地何為先自示弱舉外藩之土地人民以資敵耶其論朝鮮則謂朝鮮之在中國藩衛神京實為左

臂而在亞細亞西人比之歐洲之土耳其為形勢必爭之地俄瞰其北日伺其東彼素狃於閉關熟視無覩近則稍稍悟矣泰西通例凡兩國戰爭局外不得偏助唯屬國不在此例又屬國與人結約多奉其主國命令故今日之朝鮮我能郡縣其土地修明其政治上策也仿蒙古西藏設辦事大臣主持其內政外交中策也二者不行則唯令其於英美德法諸國通商簡派大臣往主約事約中聲明朝鮮國王奉大清國政府命願與某國結約如此則名義既正設遇外釁我有操縱之權若聽其自行結約各國皆視為自主彼既失所依附我亦自潰藩籬此兩敗之道也凡諸籌議皆先後上書於政府總署及北洋大臣累數千言剴切詳盡其後內地通商終公之任日人百計求之不得公去任後日人遂夷琉球設冲繩縣朝鮮則以東學黨亂我與日有甲午之戰日既戰勝馬關改約奪我藩屬強之自主并前百計求而不得之內地通商亦圖

翻異於是公之籌慮燭照數計於二十年前者竟不幸而言中則以任事大臣當日雖避公言顧重開釁不能盡用養虎坐大以貽斯患也公在使任六年自侍講累升至少詹事八年歸國逾年復出為福建船政大臣船政廠在福州馬江始任督辦者沈文肅閩人也故廠之員司多任閩士公至鈎稽工材將有所興革規畫既定窘於經濟乃以節浮費裁冗員為入手辦法由是失職者多怨值中法以爭安南和議決裂法水師攻閩時會辦海軍大臣張佩綸公齊年生也方調集南北洋七兵艦駐節馬江與公同籌戎備朝議諄切戒先開釁法人不戒期而襲擊我七艦殲焉於是將據船廠為廠暗臺礮擊退泊五虎門是役也論者謂法酋孤拔實中礮殞故船廠獲全而法人諱言之公亦不欲以傳聞之詞自解免唯引咎自請議處初議革職繼而論戍戍地苦寒得脚氣疾在戍所三年賜環主潮州韓山講席舊疾舉發卒於院舍年五十四所

著使東日記一卷東瀛百詠一卷詩文集 卷奏疏 卷其管子
析疑三十六卷成於戍所尤精博為世所稱蓋公雖獲譴而用世
之志未衰實於是書寓微意云

張樸臣先生家傳

先生諱文鑑字簡堂號樸臣姓張氏先世為江蘇鎮江望族父旌
門先生遊粵家番禺生三子先生其季也先生生十三歲而孤稍
長試於有司不售習申韓術出佐肇慶府史太守樸幕值土匪為
亂先生為設法解散脅從擒其魁亂遂定以此太守被優獎先生
遂名聞大吏嗣是佐藩幕二撫幕一總督幕五所主如巡撫柏貴
公總督勞文毅公崇光劉武慎公長佑毛定直公鴻賓皆疆吏中
卓卓號通達治體咸倚重先生先生亦精思織密夙夜勤翬以報
知己故積十餘年為粵中幕僚眉目吾粵督撫同城政由督主者
十恆八九位並勢偪多不相中嫌謗謠詆遂集幕僚郭公嵩熹撫

粵與總督毛定直公以故交相齟齬督幕某君雅負才望致被論劾繼者蔣公益澧與總督文莊公瑞麟齟齬尤甚先生並時先後居督幕獨帖帖無間言是時軍務方亟間歲輒有保舉先生司章奏當事者伺意旨以賞戴花翎艷之列名保案牒上先生以為侮已嚴詞拒之蓋先生操尚峻絕其處謗地而不受齟齬由素行可敬信非委蛇自全者比也初先生以議敘得知縣加同知銜頗志用世自居幕府久益洞知吏治民生癥結遂無宦情嘗謂人曰州縣官不易為非必貪官害民清官亦害民糊塗官害民精勤官亦害民人以為名言嗚呼以先生之才而為此語使一行作吏其能官也必矣能之而能不為知存於中者不可測也先生內行純摯事母陳太夫人雖公勞問視必親數十年如一日事寡嫂敬禮有加仲兄遠宦家人衣食身兼任之豐約與同無所私亦未嘗纖毫計較於其間也先生卒年四十四子三人長錫晉次鴻佶次學華

烏侂早卒錫晉學華皆與余交好申之以婚姻故知先生較詳學華以翰林改御史累擢至江西提法使

清贈文林郎卓亭梁公家傳

陽江有篤行君子梁君杰芳力學奉親修身不貳以諸生終其為文清剛如其人其書出入王內史趙承旨神骨絕肖然君不以是自憙知君者亦不以是為君有無也君幼失恃考曰君樞亦邑諸生有弟三人叔季相繼物故君樞公垂垂老矣君乃捐棄百事自講學課徒外一意奉親其於親力能致者罔不致而非其力不以養也其於親動息所需微志所屬媚思而疾赴而莫不曲當也故君樞公亦陶陶然而忘其老君樞公卒君慟甚既殮撫棺椎胸如壞墻及殯容粹變雖習君者幾不相識逮葬皇皇焉凡忌日愀焉愴焉蓋終其身不變君亦莫知其然而然也君嘗語學者曰事親孰為大愛身為大人不愛親未有能愛國者故君居常與人無町

哇至律身之嚴則毫髮不假借邑盛賭風業賭者賄紳庇名曰賭規懼持正議為梗也於是黠者陽持正議而陰納其賄或徇此術袖金涎君曰納此且源源繼於名無損也君正色曰余豈懼損名懼辱身耳辱身者辱親古人祭必求仁人之粟以此饗親親其吐之矣拒益峻嘗值歲暮窘甚而手筦嘗租儲餘金或謂盍陰假之他日償焉無傷也君曰此不可對人言之事吾奉教司馬公矣遂擁餘金而自典緼袍卒歲君既矜立名行重嫉末俗之流失喜通而惡介貪得而寡羞思以一身矯之而異趣之輩顧相訾訾以為君如某事稍遷就某要人稍周旋亦何憂貧方期以哺糟啜醢相隨潰藩籬破崖岸以導俗則益乖君旨趣乃務為峻激相支柱終窮老而不悔及衡以鄉評則無論智愚疎戚齒及君者皆齊其口曰正人正人雖異趣者不能奪也君字若豪號卓亭邑之白蒲人吳道鎔曰聞君有深友曰馮星橋當君疾革往視之出流涕語人

曰梁君全歸矣抑君之愛身於人所不見有魯男子不過者諸君所不及知也或叩其說馮曰君諱言之余祿之耶卒不言余謂人之相知貴相知心馮君不言信知君心矣然由此推見君之生平儉德晦名信乎朋友者素而凡皦皦以激俗者非得己也君有子曰觀喜嘗從余遊以優賁生考選知縣出宰畿輔國變後棄官奉母將終身焉其狀君也知要而無溢詞殆能以誠身之道事其親者然則君之貽謀遠矣

高楚香家傳

真定高氏自五代後周秦王行周以武功顯子懷德入宋尚燕國長宮主封渤海郡主為宋世臣徙汴梁其後人從宋南渡復徙臨安祥興末扈從厓山宋亡抗節隱潮揭陽之玉窖鄉明嘉靖中析海陽揭陽饒平三縣地置澄海遂為今澄海高氏之始遷祖自始遷以前失其世次歷□傳至日熙贈君生二子次曰曜和蚤卒而

君居長君諱廷楷字宗實號楚香少悌敏有遠志時英人在新安
瀕海開地曰香港君歷梅循達廣州至其地復航南洋遊於暹羅
有巨商某偉其才延司市舶事暹地宜稼盛產米而吾粵民食歲
仰給鄰境或歲荒不時至往往坐困君籌思久之慨然曰酌盈劑
虛此大利也吾姑發其端可乎迺謀設肆香港運暹米轉鬻內地
協濟民食又以暹人簸舂墨守舊法而帆船運載恃風而行程期
難定爰仿泰西機器礮法復與英商謀以輪舶易帆船轉輸既便
業以大贏迄今七十餘年繼者踵接曼谷都城向突相望南洋航
道運艘如織吾粵民食遂倚南洋一隅為命脈惟君實倡導之君
嘗論為商之要曰見小而忽大者惑趨利而失守者蹶故其操術
恥壟斷審棄取棄取既決利市三倍不以易其素時暹王嘗以賭
稅煙稅強君任其事人咸謂可獲厚利君卒固辭去暹歸港守故
業蓋夙所持論然也商於港者分三幫曰閩曰廣曰潮潮之商亦

分三幫曰潮惠曰豐普揭曰海澄饒君晚年居港久為衆信仰每
大事集議得君一諾無不立舉在港籌建東華醫院省會籌建八
邑會館造端闕大皆君提挈集羣力成之然勞謙有終不自多也
其居鄉尤恂恂自下褊淺小夫甚君得衆或非意相干恆曲意優
容之終不以力所能者蓋人久之其人亦自愧服其他恤親故篤
交遊多長者行非大節所在不殫述卒年六十三遺命施棉衣千
襲奉旨建坊先是君遇賑案輒報効疊邀獎敘最後以山西賑捐
案得即用知府賞戴花翎三代皆贈如君官妣皆贈恭人君初娶
蔡氏繼娶金氏皆封恭人子九振綱學能常宏常勤常昭學潛學
修學濂學賢振綱學濂皆候補道學能戊子科舉人八旗官學教
習學潛學修皆附貢生學賢候選同知孫二十一人秉貞光緒癸
卯科舉人曾元孫凡十四人

吳道鎔曰余光緒辛巳主潮州韓山講席道出香港得識君逾年

而君卒間聞潮人士談君遺事稱遊暹時老父在堂蔡夫人盡孝養持家政井井如健男卒以成君遠志金夫人故暹女諳商術能佐君籌策而嫻守中國禮教亦奇女子也忽忽四十年重作港遊學潛學濂學賢出君行狀乞作家傳讀所敘述無溢詞猶想見君篤實之遺然則君之刑於家貽於後人其素行可概見矣

姚嵩生家傳

君姓姚氏諱良材號嵩生先世自福建莆田遷廣東揭陽之仙陽又遷鳳林遂為揭陽人考曰大成少好讀書遭世亂不竟所業然多禮接通人長者故君幼而知學稍長博涉羣籍期於實用年三十補諸生林務堂總戎鎮南澳聞君名延主戎幕南澳海島綰閩粵衝君周覽形勢為條畫利病將上之當事以時大亂初夷吏方務因循憚興作不果上方照軒軍門鎮潮清釐積案委主局事君論斷明決曲盡情理人或稱其能君未息曰吾為所得為者耳天

下事當為而不得為者何限疚愧不暇敢言能乎君志用世而操尚峻絕既所遇局局無所展布中歲後絕意進取惟讀書自娛每端居一室神與古會慨然有尚友之志時或高吟抗誦抒其怫鬱頓挫激壯聲出金石祖祠圯於風聞而驚涕亟鳩貲建築工成釐定祀事甚具又去縣治二十餘里地曰深浦有宋姚子信舊築橋廢數百年久病行者君銳意修復工鉅費重經營累歲不就戚張君感其誠倡捐鉅資應者麇集橋成君為記盛推張君以為中周官六行之任人盡如張君天下事不足為也君遇人無賢不肖一將以誠摯和易惟持論不徇俗尤嫉世之急科名者其言曰讀書致用用在我遇不過一也世之讀書乃以求科名作官作官矣而移曩所求求速化求固位一念輾轉何所不至人盡如此天下何望而世蔽於俗見視若當然庸非奇變耶聞者咸駭詫然君有子曰梓芳累躋省試君破產資之游學無悔意卒成通才後科舉廢

梓芳畢業京師師範科獲獎舉人旋監督廣西師範君手書惟勸以實心教育無負夙望餘無一言君卒梓芳體君志辭監督師範職復入都肄業京師大學得文科學士學位嗚呼觀君之詒其後人其素所蓄積可知已所著有磐谿治事二卷雜文若干篇存於家

吳道鎔曰朱子有言不是科舉累人直是人累科舉觀君排斥世俗讀書求官之論何其若重規疊矩而言之加痛也法敝而變科舉廢矣而俗蔽不祛歷千百變而弊固在法豈任咎哉君之逸然高寄抗心古人嗚呼遠已

孫業雲家傳

君諱□□字業雲姓孫氏潮州揭陽人也系出高郵宋龍圖閣學士覺覺有孫乙令揭陽家焉自令君至君凡若干世考先就贈奉政大夫君生五歲而贈君卒哀毀如成人少長絕敏慧家貧輟學

賈於汕市謀升斗養母母□宜人卒自以孤子為母氏成就若不獲從容頤養雖殫力喪葬事事辦治而哀恆過於文有兄出嗣前卒遺孤惛弱撫之如所生其與人質直不屑為深文厚貌惟急人之急如急其私力或不給妻蔡宜人輒委曲助之宜人同邑和貴處士女兄曰建世稱蔡孝子者也宜人歸恨不逮事舅姑能秉其遺教治家勤樸家日裕矣而穀穀不改常度惟遇周恤事無吝色雅與君同志清光宣間皖鄂告災時君已卒夫人謂子振峯曰孝在繼志今日奇災使爾父而在當何如耶振峯瞿然先後出鉅資助賑獎給三代五品封贈世以是賢振峯而君之隱德愈彰則宜人一言之力也君子四振峯振浩振拔振元皆宜人出君教督諸子有法即有過不加譴夜歸或踰晷惟秉燭危坐以待相對嘿無一言由是諸子感愧務敦禮讓閨門化之君卒宜人守其法積今四世一門百數十口同居同爨無纖芥違言邑之縉紳談家法者

共推孫氏云

論曰萬石君不言而躬行漢廷重之而西京風俗以厚觀君家教何其相類也君孫家哲近長權政恂恂退讓不墜家風余見之未嘗不思君而意遠也歐風東漸逐時者不揣本齊末務摧壞家族主義狂流胥溺可使天下無完家如孫氏者其一壺千金哉

郭節母廖太夫人家傳

節母廖太夫人潮陽司馬浦鄉魯山國學生長女年十八適同邑銅砵孟鄉郭祥山贈君甫五年生子元聲方再姪而贈君卒先是贈君連失怙恃太夫人歸見其哀慕如初喪又自以不逮事舅姑每就贈君縷詢其舅姑家法遺教帥而行之如實親婦職者值忌日贈君泣太夫人亦泣於是贈君喜得賢婦痛親之不及見益勉圖立身而劬於學病革謂太夫人曰汝知予心予知汝意汝為其難我目瞑矣比卒太夫人慟甚既茹痛治喪逾數月遺腹子元勳

生而家貧甚挈兩孤子并日而食逮於勝衣次第就傅朝春夕績
驚閱所資皆出十指憂勞疾叢萃一身二子感念太夫人劬勞
亦互相淬勵既長咸自樹立元聲首勩商業元勩繼之尤負偉略
遂以財雄於鄉於是為贈君建祠升祔之日內外戚族咸集太夫
人進元聲元勩誠之曰余自而父歿積苦數十年不意有今日其
有今日而父潛德之貽也余聞而父言天道晦而章盈而闕自今
以往而兄弟其嗇身澤物倡導其家以永先德余雖老不以為輩
侈於奉為能養也聞者歎服太夫人子二次子元勩以清同知援
例得五品封典誥封太宜人孫六其長者國華以候選道加三級
得二品封典晉贈太夫人萃庭國棟候選同知國樑都司之松運
同銜國均都司曾元以下繁衍至百餘多以才能著稱者其卒在
同治甲子年七十五溯年二十三而寡凡守節五十三年光緒甲
午邑士夫以太夫人年行中旌典牒大吏請於朝於例得建坊國

華以選擇坊址久而未定遺命子兆霖務竟其事並求當世能文者為傳備家乘於是縣視學官陳鍾毓明經撰次行狀前史官吳道鎔為擇其大者著於篇

論曰曩主金山講席時鍾毓明經與太夫人曾孫茂才芳陳孝廉宗虞同及余門孝廉故與兆霖媼連篤實不妄語人也嘗與余論史記程嬰杵臼事不載三傳而死與立孤難易其義實通於婦人之守節因述太夫人事為證忽忽三十餘年孝廉茂才墓皆宿草今讀明經行狀憶前事信有味夫其言也夫窮巷孤嫠生事無賴一瞑不視而有烈名自好者能勉為之若夫俯仰一身知一死不足塞責支柱門戶罹百憂而不恤彼其時不知死之可懼違知生之可冀哉太夫人惟不自意今日此所以能為其難也而苦節之甘卒以再造其宗世有不幸而際其難者可勸已

普甯許氏清芬堂宗祠記

三代而後仕無世祿大宗不收族而人輕去其鄉貴為大夫猶薦於寢有宋大儒憂世之背宗忘本因謂人本乎祖始祖皆可祭服制逮高曾祭亦當如之禮緣義起定為祭法實後世宗祠所由昉南渡士夫避地嶺表其後多成望族故吾粵諸鄉大小宗祠林立春秋祭饗奠獻拜饋秩然有序蓋宗祠非古禮而禮意存焉此宋儒講論折衷之效也普甯許氏來自閩七傳至德軒贈公精形家言得吉壤不自營宅而作祖祠子忠卿資政公以商業起家復捐鉅資務成先志謙齋中憲君繼之始規畫建築定祠約置祭田凡積三世經營之力而祖祠成名曰追遠堂於是族之人高其義德軒公忠卿公卒咸附祖祠而祠後有地闕敞中憲君子修園昭武君得之將以為中憲君祠卜之吉相之亦曰地吉亞追遠堂規畫未竟而昭武君卒弟修樓明經少鴻司馬踵其事又以增拓餘地與隣界某議累歲始克鳩工逾年落成乃次其本末屬余為記余

按宋儒言得祭始祖謂大宗也若小宗之祭四親身於先人若為曾元得祀高曾若為宗子祖以上皆限於分所得奉者為禰廟而待於子孫世其祭蓋世次推嬗視吾身為進退此於法應爾而非豐於昵也今昭武君以宗子得建禰廟身雖前卒實尸其事揆之祭法誠為允協且忠憲君相其祖若父殫力祖祠昭武兄弟篤念貽謀克振先緒雖形家言儒者弗道而冥漠之中留此善地為敦本勸又使其後之人艱難委曲而卒償其志可以觀天人之故矣余故樂述其事乃為之記曰歲在辛酉八月普甯許氏清芬堂宗祠成如今式凡為門若干重丙乙舍若干楹前堂後寢堂曰清芬誦德也寢額曰孝友型家式遺訓也祠始本家塾名三省軒其改建祠堂主議者修園君董其役者修樓少鴻暨諸弟其將修樓命求余記者修樓子克臣也地在邑處寮鄉仁厚前距追遠堂約百武云

榕石園記

揭城環河多產榕故稱榕江其北河濬一株尤偉歷年不可紀幹中虛如剝如削如經界畫中深外敞如洞如閨其大至不可圍典溪吳君文獻有先世遺地縱橫二畝許當其下焉城闔蔽隔蕪穢不治乙丑三月墮城墉開馳道表裡無阻奇美斯出乃闢為園繚垣四周得其婦翁剛甫曾右丞擘窠書文曰榕石深處榜諸門名曰榕石園園地中窪導濬水入注之為魚樂池池南為小虹橋渡橋東碧石為假山幽徑環折花木清深曰通禪洞再東則古榕在焉因樹為屋曰巢榕閣濃陰深蔽如寒居之洞于盛夏宜其下有臺曰釣月臺榕陰漏處月光上下于涼夕宜越魚樂池而北則四俊坊在焉四俊者郭忠節詹事之奇宋大令道鑰黃編修奇遇辜給事朝薦郭名臣宋循吏黃辜並以明亡抗節不仕而皆登第於崇禎初元海陽吳尚書璽卿殿邦題曰龍飛貢盛二百年來邦人

瞻仰墮城闢道坊無所附委棄荆榛爰移置於此而以所餘坊石
嵌北壁曰拜石亭南宮拜石出於好奇此則以崇先賢兼存名蹟
義固各有屬也又北為落霞軒隔江黃歧諸峯遙嵐飛翠近撲襟
袖臨眺既倦迴眸南望巢榕深隱如接高人遙瞰魚樂池則白波
蕩漾游鱗上下又悠然作濠濮間想也然而文獻語余曰余為茲
園無崇樓廣榭以壯遊觀無奇卉異植以資點綴嵌壁建坊之石
皆數百年物碧山之石出故家廢園人棄我取儉嗇可笑徒以先
人遺業未忍荒廢重念時事多艱以二十餘年出入戎馬簿書之
身幸值餘閒習勞之事未敢高語前賢然導泉發石誅茅燔翳實
身親焉其餘一樹一石一草一木營度位置皆心力所寓不可無
述而自懼不文也子盍為我記之余既徇其意為紀梗概如右且
為之說曰環揭城皆榕也而君專其美奇美天祕以有待也而君
值其時且如剛甫右丞榜書時雖未知其意何屬而宦遊半生夢

寐林壑則情見乎詞矣迺滄桑易觀進有千古之悲而退無一邱之託僅儲此手蹟相待君乃不謀而與之合然則昌黎所謂天發而地藏之以遺其人不信然耶

冰玉聯吟圖記

故友石君星巢所居曰徂徠山館其女夫陳君芑邨髫年讀書館中從學為詩既而君主豐湖講席芑邨從焉踰年一麾出守而桂而蜀宦轍逾遠芑邨遊學東瀛歸復溯長江渡巴峽從君於蜀中辛亥國變並轡都門銅狄荆駝相與太息登臨即事爰多唱和芑邨既次君詩百數十首裝潢成帙徵求題詠復繪茲圖以志游蹤以余與君交最蚤屬為之記余謂人情之感感於積也感積於中而無所託鬱斯愠愠斯感矣壺觴之談笑登臨之唱酌風雨晨夕之情話雖在朋輩情遷境過感慨係之况芑邨於君以冰玉之契結文字之緣聚二十年來縷縷離合之迹於茲圖其積於感而情

深也亦未嘗不得所託而情暢也惟余以弱歲交君君之出山垂五十矣此三十餘年中壺觴之談笑登臨之唱酬風雨晨夕之情話蓋難俚指而老懷悵惘如夢如塵重以雲龍一睽合併無期懷人未終旋賦永逝無所託而借斯圖以託所託其為情暢邪鬱耶抑感慨係之耶圖凡五白山館聽詩曰豐湖泛月曰巴山夜話曰江亭觀雪而殿以冰玉聯吟聯吟不一地蓋以都門為多云

廣東高等學堂豫科生畢業訓詞

光緒二十四年戊申六月本學堂豫科甲乙兩班畢業既甄錄成績差別等第八月舉行畢業禮諸大吏咸蒞其事禮成督部張公提學沈公各宣示訓辭勸勵諸生道鎔忝司堂紀復進諸生而告之曰本堂豫科第三次畢業矣前次諸生畢業嘗以高等之名至不易副復舉恆言所稱顧亭林保天下者匹夫有責一語反覆其立言本旨而歸本於循名責實以勸諸生之力於學由今思之其

義固未盡也高等之學所以異於普通者普通第求必須之知識而高等則漸近專門將造就通才以為世用故其名實之辨不徒在學而尤在於所以用其學之志荀子之言曰道之所善中則可從畸則不可為匿則大惑又曰行水者表深表不明則陷夫學者懸中正為的專志定氣而赴於沈毅其取途雖紆而致用也必達此亦學者行水之表也不明夫此而惟捷獲速化聲名標榜之求舉所學以徇之夫是之謂畸其甚者匿其捷獲速化聲名標榜之私託於甚美可居之名而挾所學以文之夫是之謂惑凡此皆不審名實之尤者也諸生歷普通躋高等學科雖躋學期雖促苟克自力不患不既其實惟此所以用其學之志決趨向於方寸辨疑似於毫芒其事至難重以學界變遷紛歧之說日角立橫出而震撼之儻內役於自市之見而外劫於衆楚之咻所學不至無論也而誤於所以用其學者如策騏驎北轍而南馳馳愈疾失愈遠韓

昌黎曰行成於思毀於隨吾願諸生思之思之毋隨俗而眩於名實重為所學累也道鎔老矣炳燭餘明無益世用以期於諸生者遠故就前者名實之說引申之以為先辨夫此始可與言責實之學亦惟能辨夫此斯不患無責實之學而亭林所謂匹夫有責或與徒託空言者異也諸生勉乎哉

廣東高等學堂本科生畢業訓詞

宣統三年辛亥秋七月本學堂本科甲乙兩班第二次畢業既甄錄成績差別等第在學令當以踰年三月集同等畢業生朋試於學部屬學令更革先期徵集爰再踰月將授學牒使合符試於學部於是為舉畢業禮禮成提學秦公宣示訓詞道鎔忝督堂事復進諸生而告之曰昔太史公讀功令於廣厲學官之路至於廢書而歎茲者諸生畢高等業羣謂及時應部徵躋上選當得美仕名莫榮焉或則曰士之自待與世俗之相待者異榮名利祿不足為

諸生重余唯諸生勤勤茲堂淹歷寒暑以有今日其異日樹立所至吾不敢豫知也顧念載籍之博益以科學繁賾亦既分類孳稽如射志鵠其上者觀名數之稠奧與質力之聚散以究極乎古今中外興衰倚伏之由審同析異而折其中艱難錯迤而求其合其次者亦就性之所近孳習專門以適時用凡此皆諸生所宜有事皆不能無所藉以自樹立然則士懷進取固與朝廷勵士之旨不悖若夫太史公所歎俯仰懷抱言非一端非謂士之發奮以名於時遂與曲學阿世者同類而并譏也雖然名之一途士無賢不肖所并集者也然而賢者副焉不肖者埒焉士之自待異乎世俗之相待諸生宜審之素矣躍冶之金求為鑛鄒泊乎器成遂為世寶何則彼所求者固稱其才者也諸生行矣盤錯時間亟資利器尚求所以稱其才者於自待之道蓋庶幾哉

許氏四賢贊并序

普甯許氏宗祠成屬撰錄其先世名德各系以贊書刻祠

門

夏侯傳書行自長伯術通天人五行論歷濟濟門牆四科分席學
有淵源來哲之式

右漢九卿長伯許公商 漢書儒林傳許商字長伯長安人
仕至九卿

少府大讓別居取羸蒙垢召譏遂成弟名荆既循吏馘亦台衡綿
綿世德耀此聲馨

右漢長樂少府許公武 後漢書循吏傳許荆祖父武會稽
陽羨人仕至長樂少府

平輿之淵二龍翱翔高節偉鑒獨推子將袁恥車徒曹服裁量至
今月旦故里流芳

右漢郡功曹子將許公邵 後漢書許劭字子將汝南平輿

人仕為郡功曹

五經殊師傳說既異文字九千復相雜廁偉哉叔重裁量異義理類解謬人乃識字

右漢汝長叔重許公慎 後漢書儒林郎許慎字叔重汝南召陵人除汝長

宋鬱林梁孝子像贊并序

孝子名詔宋廣西鬱林縣人少孤事母至孝元豐中以孝廉為廣東提刑司判官母卒廬於墓側建罔極亭手植松柏蔚然成林奇孝通天有甘露靈芝之瑞時眉山蘇軾謫居嶺表聞其孝行枉道見之深加禮重改題其亭曰甘露林曰瑞松並書薰風二字榜所讀書處後人仰德建祠于縣境內東湖以祀之事略詳載鬱林縣志

孝通神明靈貺斯奇豈伊靈奇誠則致之瀧岡森森先生結廬華

芝承蓋甘露垂珠曰是何祥先生淡如蓼莪一編有淚盈裾懿哉
先生性何純摯胡今之人化性起偽邪說乘流恣其橫議非孝無
親大亂滋至載瞻丰采敬繹遺聞格頑敦薄願起斯人

明蘇爵輔像贊

并序

東莞故明爵輔蘇公字霖之殉紹武難垂三百年其邑後進陳君
子礪纂邑志以公明史本傳采野史失實別加鈎考刊謠補漏傳
成其族孫選樓錄以示余屬為像贊余維明季南都既亡隆武立
魯王監國紹武立桂王監國彼時宗祚不絕如綫顧不外禦侮而
內閱牆為之臣者又各擁戴所私如居奇貨卒以兩敗自速滅亡
可不謂闇於大計歟然觀紹武臨命勺水自誓意其平日必有君
人度略且兄終弟及名義至正其攀而立之也異趣者沮於前同
志者疑於後此公所不及料者也二憾既構曲全無策王師東下
君臣併命曩者責言于西鄰今復孤立勢成胥溺有明三百年之

祚且斬焉又公所料及而無如何者也嗚呼天之欲亡人國必置其賢人君子於輾轉錯迕之局使逆知其敗而無術自救而彼小人者方且幸災樂禍快身後之詆毀誣千秋之公論亦獨何心哉公絕筆詩云人皆受國恩時危我獨苦夫大明忠臣義當一死公夙自許又何苦焉誠苦夫一死而無救於敗初心不白於後世也觀於此而公足千古矣贊曰

束矢斷約摧則折也臣不食言力則竭也青蠅分點無損潔也浩氣丹心終不滅也

廖澤羣編修像贊

衆流趨海導者河江東塾學派得君而長大道藩籬貴者名行東塾門牆得君而峻名山之藏著作等身嶺學之祀俎豆方新夙心推許曰君傳人今瞻遺像當不易所云

莫鏡川像贊

并序

東莞莫鏡川先生豐於道嗇於年所著書多未成成者曰
誠子庸言采宋迄國朝儒先法語類從條貫不分門戶而
折衷於程朱余讀之歎曰莊子言百家之興道術為天下
裂夫百家異趣往而不返不合宜也若儒固一家言而溝
畫漢宋復有朱陸異同至明姚江揉朱合陸然同時吾
粵若白沙之學近陸者也一傳為湛文簡與王異議兩家
弟子各標宗旨遂分王湛之學黃泰泉以博約為宗論知
行合一與王異此外信王最篤者曰薛中離楊文懿排王
最力者曰唐澄海陳清瀾皆粵人也其判然不合者若此
國朝胡大靈宗程朱陳交甫通漢唐學統為正學續而皆
不廢白沙嘉道而後號儒者皆溝通漢宋至陳東塾而旨
益大明其以漸而合也又若此夫古人學必自得而後成
家讀其書得其所自得千門萬戶手完其卷雖有異同無

不合也不自得而逐迹為異同以儒者一家言如百家之
往而不返奚怪哉先生行誼已載邑乘惟念吾粵學脈遠
壇微茫昔賢往矣讀先生書竊歎其能自得也乃為贊曰
大道無藩亦有其門百流兼歸亦有其源繫羣言之紛羅執心
而執權大哉先生一爐冶之若渾渾圓示爾墀的為穀之式噫嘻
豈惟穀之式不見夫晬然盎然且根心而生色

澹盦文集

二

澹盦文存卷二終

澹庵文存跋

澹庵師歸道山後所遺詩藁未及手定同學陳君善伯搜集彙錄詩存一卷先已梓行文存二卷寫正待刊廣州事變圖史文籍多淪劫灰而先師文存歸然尚在殆亦斯文之幸耶師高風亮節原不待以文傳遭遇世變韜光養晦亦不欲以文傳然積厚流光發為文章深微淡遠足與桐城陽湖諸家並美卽以文論其必行世傳後無疑也宗準韶年久在春風之中回首師門捧讀遺文益不勝泰山梁木之感矣壬午季冬門人汪宗準恭跋

124

1

番禺吳丁二先生遺詩跋

先師 澹盦吳先生 潛客丁先生遺詩於丁丑己巳歲先後付
剞劂經已成書惟近更事變版片略有闕失同門諸君慮久漸湮
沒因加以補綴復為刊印竊維 二先生之品操學問其相同者
至多 澹盦師主講應元書院監督廣東高等學堂 潛客師主
講越華書院監督高等學堂教忠存古學堂皆以經史實學分科
教授融貫新舊不立門戶啟迪勸導一出以誠其講學之旨要同
早列朝籍即謝顯榮屢邀徵辟堅辭不赴被服儒素始終一節以
講學終其身其出處之節操同晚遘滄桑之變閉門著述時會既
極作為詩歌託於諷喻或激而一發為谷音天地間之嗣響其身
世之感喟復同辛亥後並荷天褒曰行為士表曰履潔懷清此皆
以為定論故自光宣以來粵中耆碩為士林所翕服者必曰番禺
吳丁二先生 伯久列門牆回首撰杖執經時忽忽四十年受吾

師之薰陶者至切於 二先生之學問大節雖未能鑽仰其高深然其相同之顯而易見者可絡莫言也因重印 二先生遺詩合裝成帙使讀 先生詩者得資景仰並為識其概略於後以諗讀者癸未春門人陳善伯恭跋 (參考溫副憲澹盦文存序汪孝廉澹盦詩存序張提法吳君行狀朱侍郎丁君墓誌銘吳太史潛客先生遺詩序張提法丁君行狀)

早歲辭榮晚致身力扶名教有完人要將家國無窮恨寫入詩篇
泣鬼神

一代詩家面目存但憑格調莫輕論谷音自有錚錚響不落風塵
體獨尊

故國平居感念深瓊樓高處自沈吟靈均發憤成天問想見斯人
鐵石心

東華回首尚依依海外同遊又一時今日淒涼悲宿草淚痕和墨
點君詩

張學華題

近代中國史料叢刊續編第二十輯
沈雲龍主編

廣東藏書紀事詩

徐紹榮著

文海出版社

有限公司
印行

梅道先生象

楊芝泉款寫



遐稽古昔載筆載言王官度藏崇階掌握邦國譜系四方志記以至索丘之要三五之書太史而下小史外史分司筦鑰笙簧典籍民無能名秦燔之餘逮至漢惠挾書解禁私藏聿起嗣時厥後私人插架之盈虛與地方文化之隆替相為表裏如影隨形然而緗縹聚散因緣運會欣榮歎悴感慨攸生不有詠懷何抒悃素此藏書紀事詩所由作也至若徵其文獻樹之風聲揚已往之芳菲扇後來之馨逸詩末綴以藏書家小傳則亦有其必要也夷考詩紀藏書家肇自長洲葉氏長洲葉鞠裳光緒丁酉刻必也夷考詩紀藏書家肇自長洲葉氏長洲葉鞠裳光緒丁酉刻藏書紀事繼以東莞倫君乙亥東莞倫明作辛亥二氏詩六卷

於歷代藏書家之身世考證及所藏典籍之聚散源流
蒐集勤勞洵稱殊績然葉詩所記關於粵士僅見數人
曾勉士吳蘭修丁日昌李文田四人倫氏有作辛亥以前概不著錄譬之
績畫前者偶露鱗爪未睹蜿蜒全身後者無首羣龍何
異騰蛇游霧求其對於吾粵歷代以來藏書先哲鉤鉅
嚴明彙括詳盡作為模範舉以示人者未之前聞 先
信符府君雅好藏書節衣縮食廣求旁搜公餘課暇日
親蟬蠹手自丹鉛孜孜不怠分別部錄尤重鄉邦屬意
辨香彌恭桑梓將明季以來粵中藏書家輯成廣東藏
書紀事詩二卷發沈德之幽光寓風於頌叙典籍之聚

敬因史成詩書未殺青遽捐館舍爰爰遺稿為廣州大學同人索去葉裕甫丈為之校閱刊於己丑廣大學報復刊第一卷第一期前有序云此詩稿乃本校已故目錄學教授徐信符先生遺著曾經葉恭綽先生校閱收廣東自明代以迄民國藏書家數十人詳述廣東典籍聚敬之源流闡揚藏書家之潛德洵為不朽之作且其中所述廣雅書局十峯軒廣雅書院冠冕樓菊坡精舍書藏惠州豐湖書藏之史實均為廣東文化教育重要史料尤足珍貴惟首頁所詠明代藏書家有詩而無小傳蓋未完成之稿也湯殿不敏紹述先志為力未逮每

睹是卷悚惕於心遺著未完引為憾事檢索度架遺墨
殘箋中片紙隻辭有涉及卷中傳語者勦加撮拾其有
詩無傳者綴而補之學報排印手民誤刊者訂而正之
惜原稿取去無從警校嗚呼風未興悲修焉七稔成書
顧託悚媿徬徨率爾操觚莫揚先業聞予小子惟我父
執諸君子進而教之則幸甚乙未小雪徐湯殷識於南

州書樓



廣東藏書紀事詩

番禺徐紹榮信符撰

男承瑛湯殷校補

邱文莊石室

南溟奇句耀文星問字車從石室停更喜異書搜秘閣
張余遺著炳丹青

邱濬字仲深號瓊臺瓊山人幼孤家貧無書嘗走數
百里借讀必得乃已性聰過目成誦舉明景泰五年
甲戌進士改庶吉士授編修孝宗時進禮部尚書掌
詹事府事充憲宗實錄副總裁書成加太子太保兼
文淵閣大學士卒贈太傅謚文莊所著有大學衍義

補瓊臺會編世史正綱家禮儀節朱子學的等書其
大學衍義補直宗朱子進呈時憲廟謂有功大學以
一部勅公建樓藏之公復於瓊山縣學闢樓藏書顏
曰石室以餉士人言粵中藏書者當首推文莊文莊
讀書中秘記誦淵博冠絕一時故郭夢菊謂我粵士
人釋褐後罕有讀中秘書者黃才伯之藻澤璀璨邱
仲深之爾雅浩瀚咸蔚然成宗云唐張九齡以忠亮
負重望而文章高雅不減燕許其曲江集首尾完具
由文莊錄傳於外乃文淵閣所藏宋槧也宋余靖武
溪集詩文斐然可觀為其子荀所編久無傳本明成

化中亦由文莊始自文淵閣錄出卷目與歐陽修所撰墓誌合張余二鉅著其不至銷光匿采皆文莊之力也

黃文裕寶書樓

百年遺蹟寶書樓明月長空一望收

文裕春夜大醉言志詩有長空贈我

以明月句六藝品流精鑒別名山史筆足千秋

黃佐字才伯號希齋晚號泰泉香山人明正德五年

庚午鄉試第一十五年庚辰

按明史府志不記年干題名碑錄作辛巳相去

一年而黃文裕公祠牌成進士選庶吉士授編修累

所作庚辰今尚可睹擢少詹事與大學士夏言論河套事不合尋罷歸日

與諸生論道其學以博約為宗嘗曰詞章之說勝始
有無用之文虛寂之說行始有無文之學故出其門
者多以學行交修自飭以梁有譽黎民表歐大任為
最著故學者稱為泰泉先生卒謚文裕生平著述二
百六十餘卷言禮有泰泉鄉禮樂有樂典義理有庸
言文章有六藝流別詩有唐音類選明音類選掌故
有革除遺事南雍志翰林記廣州人物傳所修之廣
東通志史例瞻詳尤負盛名至泰泉全集文章銜華
配實足以雄視一時其春夜大醉言志詩有長空贈
我以明月句然其學問之浩瀚淵博胥由於藏書泰

泉有寶書樓搜度祕籍為一時冠廣州府志謂寶書樓在舊藩司左明祭酒黃佐建按舊藩司在雙門底即今之永漢路寶書樓在黃文裕公祠內即中華書局左隣己卯廣州淪陷蕩為灰燼僅餘入門之石牌坊而已癸巳災區重建闢為青年文化宮大司成牌坊以文獻故仍得矗立門前誠足為後人景仰也

梁文康奎翰樓

文林館闢仰崔巍奎翰頻頌列袞台身歷四朝恩寵渥瑞雲常護曬書臺

梁儲字叔厚號厚齋順德人受業陳獻章之門成化

十四年戊戌會試第一選庶吉士授編修正德時擢
吏部尚書華蓋殿大學士時多營建輒偕同官切諫
以忤劉瑾摘所修會典小疵謂壞祖宗制書雜以新
例坐降右侍郎尋復尚書帝崩與定國公徐光祚等
迎世子安陸邸即位儲為言官彈劾三疏求去罷歸
卒謚文康有鬱洲遺稿傳世文康歷事成化弘治正
德嘉靖四朝御賜璽書數百函其子孫構奎翰樓以
貯之旁有臺每年秋日咸出所度曝於其上時人稱
為曬書臺樓臺俱在梁文康公祠內祠址在惠愛中
約府學東街現已闢為馬路即文德路也

張萱西園

寧饑無食寒無衣嗜古藏書亦一癡函雅篋經兼癖古
西園翰墨是吾師

張萱字孟奇號西園博羅人明萬曆十年壬午舉人
屢上春官不第考授內閣中書歷官吏部郎中嘗校
理纂輯內閣藏書著祕閣藏書目四卷又與修玉牒
視權許闕極意寬商芟意剔弊大學士申時行撰權
政碑頌之萱工書法精鑒藏搜羅甚富如宋李時行
宣和博古圖明唐寅手寫聲不在絃卷元王蒙松窗
讀易圖錢叔寶雪景圖盛子昭伏生授書圖等皆為

其所有當代名士如王世貞董其昌王穉登輩俱與
結交酬唱聲譽卓絕一時著作繁富有西園全集暨
筆記等宣自平越守鐫職歸處林下四十年手不釋
卷自天地陰陽以及兵農禮樂元乘韜鈴無不探討
嘗謂寒可無衣饑可無食病可無藥不可一日無書
當時謂為書淫為園榕溪之西極水竹池臺之勝自
號園公故人因稱西園公焉其園中名額甚繁有論
世齋彙史樓函雅樓籙經堂癖古齋皆其藏書地也
其分門別類度藏各有專室惜乎藏目不可得而見
耳

陳璉萬卷堂

池館宏開萬卷堂老來巾舄自徜徉
名山自有千秋業天祿何如此祕藏

陳璉字廷器號琴軒東莞人明洪武二十三年庚午
舉人卒業太學試吏部高等正統初仕至南京禮部
侍郎德行淳懿文詞典重著有琴軒集歸田稿喜藏
書晚歸鄉過闕有書數車悉封綸闕吏曰宦橐耶璉
不答令家人啟篋盡書也闕吏隨手探書出因璉璉
誦答無遺見書中多璉手記歎服謝罪家有萬卷堂
藏書地也書多祕館所無讀書之暇輒傲游名山間

四方名士慕名來觀必館穀焉誠盛事也

梁朝鐘乳閣

孤臣孔閣問殘篇聚散無常一點然譜錄不堪重校訂
開天遺事說龜年

梁朝鐘字未央番禺員岡人崇禎十五年壬午舉於
鄉明年中進士乙榜甲申燕京陷悲憤幾絕南都建
徵之不出閣中徵之又不出紹武元年唐王聿錕稱
帝廣州授國子監祭酒辭改司業十二月十五日廣
州城陷聿錕死十六日整冠帶北面成禮復拜辭家
廟屏家人赴水為隣人所救卒罵清兵而死桂王贈

禮部尚書謚文貞朝鍾博學倜儻好奇計有大志為
文豪逸如其人著有輔法錄家禮補箋日記錄喻園
集等集中有孔閣藏書自序述其由先代以來所置
經史子集架上列如廟堂器經亂或喪於賊或棄水
中雖有善本如房注管子文選蘇氏三劉等書皆宋
元間板本然多不能全部因感其事造一書目李龜
年說開元天寶遺事感慨係之矣

屈大均三閣書院

道援堂內五奇書淵博精深世不如最痛新朝文閣密
詔頒焚燬枉希虛

屈大均初名紹隆字冷君又字介子番禺沙亭鄉人
隆武時補諸生從學於陳邦彥之門明亡邦彥殉節
大均棄諸生從函是於雷峯為僧名今種字一靈中
年返初服更今名翁山其號也有四百三十二峯翠
堂以藏書見文外序沙亭有三閭書院則為鄉學藏
書之地所著四書兼考即刊刻於此翁山著述繁博
其廣東新語四朝成仁錄翁山易外翁山文外翁山
詩外五種號曰屈沲五書此外道援堂集軍中集四
書攷猶不在內又欲輯廣東文集書雖未成序例猶
可概見已成之廣東文選於鄉邦文獻搜羅宏富則

當時收藏可見一斑至乾隆間四庫開館以修書為名實以焚書為務凡有抵觸違礙清朝者概行燬禁翁山富有民族思想所為詞句慷慨激昂致遭清廷之忌以其箸述悉入全燬書目中片紙隻字不得流傳因所著而及所藏鄉祠遺籍亦悉蕩然此後吉光片羽殊不易睹矣

吳榮光筠清館

吉金樂石搜羅富晉帖唐碑辨別精更有坡詩真宋槧蘇齋藏弁入筠清

吳榮光字殿垣一字伯榮號荷屋南海人嘉慶乙未

進士官編修授江南道御史累官至湖南巡撫署湖
廣總督有石雲山人集荷屋最富收藏復精鑒別有
筠清館金石錄復有鐘鼎彝器款識題跋其辛丑消
夏錄仿孫退谷庚子消夏錄而作于宋元古畫評別
具有特長碑帖考據尤精著有帖鏡惜未刊行藏書
之名雖為藏畫藏帖之名所掩然所藏率為精絕史
記漢書均有宋槧佳本蘇詩尤有盛名陳其銀循陔
集有蘇文忠西樓帖書後曰公詩更有宋槧本蘇齋
藏弁歸筠清李詳媿生叢錄云聊城楊氏楹書隅錄
楊紹和案語云東坡詩宋槧本自蘇齋後不知流傳

何所先公曾訪之數十年杳不可得詳案蘇齋本歸
之葉東卿傳之潤臣閣讀又歸吳荷屋後歸番禺潘
氏復歸荊州鄧氏又溫汝迺攜雪齋集有宋刻陳后
山集跋云荷屋侍御示余宋刻陳后山集云得自真
武梁氏有蕉林藏書小印又有晉府書畫之印卷首
有紹興二年汝南謝克家序蓋南宋本也荷屋儲蓄
充物多屬精槩惜無藏書目錄流布耳

曾到面城樓

書生嘖嘖喜談兵浪說兵機比面城祇為夷氛城莫守
毀家紓難忍吞聲

畜衆畜書早遠籌環攻難撼面城樓霜鈔雪纂丹鉛編
學海經師未易求

曾釗字勉士南海人道光乙酉拔貢生學海堂學長
著有面城樓集鈔其面城樓記曰釗嗜蓄書自戊辰
迄今七八年得數萬卷襟置廳事中因述庭訓以畜
書與畜衆城守相比謂畜而弗力學猶弗畜也力學
而弗心得猶弗力也面城樓藏書多有題跋丹黃殆
徧經勉士審訂者鈐一善本二字印章當免官時書
多歸龍山溫氏所藏以雜史地志為最佳溫樹樑為
汝适汝能之族激綠樓藏書多為曾勉士遺物近年

亦已散出余南州書樓收得不下三百種多屬鈔本
孤本鈔有面城樓印或勉士或曾到印勉士藏書亦
名古翰廖山館有古翰廖山館藏書目錄序云歐陽
子曰好之而無力雖近且易有不能致余每誦而悲
之然亦用是自豪蓋余室四壁立獨插架數萬卷且
有宋元槧及舊鈔手校本紙墨奇古丹鉛淋漓清風
逗簾展卷流連未嘗不私心竊喜謂幸不中廬陵之
言也吳石華書其後云嶺南地溼易長蠹魚藏書無
至二百年者吾家守經堂藏本多於勉士而舊槧不
及焉勉士嘗云當無聊時閱古人書目亦自快意可

想見其癖好矣。勉士幼於學，考據精確，最長於核證。典禮辨證，經傳生平，抱用世志，戰守兵法，無不研究。道光辛丑壬寅間，夷事孔棘，制府祁墳檄令修碉築壩，募勇團守，旋因議款，敵兵不至，而所支帑不能報銷者，至三十二萬餘金。傾家不償，坐此免官。藏書數萬卷，并質于人。徐鐵孫由浙中寄詩懷之，有誤人豈有陰符書之句，蓋傷之也。

吳蘭修守經堂

呼作詩人難瞑目，每從攷訂見心靈。
桐花詞館饒清韻，家法依然獨守經。

吳蘭修字石華嘉應州縣今梅人嘉慶戊辰舉人信宜

縣訓導著有南漢紀南漢金石錄宋史地理志補正
端溪硯史桐花館詞石華不願作詩人詩詞雖有盛
名而其專長在於考訂富藏書名曰守經堂陳昌齊
守經堂記守經堂者吳君石華藏書之堂也君富於
書四部叢馬獨稱經何宗聖也

丁日昌持靜齋

中丞德政治三吳同癖何人竟肆誣百宋千元零落盡
夢魂曾否到姑蘇

丁日昌字禹生豐順人以牧令起家歷官蘇松太道

兩淮鹽運使江蘇布政使江蘇巡撫日昌治吳人民
感戴數政餘暇性好收書初名實事求是齋邵亭宋
元本經眼錄云儀禮鄭注十七卷宋淳熙本同治甲
子署蘇松太道丁禹生獲之上海肆中客道署借讀
審定為實事求是齋之冠及官兩淮鹽運使齋名百
蘭山館其詩集亦以此命名林達泉文鈔有百蘭山
館藏書目錄序云兩翁都轉博雅好古藏書富甚暇
日盡出所藏屬某編為目錄因仿四庫全書例分為
經史子集四部自兵燹以來大江南北兩浙東西所
謂文宗文滙文瀾三閣度置祕本都已化為灰燼無

有存者都轉乃蒐羅會萃收拾於委棄瓦礫之餘購
集之多幾及三四萬卷洵所謂壹其所好好之而有
力者也都轉從政之暇日手一編清俸所入盡以購
集團史故得蔚為大觀某窶人也屠門大嚼亦且快
意編校之餘為誌其緣起云今百蘭山館藏書目不
見於世持靜齋書目則官江蘇巡撫後莫友芝為之
編也莫序云同治丁卯秋友芝浙游還及吳門禹生
中丞命為檢理持靜齋藏書三百有若干匣散記其
撰述人時代卷帙刊鈔踰兩月粗一周未及次序明
年春還金陵乃舉官本簡明目錄悉齋中所有注當

條下庫目未收或成書在後者約畧時代條記于上
下端用助朝夕檢覽東南文籍夙稱美備鎮揚杭三
閣又得副天府儲藏軍興以來散亡殆盡中丞敷政
餘閒十年蒐集其中宋元善刻及舊鈔大部小編單
祕無行本者且居十之三四嗚呼富哉案部亭所編
書目四卷續增一卷凡五卷即丁氏家刻之持靜齋
書目也惟元和江標謂其所編頗覺雜糅因為重編
分宋元抄校四類印記收藏間一附載光緒甲午攜
稿至湘寫而刻之名曰持靜齋藏書紀要凡二卷其
序云丁禹生中丞藏書半是吾郡舊家物乃庚申兵

火後為中丞所得代其搜訪者獨山莫子偲先生也
末云寫而刻之存吾郡藏書掌故嗟嗟武康何靈長
恩空祝百年載稿視此長編因繫以詩曰直教買積
竟還珠縷晰條分亦太愚印跋收藏分姓氏宋元抄
按別鎔銖雲煙過眼情堪擬天水冰山錄豈殊第一
傷心驚浩劫夜闌有夢到姑蘇注云吾鄉黃堯翁汪
閔源藏本在此目者不少江氏以天水冰山錄相擬
言太忌刻殆惑于陸存齋舊事謂為報應宜然其實
當時謠詠謂有豪奪之舉蓋陸存齋誣之也禹生官
吳時宜稼堂郁氏宋元舊本都歸挿架其尤精者

佑本漢書世綵堂昌黎集及宋刊禮記要義禮記集
說兩漢會要東都事畧皆為至寶陸存齊忌之乃云
禹生介紹應敏齋廉訪至郁氏閱書自取宋元刊本
五十餘種令材官騎士擔負而趨時郁泰豐已故其
諸孫尚幼率其孀婦追及于門禹生不能奪取其卷
帙少者自置輿中其卷帙多者僅攜首帙而去後經
應敏齋調停以宋刊世綵堂韓文程大昌禹貢論九
朝編年毛詩要義儀禮要義金刊地理新書十種為
贈惟蔣香生注郁氏書目則云郁氏不欲零售陸心
源時在閩迨歸毛詩等精槧已為禹生所得故大慊

之俞蔭甫說亦然據蔣香生俞蔭甫之說則豪奪之說所由來已為辨明矣惟持靜齋所藏入民國後悉已播散揭陽城內有書店多家皆為北平上海估客專窺伺其書而設其書之出多由婢僕之手宋元抄校無所別擇俱以賤值輦載而去持靜齋書目版片亦為廣州華英書局挾以俱歸禹生所著百蘭山館詩撫吳公牘已有刊行其政書為家藏稿本有藩吳公牘十五卷巡漉政書七卷淮嵯摘要三卷奏稿六卷今皆藏余南州書樓中

伍崇曜粵雅堂

嶺南遺著楚庭詩珍本雕刊賴主持朗朗玉山資顧問
堂開粵雅有餘師

伍崇曜字元薇號紫垣南海人以洋商起家輕財好
客搜藏古籍有遠愛樓書目世鮮流傳當日藏書延
南海譚玉生瑩為之評別玉生博考粵中文獻凡粵
人著述代為蒐羅擇其罕見者刻之曰嶺南遺書五
十九種三百四十三卷曰粵十三家集一百八十卷
其中或先代孤忠或勝朝遺老元精耿耿賴以留存
選刻近人詩曰楚庭耆舊遺詩七十四卷又博採海
內書籍罕見者彙刻之曰粵雅堂叢書一百八十種

共千餘卷續刻三刻尚未計凡伍氏校刻者二千四百餘卷跋尾二百餘篇則玉生所為而署名伍紹棠也玉生粵雅堂記謂紫垣之功黃才伯張園公且遜之紫垣之學羅學鵬溫汝能轉愧之蓋嘉其表章遺逸非第富於搜藏已也故張南皮書目答問舉南海之伍與金山之錢相比云

譚瑩樂志堂譚宗浚希古堂

堂開樂志還希古彝鼎圖書慰寂寥桑梓遺文勤纂述
更研史事訂金遼

名高誇至亦難言痛憤悲歌感荔村

荔村草堂詩續集多悲憤之作希

古堂中八萬卷長椿古寺怨黃昏

譚瑩字玉生南海人道光甲辰舉人正駢體文受知於阮文達任學海堂學長歷任府縣教職著有樂志堂詩文集其子宗浚字叔裕同治甲戌進士榜眼及第官雲南糧儲道著有希古堂文集荔村草堂詩集續集玉生為伍氏校刊粵雅堂叢書每集有序文每書後有跋可見其熟於流畧譚氏富於藏書余有樂志堂藏書目雖宋元精槧然於文史二部頗美備所藏者鈐有南海譚氏藏書印又鈐有彝鼎圖書懋寂寥印譚氏喬梓予注意鄉邦文獻外并研究遼金史

事玉生曾為粵雅堂校刊金文最叔裕自撰遼史紀
事本末未刊已刊者有遼史緒論又有評點元遺山
集存余南州書樓中其於遼金史事頗見精研譚氏
藏書據譚叔裕希古堂書目自序云余家希古堂書
凡先教授之所遺近三萬餘卷余續購之幾八萬卷
合之凡十二萬卷有奇雖無宋元佳本然搜採畧備
其為快意固已多矣又後希古堂書目自序云余癸
未歲自編所藏書凡十二萬餘卷迨乙酉歲掌院徐
尚書送余京察遂奉督糧滇南之命道遠不能載書
以行而朋好中旅寓無有可以藏書因假長椿寺屋

三楹度書其間并汰其重複及易購者售之僅存八萬餘卷每循省藏帙未嘗不歎其聚之難而散之易也今世中朝大官多不喜聚書聚書者獨余與二三朋好耳而余又以能文章負聲譽為大官所齟齬俾不得潛心載籍吾之負書耶書之負吾耶天下莫穢於聚財莫雅於聚書然而今之大官聚財得其利余以聚書受其害不至於率天下以牟利而不讀書不止也又據譚祖綸叔裕之子清癯生漫錄云先大夫性愛書通籍後宦囊盡以購書得二十餘萬卷合之前先大父所遺近八萬卷共得三十餘萬卷洎乎督儲雲

南以道遠未有帶去寄存京師長椿寺中迨戊子棄
養後祖綸命人由京搬回粵敬謹收藏用存先人手
澤後筮仕皖江復擇其要者數萬卷存行篋中旋蒞
亳州任書亦與之偕行後調來安又調廬江道路崎
嶇轉運維艱遂寄存亳邑後由廬江返皖省乃遣人
赴亳將書運回據清癯生所言譚氏遺書一部移藏
省外其後聞亦未運回粵而留存粵中者譚氏後人
亦不甚珍重光緒晚年嘗覓儒雅堂書店譚某為之
整理譚某利其售也凡全者分而散之詭稱殘缺因
無後命遂棄置閣中逾年濠畔街某畫店以百金得

之一轉移間遂獲千金而希古堂之藏書遂星散矣

潘仕成海山仙館

藕花宜夏菊宜秋風月平章事事幽海上神山仙子館
墨莊文圃足風流

嶺南文物聚潘園看篆樓頭古印存更有驚人三長物
交輝書畫與琴尊

潘仕成字德畬番禺人道光間鹽筴致富以副貢捐
輸欵賜舉人官至兩廣鹽運使潘氏收藏名與伍氏
埒在廣州築海山仙館有水木清華之勝其門外楹
聯云海上神山仙人舊館集句天成蓋為德畬長子

錢伯所撰海山仙館收藏書畫古物甚富刻有海山
仙館叢書五十六種共四百六十一卷皆當時所藏
珍本也別有海山仙館藏真帖亦多宋明舊榻并特
製紫砂壺蓋唇外刻潘字為識潘恕雙桐圃詩詠海
山仙館謂墨莊文圃足風流蓋紀實也南海李仕良
輔廷捐夏堂詩集有過海山仙館遺址云我步西城
西野花紛簇路遺址認山莊舊是探幽處主人方豪
雄百萬詎回顧買得天一隅結構亭臺護流露降雪
堂金碧紛無數佳氣鬱葱哉森然簇嘉樹插架漢唐
書嵌壁宋元字沉沉油幕垂曲曲朱欄互時有墜釵

橫羅綺姬姜妒此樂信神仙高擁煙雲住禍福忽相
乘轉瞬不如故高明鬼瞰來翻覆人情負此地亦償
官冷落憑誰訴樹影尚離披泉聲仍潑泝孰是孔翠
亭孰是瘞鶴墓可憐壞道中故物文塔具吁嗟復吁
嗟消息時能悟席草弔荒涼徘徊秋水渡客曰盍歸
來夕陽天欲暮孤影陡驚人稻田起飛鷺

潘氏最富收藏德畬而外如潘有為字毅堂乾隆壬
辰進士內閣中書居河南擅園林花竹之勝王蘭泉
稱其詩與張錦芳黎二樵趙希璜等并所藏書畫甚
盛印章多前世古文蓄之至千有餘事中有顏魯公

名印時陽城張古餘安邑宋芝山皆主於毅堂發其
篋而偏觀之乃搨之為譜所謂看篆樓印譜是也其
後潘正衡字鈞石喜藏黎二樵書畫則名曰黎齋潘
正亨字伯臨所載書畫船則署曰風月琴尊舫伯臨
舊藏周叔興父簋張曲江碑及宋雙硯故潘仕揚謂
之三長物齋有詩曰周簋叔興父唐碑張曲江吾家
三長物又割紫雲雙潘正煒字季彤築有清華池館
其中有聽颿樓將所藏者刊之為記今所傳聽颿樓
書畫記是也吳荷屋為之序張南山曾向索觀書畫
又其後潘光瀛字珏卿有梧桐庭院藏有顏魯公印

均州瓶圖書亦富

易氏目耕堂

傳家忠孝大名彰夙好芸籤富貯藏有是樓前多大本
坊人能說目耕堂

粵垣華洋交易以七十二行商聞易氏為洋商之一
西關十二甫易府渠渠大廈近年聞名者有進士易
蘭池學清其先代富藏書始於何人其名不彰有有
是樓藏書目為新會阮寬然所編雖無宋元槧本然
明本不少最近亦無嘉慶以後者其裝訂合兩三冊
為一冊俱厚一寸以上人呼為易大本書坊見之不

問而知為易氏書也每書均鈐有易氏目耕堂印章其藏書之地則名有是樓光緒晚年書已次第散出民國後書堂遺址亦已易主矣

鶴山易若谷觀察容之少貧後業洋務致富喜藏書類多善本援例選湖北德安知府膺卓薦以道員升用丙辰楚匪陷德安適長子以府經分發廣西

省親在署城破代父朝服升堂罵賊遇害賊知非本官窮搜遇觀察巷戰戮之姬人攜幼子雜亂軍中逃出行丐數月遇鄉人始經紀南歸事聞上以其父子同時殉難忠孝傳家予騎都尉世職子襲雲騎尉世

職

梁廷枏藤花亭

吉金鼎鏡幾摩挲。絲竹時聽小史歌。消耗棗梨貲再少。
藤花亭刻異書多。

梁廷枏字章冉，順德人。道光時副貢，官澄海訓導。賞內閣中書，粵秀、越華兩書院監院。章冉為馮龍官弟子，好藏書，俱收并蓄於金石，最為所嗜。故著有金石稱例四卷、碑文摘奇一卷、藤花亭鏡譜一卷、好研廣東史事故著、有南漢書附考異十八卷、南漢文字畧四卷、并南越五主傳三卷、附叢錄二卷、復侗儻風流。

精研藝術家中小史曼曲長歌常有絲竹管絃之盛
故著有曲話四卷及曇花夢雜劇斷緣夢雜劇紅梅
夢雜劇圓香夢雜劇江南春詞補傳皆當年淺斟低
唱之遺物可知其研究劇曲非徒屬之空言矣藤花
亭刻書最多上列諸種外尚有詩集四卷散體文一
卷駢體文三卷書餘一卷書畫跋一卷東坡事類二
十二卷越華書院記畧粵秀書院志若干卷

梁梅春堂

芝草琅玕愛日徐晨昏定省樂何如門前債客多於鯽
猶典衣裘購異書

梁梅字子春順德諸生受知於曾賓谷中丞煥禮為
上客性至孝善事母而好藏書精於鑒古與黃子高
同為翁邃盦學使賞識當歲試梅州有禺山二子黃
與梁句語見黃子高子春有春堂藏書圖蓋子春嘗
知稼軒詩鈔到股療母家藏古籍甚多皆母與叔珥所購母卒後
因繪此圖以紀母恩譚玉生有書春堂藏書圖後馮
龍宮為之記及後記伊汀州春堂楹帖曰芝草琅玕
日應長清詞麗句必為隣馮龍宮記其事實謂其行
齋列笈頻頻典衣損食以薪充物而史乘全策名儒
遺文購求尤力故粵雅堂刊刻十三家集時如蓮鬚

閣集則出於春堂所藏也子春游歷各省諸名勝多有留題名曰有寒木齋詩癸巳江漲屋圯所有原卷悉毀子春所居在粵城西地名小圃園地頗修潔劉寅圖孝廉訪梁子春不遇詩云棠梨花下墨衣寒是也

馮龍官綠堊草堂

精研攷證擅文章金石森羅綠堊堂
耿耿元神通海雪
重雕嶠雅蕪心香

馮龍官字孟蒼意不慊於贈者因自稱孟順德人縣學生以父折閱繫訟輒出游沿楚入蜀縱覽山川勝

概歸則聚羣書名其廬曰綠塹草堂於羣書皆有攷
證尤精史志金石南城曾煥汀州伊秉綬皆傾倒極
至嘉慶修廣東通志開局時劉樸石彬華曾貽書徵
聘謂地理非龍官出無從著手龍官辭謝其答劉彬
華書及答劉華東書於史例嫻熟文亦淵雅初康布
政基田屬馮敏昌修志龍官嘗有嘉慶廣東志之議
謂省志不宜名為通其編目謂別傳後宜增事紀延
蠻外藩三編藝文志宜分四類首錄藝文之有繫於
政治者次錄藝文之無繫於政治者次錄廣東人所
撰書目次錄外人為廣東而撰之書目言頗握要龍

官藏書有綠塋草堂圖記有馮龍官印時有評跋梁廷枏為龍官弟子藤花亭不少名著刊刻其學亦有淵源也龍官生平最崇拜鄺海雪為撰小傳為撰別傳嘉慶八年於湛若生日與陳大經陳曇輩泛舟珠江設畫像而祭之又作祭鄺海雪文謂海雪詩為冷豔欲刺取廣西諸地志可與赤雅相發明者以校刻之并為嶠雅注皆未之逮乃為坊賈校刻嶠雅有重刻嶠雅後記一篇於嶠雅赤雅二字之取義解釋甚詳謂海雪文尚有前當票序後當票序兩漢紀序及與阮大鍼絕交書諸篇湛若自編悉不以入而漢紀

序殊宏贍可誦輒從湛若故藏漢紀本錄為附編又以原刻嶠雅八分書霰靈山人阮自華叙十五葉畫贊後有石巢詩話半葉推堪若絕交之意并削之龍官仰慕湛若其愛護之意甚摯惜重刻本今不可見僅存其意於遺文而已龍官聚書每鑒別善本手裝而跋其尾積為一編曰載闕錄已成書但不傳中年後藏書以次易米幾盡不自愛惜其遺著傳者有馮孟文龍官謂張玉海始以名集可不必效漢志以名氏若字名所作而存之因名為馮孟文

張維屏聽松廬

松陰深處是吾廬興到時還讀我書無限詩人徵概畧
相期不朽意何如

張維屏字子樹幼能詩年十三應試知縣吳政達奇
之為之誦毛詩序曰南山有臺樂得賢也故又字之
曰南山晚年號松心因聽松園有松心草堂又號珠
海老漁番禺人嘉慶九年舉人道光二年進士官湖
北知縣江西南康知府罷官後於廣州賃居河南花
埭之東園其子祥泰築聽松廬以居時往游焉南山
詩有聽松園十八詠中有松心草堂南雪樓還讀我
書齋皆其讀書之所也時怡情吟咏與陽春譚敬昭

香山黃培芳稱粵東三子有聽松廬詩集松心十集
松心文鈔松心十錄等南山亦好收藏最著名者為
包孝肅墨蹟長卷黃琴山太守購自京都後歸南雪
樓者聽松廬藏書以清代文集為多編有國朝詩人
徵畧正續集可以考見詩人史實松心十錄內之藝
談錄亦徵文考獻與詩人徵畧同一性質近代詩人
可以相傳不朽矣松心藏書多有批評今南州書樓
藏有唐宋詩醇馮注蘇東坡集皆松心手校其書不
求佳本惟自首至尾批評到底不懈可知其詩學之
深而於杜詩蘇詩尤致力焉

黃培芳嶺海樓

泰泉餘韻有詩孫嶺海樓頭世德存參透唐賢三昧訣
堂堂大雅振南園

黃培芳字子實號香石香山人明泰泉八世孫嘉慶
副貢官教諭其藏書處名嶺海樓即泰泉寶書樓故
址在雙門底黃文裕公祠內嶺海樓所藏必嵌有精
美印章或泰泉故里或泰泉後人或香山培芳粵嶽
子等嶺海樓所藏今亦風流雲散矣香石深於詩有
唐賢三昧集鈔批評詳贍有香石詩說及詩話其嶺
海樓詩鈔劉彬華題跋謂為堂堂大雅振南園云

黃子高

一生心事託殘編
彝鼎尊彝不問年
徐鉉中鋒李潮筆
更精籀篆筆如椽

黃子高字叔立一字石谿番禺人優貢第一受知阮雲臺工篆隸張南山云粵東二百年來篆書當推石谿論書法有續三十五舉留心掌故攷證金石多藏書一一手自校勘尤注重鄉邦文獻故有粵詩蒐逸之著在嶺南遺書中易宏雲華閣詩為子高手鈔詩雪軒刊入粵十三家集中譚玉生云余偕伍紫垣撰嶺南遺書多與借鈔著有石谿文集知稼軒詩集譚

瑩黃石溪墓表謂其雅擅詞章益研經史漸富儲藏
特精讐校邢邵之讀已偏轉思誤書任昉之家不貧
率多異本畧分部錄尤重鄉邦桑梓彌恭辨香原屬
漢唐以降歸然海內之靈光文獻無徵永視此身之
健在各體書工羣推小篆李潮親筆字值百金徐鉉
中鋒墨見一縷偏收唐帖兼喜晉甄石研素琴法書
名畫尊罍彝鼎刀劍敦槃所謂此既異物以奉異人
者固不獨擁書萬卷何假南面百城矣

許青臯水滄老屋

新詞唱遍越臺春
衣鉢桐花有替人
插架牙籤三萬卷

可憐家為買書貧

為愛奇書破產收水蕨老屋足銷憂越
尚有詞鈔卷帙留

聽松廬詩話云青皋少時家有中人
治生盡出其資買書廣州城中某書
明板某書有國初原板凡善本不惜
書日富而家日貧至四十後貧極書
矣許玉彬字璘甫後自嫌華其改名
號青皋不改焉番禺生員陳澧東塾
云番禺許青皋篤雅士也好詩好詞

好收書精其裘飾其積拂拭几案啟鑰出書危坐而
吟諷之久而其書如新又云家財故不豐以多好而
貧故倪鴻許青皋輓詩有奇書破產收句青皋以授
徒自給所居名水茨老屋并繪為圖青皋為吳石華
弟子精於詞曾結填詞社觴詠為樂名曰越臺簫譜
有粵東詞鈔若干卷與其友沈伯良同選合其名同
垂不朽矣

陳澧東塾書樓

傳鑑堂前東塾樓窮經正變熟源流讀書最要識家法
好向微言大義求

陳澧字蘭浦學者稱爲東塾先生番禺優貢道光舉人官訓導兩月辭歸講學爲學海堂學長數十年至老爲菊坡精舍學長會通漢宋之學而於經學尤有專長家居城南木排頭其書堂名曰傳鑑堂蓋承其先公所傳資治通鑑附通鑑目錄通鑑釋文辨誤宋元通鑑凡四種又益以司馬公所著非司馬公書不入故因以名其堂也東塾集有傳鑑堂記堂之前有樓卽蘭浦藏書所鈐印之東塾書樓也蘭浦著述繁多最精粹者莫如東塾讀書記東塾集有復劉叔俛書言中年以前治經每有疑義則解之考之其後幡

然而改以為解之不可勝解考之不可勝考乃尋求
微言大義經學源流正變得失所在而後解之考之
論贊之著為學思錄一書今改名曰東塾讀書記觀
此書可以知東塾讀書之宗旨矣東塾於經史子集
天文地理樂律算術無不研究其所藏書四部悉備
無不有批評點校何日起何日訖所書評語或硃或
墨悉莊重不苟其版本佳者則蓋東塾書樓印或蘭
浦或陳澧難得孤本則三印悉備觀其手稿又可知
其治學方法凡閱一書取其精要語命門人寫於別
紙通行之書則直剪出之始分某書繼分某章某句

某字連綴為一然後下以己見評其得失如司法官
搜集證據然後據以定案近年東塾遺書多已播散
其稿本及評校本余南州書樓搜藏最多民國十三
年廣州政變本排頭陳氏故居焚燬傳鑑堂東塾書
樓均付之一炬東塾叢書東塾集東塾讀書記版亦
悉毀矣

陳樹鏞

驚叱鳳靡隕天年東塾遺文仗汝編儀鄭素精三禮學
著書滿篋竟無傳

陳樹鏞字慶笙新會生員從陳蘭浦游稱為粵士之

冠兩廣總督張人駿曾奏准以樹鏞學行宣付史館立傳東塾遺文多藏於樹鏞家當東塾病亟時親以遺書付樹鏞編定迨輯成文集八卷刻未半而樹鏞逝矣生平精三禮學嘗著飲食考一篇文芸閣數為精深尚有復古述聞學禮述聞文獻通考訂誤諸書未成僅漢官答問五卷梁節庵刻入端溪叢書樹鏞子復任職海軍部民國某年在北平逝世藏書播散東塾著述稿本不少流於北平實緣於此余於廣州市在樹鏞家搜求遺書僅得東塾所著老子注及東塾殘碎文稿東塾手批漢書已收入南州書樓至樹

鏞著述文集四卷為簡竹居所印刻其復古述聞等
均已無存節庵集有追悼陳三詩謂日薄臨淵竟不
待著書滿篋付誰傳又有夢陳樹鏞詩鸞叱鳳靡非
人意誠悲痛之言也

汪琰隨山館

甫也諸侯老賓客擁書權作小諸侯布衣報國心常切
幕府文章廣運籌

汪琰字玉泉一字越人又名美生所居曰穀庵學者
稱穀庵先生浙江紹興人客粵占籍遂為番禺人少
隨父游粵東輒以文詞著偶佐郡縣為幕客所至咸

有聲譽布政司俊達聞而聘焉光緒初元兩廣總督
劉坤一延之入幕主洋務理中外交涉繼任者若裕
寬張樹聲曾國荃均倚重資其計畫法越之難邊海
騷震曾公獨就穀庵陰籌戰守深心翕服歎為國寶
穀庵澹於榮仕晚歲養疴耽情墳史名賢鉅公禮聘
踵至終不復出著書滿家撰有隨山館集十八卷無
聞子一卷松煙小錄六卷旅談五卷尺牘二卷穀庵
詩閒居雜興云坐擁圖書未是貧忘機聊學葛天民
又云韞迹渾疑退院僧心情猶戀讀書燈家富藏書
以集部為備子兆銓字莘伯光緒乙酉科舉人官海

陽縣學教諭廣東高等學堂教務長教忠學堂校長
著有長楚軒集惺默詩集楹書保守縹緗無恙孫彥
平彥慈亦繼守不替昔人言嶺南藏書鮮有能延三
代者今隨山館藏書已及三代雖一阨於水再阨於
兵然長恩默護猶下至蕩為灰燼也姪兆鏞字憬吾
光緒己丑科舉人少讀書於隨山館復受業於陳東
塾故學有師承藏書雖不多而特精美有宋槧五十
朋集南海孔氏嶽雪樓舊藏也所著有微尚齋集晉
會要再續碑傳集

李文田太華樓

地窮北徼史南疆蒙韃源流考覈詳明代遺民元代語
兩朝祕史廣儲藏

李文田字仲約一字若農順德人咸豐己未探花及
第累官禮部侍郎謚文誠公富收藏精於鑒別顏所
居曰泰華樓因所藏宋拓華山碑而錫名也書籍多
為人間不經見之珍本稍有宋元蓋槧而明代野史
皆屬鈔本多至百種以上即名賢文集亦皆祕本多
藏家書目所未載其闕於西北地理攷覈特精已刊
者如元祕史注和林金石錄耶律氏雙溪醉隱詩注
藕溪零拾所載之小品未刊者以元史地名考為最

鉅惜已缺佚不全今歲廣東文物展覽會所見文誠
公批校本如蒙韃備錄黑韃事畧西游記西陲紀畧
西域水道記西域地理圖說西域經行記西使記龍
沙紀畧遼左見聞錄蒙古源流考至元譯語華夷譯
語等其關於西北地理不下數十種皆批校於書眉
或每行中細密精詳多所辨正文誠并精於目錄學
官京師時有簡明目錄一部其簡端即分錄孫星衍
廉石居所記邵懿辰所標注繆荃孫所校訂諸語頗
為詳備原著今猶可見又著有四朝書刻紙版考於
版本辨別最精其稿版存萍鄉文素松氏文誠於版

本目錄精審故所藏書每書衣均有題識記其卷數
版刻或并辨證書中得失迨廣州淪陷泰華樓所藏
聞有損失惟有一部分早已移置北平轉寄於燕京
大學云

龍鳳鑣知服齋

捧持祖硯誦清芬知服齋中檢校勤况有新鈔書百卷
獨存蘭杜賞奇文

龍鳳鑣字伯鸞順德人官某部員外大良龍氏累代
顯宦藏書豐富六篆樓所藏不少精槧伯鸞為梁節
庵表弟故節庵集有贈龍伯鸞詩龍子才英英誦芬

捧祖硯又龍伯鸞表弟問病山居出示京師見懷詩
依韵答謝有舊宿三間屋新鈔百卷書句蓋指其新
刊知服齋叢書而言也龍氏所刊受李仲約所指導
故如雙溪醉隱詩注島夷志畧寧古塔紀畧等皆為
太華樓所藏節庵贈詩風雨獨存蘭杜性注云伯鸞
屢游京師最為李仲約所稱即指此而言

梁鼎芬葵霜閣

到處捐書有盛名葵霜大節自錚錚
早知精衛難填海
雪咽寒松恥晚榮

寒松零落栖鳳空
南北書林浩劫中
何妥解經毋暇逸

葵霜斜月鑒孤忠

梁鼎芬字星海號節庵番禺人光緒庚辰進士翰林院編修自劾李鴻章罷職兩廣總督張之洞延致幕中在粵歷任豐湖端溪及廣雅書院院長所至提倡藏書後任湖北按察使國變後忠於清室充陵園種樹大臣自完其節節庵掌教端溪創設書庫掌教豐湖創設書藏掌教廣雅擴充冠冕樓游鎮江又捐書焦山書藏所至之地均倡導藏書宣統間復於榨粉街梁氏府第設梁祠圖書館訂閱覽章則梁氏藏書箱篋必自為題字雕刻或稱食魚齋或稱栖鳳樓或

稱毋暇齋或稱節庵或稱精衛庵或稱寒松館或稱
葵霜閣因時因地而異皆有意義食魚齋因居武昌
故栖鳳樓以何妥自比妥字栖鳳也節庵集毋暇齋
云故人珍重題齋額南北書牀得自安何妥解經知
己少荀卿勸學說能完妥字栖鳳見隋書儒林傳集
中詩言栖鳳者最多有臘朔自米市胡同移居栖鳳
樓中有翔仞須孤鳳句店中書寄妻弟有樓居栖鳳
舊栽花句種花詩三首有懷哉栖鳳宅三花親種之
自注謂芍藥海棠丁香上元夜飲圖沈乙庵侍郎屬
題有壬午移居栖鳳客意園時時獵書冊句所持翁

遺墨為其高弟程康題有栖鳳題還在自注翁客鍾山時以看作栖鳳宅句為聯寫增今藏於家誦詩章所詠若毋暇齋栖鳳樓皆在京時表其向學之劬精衛則喻其糾刻權要等於銜石填海寒松葵霜則表其勁節能耐歲寒節庵集中蔬園絕句云趁雨安籬緣底事為芟惡草護忠葵又云誰照孤忠心內事葵霜閣外月初斜乙庵移居詩和韻有陽葵亭閣肯相標諸詩皆自寫其風節也葵霜閣藏書雖無宋元精槧而叢書特多湖北省縣志大致俱備近代詩文集亦豐富身沒而後其子學劬將在粵藏書捐入廣東

省立圖書館余為部署編目備載廣東圖書館藏書
目錄中其存於北平寓居藏書學幼因貧無以自存
售於倫哲如所設書店後全為東瀛購去洎廣州失
陷廣東圖書館全部蕩然梁詩所謂南北書林俱為
一空竟成讖語

惠州豐湖書藏

自別循州越卅年園亭過眼等雲煙豐湖書藏焦山似
昔日梁公教澤存

湖水湖山蕩漾間豐湖書藏似焦山袁夔著作防流毒
訓誠嚴明立峻閑

惠州豐湖書藏梁公鼎芬掌教豐湖書院時所立在
豐湖書院側節庵集有檢理焦山書藏訖事口占他
日豐湖儻相較有人訪古遇橋西豐湖書藏之結構
蓋仿焦山書藏也豐湖書藏書目八卷為梁公所編
其序卷目後云書藏意在搜羅往籍於國朝人文集
尤所加意然如袁枚之素行無恥得罪名教淫書調
語流毒海內三五成成為盜賊成為風氣不可救藥龔
自珍心術至壞生有逆子敗亂大事文字雖佳不與
同中國凡此二人著述永遠不得收藏以示嫉惡屏
邪之意諸生其懍守之如有違背非吾徒也余於光

緒晚年任惠州中學講席嘗居豐湖壁上有宋湘所書別湖水別湖風等詩豐湖風景至為優美書藏所藏以清代文集及省內地志最為豐富邇來各圖書館收藏無不注重府縣志當光緒中葉梁公已注視及此可謂有先識矣惜民國以來惠州迭遭兵燹豐湖書藏已遭破壞藏書亦多四散矣

廣雅書院冠冕樓

亦有亭池亦有園感懷廣雅見淵源無邪堂外蓮韜側冠冕樓祀教澤存

光緒十五年南皮張文襄公之洞總督兩廣於廣州

城西彩虹橋創立廣雅書院分經史理文四科課士
首任院長即梁公鼎芬院中講堂居正中曰無邪堂
懸經正無邪題額摹東坡書為之東有濂溪祠以祀
宋儒諸子西有嶺學祠以祀曾官嶺海著有德惠而
無祠宇者及古今宦寓名賢或本省先正而有功兩
粵文教者有蓮韜館為院長所居平時接見諸生之
地其額為張文襄所題跋引周禮蓮芡之實有橐韜
注云橐韜其實也士君子有橐而善韜其所養可知
矣無邪堂之外正中特立書庫曰冠冕樓額亦為張
文襄所題取唐詩冠冕通南極之義復有吳大澂所

書楹聯樓中規模弘壯復分東西兩楹藏度圖籍其通行本必具兩部供東西兩省士人借閱濂溪祠畔別有小書樓則藏齋書分贈院中諸生研習者院長廖廷相曾編有廣雅書院藏書目可以見所藏之梗概及清末書院廢學校興廣雅書院改為廣東高等學堂藏書無恙洎民國二年高等學堂復改為第一中學當彭鎮三任一中校長毀拆冠冕樓此後藏書一阨於水患再阨於盜竊民國七年莫榮新督粵廣西曾請求分書於是一部移西江圖書館一部移廣東圖書館其後粵軍西征陳炯明又將移西江者

送還廣東高等師範學校廣雅藏書乃瓜分豆剖不可復問及至民二十七年廣州失陷凡向藏於廣東圖書館者亦靡有孑遺矣廣雅藏書其書箱之門均用磨沙玻璃鑄有篆文廣雅二字以為徽識古雅可觀今亦無一留存

廣雅冠冕樓藏書書箱留存者分儲於省立第一中學及廣東圖書館仍作藏書之用及戊寅廣州失陷乃無一留存當空襲劇烈余在版片印行所曾借出六個移往香港香港危急時乃移置澳門今碩果僅存猶可見前人之典型也

廣雅書局十峰軒

校書堂後十峰軒百宋千元豈易言一自家園殘破後
幸逃劫火版猶存

六堂輝映十峰軒百宋千元豈易言海水羣飛亭榭改
不堪老柳憶南園

臨濠水木繞朱欄槐雨蕉風結古歡陶福相廖廷林國國贊

江長建今已往尚從圖像見衣冠

廣雅書局在文明門外即今文德路光緒十三年總
督張之洞巡撫吳大澂奏明建立有石碑立在局中
當時將舊機器局基址及拆三忠祠西偏臣範堂并

價買濠北慈度庵各民房闢建全局設立東西南北
前後六校書堂刊刻羣籍聘延文學名儒詳審校勘
檄飭兩廣鹽運司綜理其事先後刊成經史子集各
種而以史部最負盛名閩縣陳寶琛詠廣雅叢書云
大營精廬署廣雅建局益攬東南良燹餘孤本慎讐
校水木如畫羅朱黃就中乙部十居七治史欲挈研
經長錢塘吳士鑑題廣雅書局圖云苦搜遺籍闡幽
潛躬度基局啟書局城陰膠曠臨清濠榕荔周環百
楹屋東南才彥歸如雲人物六堂蔚彬彬局中為東
西南北前
後校書廣求乙部學精英要與雷塘同幅轂陳吳兩
堂者

太史所詠均推尊乙部蓋緣陽湖吳翊寅編有廣雅
史學叢書目錄所收多名儒稿本及孤本并有張文
襄史學叢書序則翊寅代撰也廣雅所刊向無總目
余於民國七年整理版片擇其版式一律者分經史
子集各部名廣雅叢書刊有總目并加以序文而廣
雅叢書之名始宣傳於各省廣雅書局規模宏偉臨
於濠上擅水木清華之勝校書六堂之外有十峯軒
尤為幽雅張文襄於政務餘閒常蒞此與文儒考訂
古籍有楹聯為會稽陶澐宣所書所詡為此地有百
宋千元者也自宣統而後書局停辦改為省立廣東

圖書館廣雅版片仍保藏館中余於民國六年始恢
復廣雅版片印行所七年彙刻為廣雅叢書印行整
理歷二十餘年及戊寅廣州失陷文化遭厄幸廣雅
全部版片及學海堂一部分版片余與同事廖伯魯
籌畫已先事移出分貯於鄉中其未及移者尚有學
海堂一部分版則已作析薪而廣雅全部堂宇則為
市府暨各局辦公之所矣吳士鑑題廣雅書局圖云
風電驅掣成陶輪海水羣飛鷲慘蹟亭榭歲塞人事
非委散雲煙萬千軸二伍元崇嶽潘仕孔廣更何人廖
廷相陶福林國費江達墓草宿獨從圖畫見衣冠經師

猶有表

雅有淵

物展時

獨從園

菊坡

吟風閣下

綠陰青子

菊坡精

宮具西

遭夷削

政司方濬頤

字子

議改為書院曰菊坡精舍延聘番

禹陳澧為掌教澧請如學海堂法課以經史文筆常

集諸生講讀書之法取顧亭林語大書行已有恥博

學於文二語揭於前軒以為訓條澧掌教十餘年復

於舊日吟風閣上設一書藏藏書以供修士講習南

海譚宗浚有菊坡精舍書藏銘

堂見

甲集其序云菊坡

精舍書藏何為而作也蓋仿焦山寺靈隱寺書藏而

作也

中

今鹽運使鍾公

謙

篤於愛士既刻殿版十

三經注疏通志堂經解二書又仿江浙書藏條例貯

書於菊坡精舍中其嘉惠士林如此誠可幸也按書

藏之設其規畫由於陳禮而經費之給由於鹽運使
鍾謙鈞故譚裕叔為文歸美於鍾菊坡精舍培植人
材足繼學海堂此張文襄之洞詠菊坡精舍詩所以
謂誰與端經術通德在番禺泐泐陳先生深入五經
邪盡剗漢宋吟兼握文筆珠日日曳杖來菊坡開精
廬也及光緒末年書院停廢大吏將菊坡遺址併入
應元書院改為存古學堂并於菊坡遺址設陳東塾
先生祠民國後存古堂已停民十年於其地改立
執信學校迨執信校遷東沙路復於此建市立第一
中學至戊寅兵燹此地盡為平地菊坡遺址蕩然無

存矣

陶福祥愛廬

鎔經鑄史盛名博吾愛吾廬也夙緣結習未忘事鉛槧
蘇書陶集字如錢

陶福祥字春海番禺人光緒丙子舉人學海堂學長
禺山書院院長大儒陳蘭浦之弟子富藏書所藏珍
秘本必鈐愛廬印章其管理學海堂文瀾閣所印書
精選紙墨發兌處名鎔經鑄史齋又於藏書之精者
選擇雕刻如蔡中郎集朱韋齋集陳后山集沈括夢
溪筆談汪師韓文選理學權輿等均精於鑿校而胡

伯薊手寫蘇書陶集字大如錢尤為精絕陳東塾集有復胡伯薊同生兄弟書謂得來書兩函陶淵明集鈔本一部集注一部欣喜之至全部手鈔逼肖東坡筆意尤可珍愛已裝成三表以香木為匣而藏之矣愛廬所刻即出於東塾書樓所藏胡伯薊所書又摹汲古閣毛氏所刻蘇書陶集也按嘉慶十二年有魯氏刊本陶詩為重刊蘇軾手摹本而魯刊所出有焦弱侯刊本有汲古閣刊本均罕見伯薊所書即依毛扆所刻余南州書樓藏有魯氏刊本毛扆刊本猶可見胡伯薊所書之模型

林國賡勅錄盒

東郭高齋勅錄盒篝燈讀史味醇醇書鈔佳本經警校
青出於藍更勝藍

林國賡字敦伯番禺人光緒壬辰進士翰林院庶吉士
官吏部主事國賡與其弟國贊均學海堂高材生精
於史學國贊著有三國志裴注述國賡任廣雅書院
史學分教好藏書勅錄盒所藏多屬史部光緒辛亥
以後皆多已散出矣光緒中葉南海孔廣陶嗜藏書
延林國賡為之警校嶽雪樓所藏孫淵如嚴鐵橋諸
家校本北堂書鈔由於鈔錄周季貺所藏復由敦伯

總為覆按多有檢討發明今原本藏南州書樓可見其用力之劬也

孔廣陶嶽雪樓

嶽雪樓空異昔時鹽官改制不勝悲藤田囊括東瀛去泉譜儲藏近屬誰

孔廣陶字少唐南海人以鹽業起家富收藏家居廣州南關太平沙藏書處曰三十三萬卷書堂其樓曰嶽雪樓宋元精槧皆極充物余藏有三十三萬卷書堂目錄皆屬通常閱覽之書其精槧猶未列入光緒戊申而後鹽法改制易商辦為官辦孔氏由此中落

藏書因而動搖宣統元年廣東優級師範學校開辦
上虞羅振玉偕日人藤田封八到粵嶽雪樓精本首
被其選擇售往東瀛其後次第散出廣東按察使蔣
式芬提學使沈曾桐按察使王秉恩均有搜採繼之
上海北平書賈輦載而去菁華漸盡民國後歲壬子
所贖巨帑盡歸康有為最鉅者殿本圖書集成孔氏
曩日用巨資由宮監輦運而出為藏書者絕無僅有
於今已歸於萬木草堂矣所刻書惟北堂書鈔最有
功藝林蓋少唐借鈔周季貺所藏孫嚴諸家校本原
分五色筆以為標識校勘精細自經孔氏鈔錄又由

林敷伯逐條細按實勝祖本同時姚彥侍擬刻此書
因少唐而中輟少唐所鈔錄原本今藏余南川書樓
中將所刻本與所鈔校本比較林氏於諸家校語多
所刪削亦多有增益非漫然也孔氏所刻若覆古香
齋十種嶽雪樓書畫錄均甚精書畫錄於宋元畫軸
紀載精詳今俱蕩然矣嶽雪樓所藏古泉幣至精其
所拓泉譜頗為大觀書畫散盡惟泉幣尚存近則不
知誰屬矣編有清淑軒錢譜藏品極為詳備云

孔昭登煙游樓

不堪回首說南園煙游樓空舊蹟存平準均輸紛獻策

運籌推算到鹽官

孔昭鑿字季修光緒己丑舉人為少唐次子出嗣別
房藏雪樓未散時先取宋元佳槧移藏他處有南國
別業名煙泚樓近於海濱饒花木之盛當鹽業改制
時苟隨遇而安不作規復之謀猶可小康乃季修惑
於人言欲圖復興卒之事歸空幻資產蕩然季修鬱
鬱以死煙泚樓易主昔日觴詠之地遂為南園酒家
矣友人倫哲如曾居廣州麥欄街邱某家見宋槧王
右丞孟浩然韋蘇州諸集舊鈔宋二十家文集畢秋
颿錢竹汀諸家校資治通鑑諸書并宋榻蘭亭書畫

多種皆孔氏抵債物轉數主而至邱氏也

石德芬石室

渠渠石室富琳瑯閣字人來講席旁無限宦情悲入蜀
三閭莫訪歲寒堂

石德芬字星巢番禺人同治癸酉舉人官四川道員
星巢寓城南清水濠顏所居曰石室亦曰徂徠山館
藏書四部畧備宋元槧亦有數種光緒戊子己丑間
廣州郡學官大館林立星巢與陳石樵吳玉臣合作
名陳石吳館從學者最盛首倡經史古學有石室藏
書以供閱覽每月課藝拔其尤者發刊名文壇幟頗

負時名梁啟超即受業於是間星巢後納粟入官以
道員分發四川梁節庵送石德芬入蜀詩十日荷花
雨三間歲寒堂人情翻覆手世味零落場星巢入蜀
後其子某娛情聲色在珠江花舫一席千金經史閣
書賈盧某為之作介不須論價不及一載書已斥賣
迨盡矣

黃紹昌秋琴館

豐山藏度說黃劉桑梓遺文共廣搜欲問秋琴遺館物
累累藏印尚名留

黃紹昌字芑香一字岷鄉香山人光緒戊子舉人廣

雅書院分教劉煥芬字筱衡香山諸生黃劉最關心
桑梓著述合編有香山詩畧分錄黃所著秋琴館詩
話劉所著小蘇齋詩話於其間黃劉并好藏書黃有
秋琴館書目劉有貽令堂書目余南州書樓所收黃
氏劉氏藏書至多黃氏多佳本所蓋藏印最夥必署
姓名不書齋名黃所藏書名秋琴館有秋琴館圖為
陳玉壺孝廉所繪香山梁煦南璧珊迂齋詩鈔有題
芭香秋琴圖云子之故多興何以攄素襟新詩日以
多有酒時罷斟官爾真趣溢彈我牀上琴元鶴厲孤
響明月落高岑一彈羣動息天宇垂蕭森壺公饜琴

德

圖為陳
玉壺繪

胸中常惜惜吐出生綃上尺幅意萬尋古

樹亞檐角煙嵐鬱蒼森雲霞繞其巔門巷幽沉沉操

縵自危坐飄然方外心攬圖會古意愛如球瑯琳置

之牕几間時聞鸞鳳音又有題芭香秋琴館詩鈔云

黃子績學鏡千古手口不輟揮秘府朱昂萬卷腹已

便棄產營書劇於賈湯盤孔鼎聚所好古香古豔醉

肝腑枕肱孜孜無冬春遂使筆舌皆錦組

辛仿蘇芋花盃

芋花盃主態翩翩文采風流記昔年燕子春燈原雅事

回頭一夢事如煙

辛耀文字仿蘇順德人光緒某年順天舉人家豪於
資先世在香港以糖業起家光緒晚年挾十數萬金
游京師豪情結客與樊增祥易順鼎諸名士游迭有
唱和廣收名畫古書得程瑤田芋花圖有紀昀翁方
綱等題詠者因自號芋花廬主人其收藏書畫最者
者有唐雲麾將軍碑元錢舜舉紙本梨花卷明董其
昌秋興八景清羅聘鬼趣圖最有名於時寓京大吉
巷異書滿屋與會文齋主人何厚甫最洽厚甫新得
當湖劉鐵雲家書其佳本多歸之旋歸粵由登雲閣
主人駱浩泉作介搜羅孔氏嶽雪樓散出之書又得

香山何佩舫家書粵垣藏書自孔方二家衰替後繼
起者不得不推辛氏矣吳士鑑含嘉室詩集有題順
德辛仿蘇填詞圖云海山粵雅渺雲煙後起如君亦
自賢一代譚王歸著錄并時皮陸有新編夢華遠訪
東京勝代答還從嶺外編跌宕豪情蓋江海非闕哀
樂在中年海內詞宗數稼軒傳家一脉有淵源偷聲
減字琴初理擬篋彈棋酒半溫松杏漫尋崇效寺繚
緜徧訪海王村舊人聽徹何戡曲軼事開天怕再論
惟仿蘇傷儻風流怡情聲伎宣統初年粵中劇社新
組織女班仿蘇為之東主哀絲豪竹家道寢以中落

其宋元槧古本最初典按於胡毅生其後明鈔各孤本分年散出一入於余南州書樓一入於莫天一五十萬卷樓一入於胡毅生隋齋而遺籍盡矣

康有為萬木草堂

萬木森森一草堂圖書聚散亦何常蒼黃蒲扇束華出魂夢惺惺為保皇

康有為原名祖詒字長素南海人光緒癸巳舉人乙未進士工部主事初講學廣州長興里名長興學舍有長興學記後遷廣府學宮因名萬木草堂康館今有萬木草堂書目其命名即原於此康館所藏多屬

普通之書戊戌政變曾奉詔令飭南海縣籍沒其家
其書移置廣雅書院中今觀廖澤羣院長所編廣雅
書院藏書目附列卷首所云奉督憲發下寄存書目
即康氏所藏也洎民國成立康氏歸自海外優游林
下復銳志蓄書廣收宋元舊槧佛典精本孔氏藏雪
樓殘書盡為收納殿本圖書集成在焉康氏自戊戌
逃亡海外以保皇黨相號召其宗旨至老不變民國
後丁巳張勳復辟之役康氏仍復參加又歸失敗順
德何翹高有為曼宣題康弼德長素丁巳五月圍城
中吟卷後中云篋藏先帝衣帶詔三寸舌掉東諸侯

胥靡罪臣終復夏杜吳市僧猶思劉奉新守義推盟
主黃龍颺旗執金鼓十三節度白馬刑焚香歃血相
咒賭寧知人心有山川無端翻手作雲雨弟子先操
入室戈諸將偶立沙中語南苑飛車霹靂驚百官星
散空朝宇委蛇東海持兩端甲第南池成一炬蒼黃
蒲扇出東華望門投止知何處夜半軍中策短轅玉
河橋西今桃源先生兩犯國事出外使爭來相問存
不恨老革毒相打只恨諸師肥食言即紀其復辟失
敗事長素自經此役晚年閑居資用常困屢以圖書
集成抵債後竟棄之今所見萬木草堂書目則民國

回國所復收之書也身歿而後遺書出售歸廣西大學圖書館所藏尚稱得所焉

梁啟超飲冰室

冰雪聰明筆一枝新民清議撼危疑晚年絢爛歸平淡
論學清華又一時

梁啟超字卓如號任公新會人光緒己丑舉人官財政部長任公少肄業陳石吳館常致力於石室藏書及轉入萬木草堂康館學益廣博自康有為甲午公車上書後清廷改政已有新機任公力任主筆以辦報文章最為世推重如知新時務清議新民庸言國

風或在上海或在日本均負時名由戊戌而後僑居東瀛壬子後歸國居財政要職有志蓄書搜羅舊籍罷官後專治國故任清華大學教授與王靜安胡適之輩為友學益切實嘗欲撰羣籍考用朱竹垞經籍考分存佚缺未見四例而增入辨偽其於圖書學研究尤勤今有飲冰室藏書目錄種類頗為豐富乃因身歿後寄存北平圖書館及清華大學圖書館中館長袁守和囑館員編纂斯目而余紹宋為之序紹宋謂任公服膺顧亭林慨然謂世之顛愛宋元版本者直是骨董家其所藏但期於實用不必求其精槩上

自典冊高文下逮百家諸子旁及東瀛海外之書無
不殫事收集故飲冰室所藏之書但求裨於實用非
斤斤於版本也

黃遵憲人境廬

結廬人境有書窩半世浮槎一夢過懷古樓頭儲古物
塔銘猶可辨乾和

黃遵憲字公度嘉應州人為光緒二年舉人官出使
日本大臣有人境廬詩集人境廬詩最有名於時又
有人境廬藏書目雖無珍貴秘本聊以備宗族鄉里
閱覽而已惟廬中藏有修慧寺塔銘頗為珍貴人境

廬詩有南漢修慧寺千佛塔歌序言塔為南漢劉鋹時建有銘文似光孝寺東西鐵塔此塔初建至今九百餘年廣東通志嘉應州志皆失載吳石華南漢金石志搜羅極富亦不之及此塔乙丑兵燹以後畧毀而未壞嗣為羣兒毀傷日久遂圯余歸里後求之鄰家得塔銘攷之敬州於南漢至劉晟乾和三年即潮州之程鄉縣升為州領縣一修慧寺不入志中寺址未悉所在父老傳言乾隆初年由前州牧王者輔於今之齊洲寺移來去塔不遠修慧寺志既失載又無碑可證惟將所得殘整各塊置於人境廬

鄧實風雨樓

瀟瀟風雨有鷄鳴起舞聞來匪惡聲國粹國光同愛護
古香靈閣萃精英

鄧實字秋枚順德廩生光緒晚年僑居滬上正孫總理提倡革命民族主義磅礴洩發之時秋枚與黃晦聞章太炎輩設立國學保全會發行國學粹報凡歷六年提倡漢族精神鼓吹人民光復神州思想於國學保全會附設藏書樓所藏古籍至十五萬餘冊秋枚復編錄藏書志登載歷期國粹學報中所出版國粹叢書一為明人墨蹟尺牘一為先儒手寫遺書及

手鈔校之書一為先儒著述一為宋明遺民節士詩文集一為明末遺民稗史雜記凡分三集復於書籍之外設神州國光社發行神州國光集分金類石類泥類書類畫類用顏色玻璃版印刷秋枚又於國粹書中摘要編為風雨樓叢書詩所謂風雨如晦鷄鳴不已有微意焉當時國勢危亂鈞黨紛拏而觸破文網令焚燬抽燬之禁書次第展布他日漢族重光非無因也

黃節蒹葭樓

蒹葭樓畔寄吟身驚及圖書也不貧莫笑風塵牛馬走

作官猶是一詩人

黃節字晦聞順德布衣少自負不應科舉試受業南海簡竹居之門爛於文學經濟光緒戊戌而後科舉廢學校興世人視經籍如土直晦聞居河南海幢寺南武學校特廣搜舊籍有志保存國粹時番禺石星巢仁和葉慶垣遵義黎庶昌其家中所藏精槧先後散出晦聞多收之旋適滬與鄧秋枚共辦國學保存會設藏書樓黃著書刊登於國粹學報以闡發民族主義廣東優級師範學校監督王丹瑤仰其名聘充優級師範國文教授辛亥民國成立改任廣東高等

學堂校長越一載晉京任北京大學國文教授兼任
清華師範等校講席著有曹子建阮嗣宗謝康樂鮑
明遠諸家詩箋晚歲治毛詩撰詩旨纂辭因說詩故
并治楚辭文選凡見毛詩楚辭文選三類書無不收
所儲既多常有秘本曾收得許巽行文選筆記稿本
殘破碎不可爬搔晦聞乃親為釐剔重自鈔錄今嘉
樂園所藏黃晦聞手寫文選筆記其遺物也晦聞任
北京教授時中間曾因學校欠薪乃至典鬻所藏圖
書藉以維持生活民國某年粵吏知其貧電請回粵
任以廣東教育廳長然一面治理案牘一面賦詩言

志猶是書生本色故粵人皆以詩人廳長稱之未久
罷職回平仍任北京大學教授及其歿也圖書以外
無長物所藏集部尚多秘本著有蒹葭樓詩集其摯
友陳樹人暨其門下為之印行而晦聞之詩可以不
朽矣

葉恭綽遐庵

地志山經足卧遊磧砂佛典妙雕鏤半唐已往疊村逝
既選清詞佚稿搜

葉恭綽字裕甫號遐庵番禺人廣府學附生北京大
學仕學館畢業歷官郵傳部司員升任侍郎尚書交

通部長鐵路部長財政部長好藏書惟與俗不同專
搜山水記書院名勝志為藏家之別樹一幟精研佛
典於宋槧釋典頗有搜藏曾校印磧砂佛典全部尤
為大觀復以佛教經典入吾國凡一千七百餘年其
滙集儲存總稱之為藏蓋始於唐而盛於宋然歷史
綽渺不易知諸藏付刊之經過及其內容近來研求
畧錄漸及釋藏者如羅叔言之宋元釋藏刊本考呂
秋逸之佛典汎論屈萬里之明釋藏雕印考蔣維心
之金藏雕印始末考皆考訂甚詳東鄰學者如常磐
大定之大藏經雕印考深埔正文之佛教聖典概論

橋本凝印之宋版一切經籍考亦蒐求基備惟欲兼
綜共貫就流存至今者求其刻印本末裕甫著有歷
代藏經考畧列一歷代大藏經行款字數及版片情
况表凡裝璜格式每版行數每行字數函數卷數刻
版處所版片存佚均一目瞭然末更附印各種藏經
書影大足供研究斯事者之參攷藏經考畧附在張
為生先生七十生

日紀念論
文集

中 裕甫工倚聲之學以王半唐朱彘村所刊

者惟宋詞復有編輯精詞之舉博搜沉佚得數千家
而以先輩甄錄今詞者莫善於譚復堂篋中詞因為
廣之已有廣篋中詞刊布斯亦不朽之名著也文籍

而外并藏古器商承祚輯十二家吉金圖錄錄其所
藏啓作父癸簋邵王之誼簋雙鳥父乙簋升簋邵子
子鄭伯高慶孫之子味簋鑄客盤斧量八器皆精品
此外藏品凡六十七器具後得之漢項伯鐘銘云湯
項伯鹿鐘永建三年六月七日項君於南海府五官
椽遺項君一雙鐘乃有闕吾粵掌故者

陳融頤園

怕讀莊周胠篋篇頤園詩話甫新鐫清詩紀事成猶未
誰識兵塵在眼前

陳融字協之番禺人邑學生員游學東瀛法政畢業

官廣東高等法院長廣東公立法政學校校長國民
政府秘書西南政委會秘書長協之長於文學家有
園亭收藏復富近廿年來就性所好者專搜羅清人
集部顯園藏書所蓄清代詩文集在二千餘種以上
其繼續訪購猶有未艾蓋欲仿陳石遺元詩紀事陳
田明詩紀事勒成清詩紀事也其屬草時先為詩話
病自來總集操選政者未見其人專集輒從他處裨
販則其人本末不得藉詩以傳致使讀其詩者不得
尚論其人致為憾事晚晴籜一選號稱淹博而挂漏
既多舛誤亦不少思欲成一家言積卷盈尺如皋冒

廣生勸其刊布曾將頤園詩話分日在香港中興報發表其原稿體例於姓氏爵里後先列各家評語詩話筆記次列自作詩話次列所選諸詩其登於報章則僅為自作詩話所選諸詩仍存其目於詩話後蓋即清詩紀事之長篇也乃自廣州失陷頤園藏書盡為強梁胠篋以去清詩紀事汗青無日矣

陳伯陶

漠漠瓜廬寄此身亭闌野史錄遺民酥醪更比焦山好
公擇留書餉後人

陳伯陶字子礪東莞人陳東塾弟子光緒己卯解元

壬辰進士探花及第通籍後師事李仲約侍郎因好
收藏明清間野史及萬曆後諸家奏議別集官江寧
提學使布政使宣統初見朝局日非告終養歸辛亥
後避居九龍署名九龍真逸著勝朝東粵遺民錄明
東莞五忠傳瓜廬文賸瓜廬詩賸等又有宋臺秋唱
為蘇澤東所輯宋王臺者在九龍海濱子礪考為宋
帝昺行宮故址因招諸遺老相唱和故成是卷又修
東莞縣志於袁崇煥張家玉蘇觀生三傳考覈尤詳
所以寓其志也其父銘珪著籍羅浮酥醪觀為道侶
著有長春道教源流八卷浮山志五卷子礪彙刻入

聚德堂叢書中子礪晚年遺命以所藏書捐置醴醪
觀中故羅浮有道同圖書館之設即以其書為基本
也南海關賡麟吾土集有道同圖書館有懷陳子礪
師詩云小樓吟誦傍琳宮一老歸來物望崇行遊餘
生仍講道著書微意寓褒忠荔村集在傳弓冶芥子
園荒憶雪鴻廿載滄桑風義渺辨香凋張拜南豐關
賡麟有讀子礪師瓜廬詩賡書感富場邊小結廬
胡焦而後此幽居荆源東塾傳詩學慷慨南齋有誅
書梅觀花香縈夢寐宋臺山色接庭除黃冠終老真
天幸未及遼陽厠屬車師沒於庚午八月翌年而東

省變起

曾習經湖樓

式微式微胡不歸故國原有首陽薇湖樓萬卷皆星散
抱節何曾歎昨非

曾習經字剛甫號蟄庵居士揭陽人光緒己丑舉人
壬辰進士累官度支部左丞生平律已甚嚴居京師
丞相胡同潮州館喜蓄書與順德何翹高為摯友好
研究版本借游琉璃廠肆清俸所入多以購書所藏
書冊面皆署湖樓二字畧有評跋宣統辛亥鼎革後
抱節不出僑寓故京貧至鬻書為活其家富有田廬

上海多潮人素敬君學行或勸其南旋猶可維持生
活而君耿介食貧殊守故都以至於死歿後遺書數
十簾葉裕甫篤念舊誼擬盡購之囑倫哲如為之檢
查議給值七千金後遷延未果其戚陳某舉以售之
琉璃廠翰文齋得值無幾而湖樓藏弃空矣惟成化
本張曲江集書中多有題跋尚保藏存於其戚吳文
獻云

徐紹楨學壽堂

從容講藝即投戈戎馬書生閱歷多學壽堂中題跋在
雲煙過眼感如何

家傳通介故儒門戎幄談經結習存莫問鍾山舊池館
百城灰燼豈堪言

疾兄紹楨字固卿先伯子遠公之第九男子遠公參
總督節署幕而嫻於經術以通介名堂富藏書曾葺
一屋在城北丹桂里中有池池之南曰水南樓而西
則為捲雲閣均藏書處也著有通介堂經說樂律考
說文注箋靈洲山人詩錄捲雲閣詞均已刊刻紹楨
紹承家學中光緒甲午科舉人歷任兩廣幕職旋以
創練新軍改任軍職任江南第九鎮統制授江北提
督革命軍興有功革命任衛戍司令功成身退後曾

任廣東省長紹楨嗜書搜藏甚富雖參戎幄亦以書
卷自隨光宣間在南京治兵於後湖湖神廟之左購
地五十餘畝建藏書樓所藏不下二十餘萬冊辛亥
起義盡為張勳所焚故紹楨南歸草有壬戌十二月
由滬車過南京太平門詩云車行忽過太平門遙指
鍾山認舊園八代興衰已如此百城灰燼豈堪言自
注言張勳焚其書樓事誠慨乎言之也紹楨入民國
後又曾復搜書寓北平與琉璃廠書肆往來最密所
藏復充物著有學壽堂題跋於版本研究至精惟晚
年為環境所逼珍本無存矣

潘宗周寶禮堂

百宋居然又一廬緬懷堯圃結良緣桑皮潔白旋風葉
寶宋相輝有後先

潘宗周字明訓南海人少時供事上海洋行後充英
上務局總辦宗周雖執業商廛壯歲獲交宜都楊守
敬慨然有收書之志喜儲宋槧初以百種為限後已
逾限矣其眼識極高元明已下視之蔑如也從袁克
文購得宋刊禮記乃南渡後三山黃唐所刻舊藏曲
阜孔氏海內傳為孤本潘氏適構新居因願其堂曰
寶禮袁氏夙蓄書自洪憲失敗遂斥所藏善本舊槧

歸潘氏者十之六七潘氏有倭宋癖二十年所積畧
與黃丕烈埒編有寶禮堂宋本書錄張元濟叙之謂
其苟為善本重值勿吝但非宋刻則不屑措意十餘
年來旁搜博采駁駁與北楊南瞿相頡頏言吾粵藏
書多宋槧者明清以來惟有持靜齋繼起者當推寶
禮堂考寶禮堂宋本書錄共四卷附錄一卷卷一經
部著錄書十九種二十一部複出二部卷二史部著
錄書二十三種二十六部複出三部卷三子部著錄
書二十一種二十一部內叢書一種子目四種卷四
集部著錄書三十六種三十九部複出三部附錄元

本六種六部其著錄體例首標書名卷數或殘存卷數冊數次錄刊本源流兼論其內容之優劣文字之得失次錄收藏家題跋次錄版式行款每葉行數每行字數以及版匡魚尾之狀皆詳著之次錄刻工姓名次錄避諱字樣而殿以收藏家印記依原式著於篇獨未注明為朱文抑為白文耳間錄著錄本之後序及銜名如禮記正義資治通鑑目無銜名蓋皆希見之本間又錄著錄本與他本相勘之異文如春秋五禮例宗宋名臣言行錄湘山野錄揮麈錄東坡集周美成片玉集等均以著錄本勝於他本是篇著錄體

例頗可為法昔商務印書館印行四部叢刊其所影
宋本出於潘氏所藏者如宋釋法雲翻譯名義集宋
建安虞平齋務本書堂刊集注分類東坡先生詩宋
郎暉注經進東坡文集事畧各書皆為精絕閱之可
見一斑矣

莫天一五十萬卷樓

新編部錄寫官忙籤帙鳩題傳與張纒祝長恩常保護
叢殘充積冷攤旁

莫天一原名伯驥東莞諸生由儒入商設仁壽藥房
於西關十七甫因以致富奇贏所入悉以購書搜采

徧幽燕江浙凡珍秘鈔校本銳意采入長沙葉德輝
卽園所藏散出收入者尤多近年粵人藏書當稱翹
楚民國廿一年新編有五十萬卷樓藏書目錄初編
其書面及書簽為之題者傅增湘張元濟皆今之藏
書巨子也天一自撰序文言藏書掌故頗詳所藏珍
本方謂爰告長恩永永福之乃廣州失陷新印成之
藏書目錄悉遭劫奪分散於省港冷攤旁其書籍之
藏於城西者亦多遭劫聞於附近四鄉畧有得回然
損失亦必不少矣

倫明續書樓

四庫重修願莫申續編提要有何人奇贏億中非無術
通學齋閑足療貧

倫明字哲如東莞人少聰穎一目十行光緒二十七年辛丑舉人後畢業於京師大學堂精目錄版本學辛亥以後主北京大學輔仁大學師範大學等校書目學講席曾應邀赴日本鑑定古書為我國近代版本學者復以乾隆時四庫館纂修諸臣不識板本多以劣本充之每肆意刪節竄易改為鈔本以泯其跡故於民國十六年丁卯有續修四庫全書萬議之作詳析搜集審定纂修三要旨因內戰不果行二十二

年癸酉九月復倡議續修又有擬印四庫全書之管
見一文適蘆溝事變議遂寢返粵隱居故鄉闢續書
樓以度南攜之古本日校羣書其中自題校書圖有
千元百宋為吾有眼倦燈昏擱筆初句孜孜然雌黃
於字裏行間可睹梗概校餘仍吟詠不輟著有詩文
集及辛亥以來藏書紀事詩惜未梓而逝時民國三
十一年壬午也

自題南州書樓

翰墨生涯作蠹魚北山斜對好安居門雖近市何嫌俗
且擁琳琅萬卷書

--	--	--	--	--	--	--	--	--	--

附錄

方功惠碧琳琅館

羊城吏隱一癯儒珍秘窮搜寢食俱雁影齋留題跋在
碧琳琅館已荒蕪

方功惠字柳橋湖南巴陵人以通判仕粵東歷官至
道員寓城北獅子橋聚龍里池館亭臺悉備居中曰
碧琳琅館即藏書之地也光緒間粵東富藏書城北
之方與城南之孔并稱方氏所藏宋元珍本不足以
比孔氏惟秘本孤本較孔氏為多昔時日本維新漢
學書視同土苴國內古籍多流至粵為方氏所收藏

故方氏藏書多鈐有日本藏家印章如日本曼殊院尾府內庫尾張菊地氏知止堂等而佐伯文庫尤多方柳橋與陸心源皆仕粵而以藏書著名日人島田翰爾宋樓藏書源流考有王式通題辭中一首云巴陵方與歸安陸一樣書林厄運過雁影齋空題跋在流傳精槧已無多注云亦元遺著有雁影齋題跋所見多巴陵方氏藏書庚子後大半散失按亦元李姓名希聖長沙人光緒壬辰進士官刑部主事著有雁影齋詩鈔光緒晚年方氏書來京師亦元多經手價賣見葉鞠裳日記鈔方氏書故得盡覩之亦元於光

緒壬寅充大學堂提調而方氏以售餘之書贈大學堂管學大臣張百熙為之奏獎知縣想亦由亦元作介故北京大學圖書館編有貴重書目一冊即昔日碧琳琅館之所藏也倫哲如辛亥以來藏書紀事詩謂有友徐行可得無名氏題跋一冊斷為李亦元所作書皆巴陵方氏碧琳琅館所有凡宋本二十六種元本三十四種明本舊鈔本名人校本共二十餘種所贈大學堂書無一在此殆方氏書到京師時多經手價賣故有此題跋也余南州書樓藏有鈔本碧琳琅館書目四冊有方宗朝桐鄉氏作序有林之升碧

琳琅館藏書歌但宋元槧本不入錄蓋未足以盡方氏所藏也方氏所刊碧琳琅館叢書其種類皆海內罕見孤本此外別刊如陳鴻輝所著全唐文紀事黃岡王氏刊嚴可均全上古三代秦漢魏晉六朝文皆為方氏所藏名貴稿本迨方氏中落碧琳琅館叢書流布不多其版先鬻於辛仿蘇後歸於黃詠雱俗儒寡識又或掠人之美改名剽竄不免真相全失矣

叙傳

徐湯殷

南州書樓 先公所手叙者也 先公諱紹榮字信符
光緒五年己卯誕於廣東英德縣署六歲啟蒙於陳之
良夫子 先祖守初公嘗訓之曰吾家世以游幕為生
然子弟必須讀書方有操守品節 六世祖時泰公天
啟二年壬戌進士廉介剛正嘗以宋庠瑩中為賈似道
館客刻有世綵堂韓文因鄙其有學無行重價收其書
削去世綵堂牌記改題東雅堂付梓故我徐姓子孫應
以氣節為重又題楹聯曰庭前隙地多種竹家有餘錢
但買書庭訓炳然光緒十四年戊子 公甫十齡 王

父彙養時家無一瓦之覆一壟之植 公就學生活之
資均賴 王母十指所出當時科舉制度以經史為根
抵十三經注疏資治通鑑二者為必讀之書非三十餘
金不辦 公乃日攜紙墨往貢院鈔錄貼堂文章出售
累積年餘卒能得之此當年得書之艱亦為藏書之始
光緒二十四年戊戌歲考為張冶秋學使器重錄博士
弟子員與葉恭綽陳融等同年二十六年庚子肄業學
海堂菊坡精舍每試名列前茅三十年甲辰與汪精衛
胡漢民古應芬陳融朱執信史堅如等組羣志社每月
醵資購置圖書共同研究是歲香山隆都學堂聘充教

席此 公服務教育界之始復羣志社同人多追隨孫
中山先生奔走革命 公獨孜孜以作育英才為己任
先後在廣府中學廣東高等學堂高等師範中山大學
嶺南大學廣州大學廣東法科學院文化大學等任講
師教授風雨晦明訓迪罔輟四十餘年如一日畢生精
力盡銷磨講幄中編有中國文學史中國詩學史文學
說畧歷代文體辨別歷代詩選文選研究唐詩研究古
籍校讀法書目學等講義十餘種更兼任廣東省圖書
館修志局編印局文獻館等職民國七年創辦廣雅印
行所將廣雅書院殘版從事校補歷時二載選得一百

五十餘種輯為廣雅叢書又修訂學海堂版為學海堂叢書此公致力鄉邦文獻之概況也月中薪俸所入除家人生活所需外節衣縮食悉以購書構南州草堂於城北以度之初僅蒐採詩文集繼及經史子各部至民國十七年戊辰四部揃備值小北開築馬路將前座拆卸建校二層以為藏書之所顏曰南州書樓公以一介寒儒不敢以佞宋秘宋為職志所藏宋元版本僅得數種然均精槧常人罕見如宋慶元黃善夫刻史記商務印書館輯入百衲本二十宋紹定閩刻黃山谷詩四史中詳見張元濟校史隨筆宋刻詩經朱子集註集日揚守敬訪書東瀛只見此書之宋刻詩經朱子集註

世常見者只朱子集傳朱竹垞元延佑張伯顏刻文選

經義攷定此為朱子初注本葉德輝書林清話稱其勝元刻黃應麟困學紀聞文

於宋尤表遂初堂刻本山集杜詩等均為難見之本惟明代刻本蒐羅較豐計

五百餘種歷朝精刻均有度藏如洪武刻之元史高季

迪集永樂之歷代名臣奏議通鑑綱目集覽天順蜀刻

潛溪集成化之劉寅武經七書直解岳柯程史弘治之

唐藩本文選正統之慎獨齋覆宋本宋文鑑嘉靖之王

本史記萬曆之養正圖解崇禎之牧齋初學集等明代

鈔本有呂東萊春秋左傳類篇四庫總目云已佚萊竹堂葉伯

寅鈔東觀餘論面城樓藏明鈔觀象玩占等清初精印

則更僕難數矣前賢手蹟有張問陶手輯閩修清課稿
本翁覃溪精批殿本施注蘇詩邵長蘅崔干城等合批
錢箋杜詩桂未谷批汲古閣本說文解字俞曲園批水
經注等至於邠邦文獻粵中先哲著述搜羅迨備如明
屈大均之屈沔五書清代列入全燬書目張西園重訂六書故東
未見郭裝嶺海名勝記梁朝鍾喻園集張邦翼嶺南
文獻廊露嶠雅黃佐樂典明音類選庸言六藝流別手
蹟有明萬曆慈山大師寫裕公退院序羅天尺自批瘦
暈山房詩鈔張南山手批蘇詩徐灝手批說文等清末
大儒陳蘭甫批校手稿亦以我樓貯藏最富孔氏嶽雪

樓藏孔廣陶林國賡手校諸家批注北堂書鈔亦為
公千金購得民國二十九年春廣東文物展覽會送展
古籍以我樓最多達三百餘種此 公藏書概況也

先公每於課餘之暇嘗將前賢未刻本如屈大均崇禎

宮詞李煜客嘯樓集王邦畿耳鳴集黎遂球蓮鬚閣文

鈔等以上均清代禁書蓮鬚閣文鈔均躬自鈔校丹黃

塗抹剔抉爬羅近引遠徵條疏縷析發潛德之幽光正

魚魯之舛誤此 公治書概況也此外更藏有光緒戊

戌至民國十年之上海申報時報及廣東最饒歷史意

義之羊城報嶺海報等皆全份無缺後為人借去修孫

中山先生革命史久假不歸至可惋惜我樓書籍來源
除得 吾粵各故家外北自平津以逮南京上海杭州
等地各書坊靡不採購最盛時藏籍達六百餘萬卷民
國壬申淫雨為災小北大水住宅後座傾塌內藏典籍
四百餘箱悉化為紙漿 公以此卧病累月歲丁丑日
寇南侵敵機轟炸鄰右中彈急將善本外運寄存香港
大學堂平山圖書者百五十餘箱存跑馬地寓所五十
餘箱癸未香港淪陷 公避難澳門又將港寓藏籍分
批運澳以機帆往者為匪所劫由白銀丸運者復遭美
機炸沉孤善本多遭此厄其存省寓者淪陷時為小北

流氓陸福兄弟掠去賤賣備充爨材幸得雲記飯店老人薩根仗義制止然已損失不貲矣如殿本二十四史西清古鑑欽定九通全唐文等書貯放樓下盡歸烏有誠為浩劫丙戌戰平公復員返省將劫餘灰燼點存一過次年將寄存香港大學堂平山圖書館及在澳寓者先後運回正擬整理編目提要惜天不假年遽歸道山彌留之際曾無片語殿近年稍暇整理書樓搜索殘箋漸窺頭緒凡先公手蹟有關書籍者片紙隻字奉為南針提要振綱依次編目先將珍藏善本輯為南州書樓善本題識又將謄著文稿彙集釘裝已成者計有

詩集文集鎮海樓志南園考屈賦註釋集粹廣東藏書
紀事詩廣東藝文志補等自惟謏陋紹述無聞謹將經
過情形識之卷末以殿藏書家之後

廣東藏書家生卒年表

徐湯殷編

姓名 字號 籍貫 年歲 生 卒 公元

邱濬 仲深 瓊山 七八 永樂十六年戊戌
弘治八年乙卯 一四一八
一四九五

黃佐 才伯
奉泉 香山 七七 弘治三年庚戌
嘉靖四十五年丙寅 一四九〇
一五六六

梁儲 叔厚 順德 七七 景泰二年辛未
嘉靖六年丁亥 一四五一
一五二七

張萱 孟奇 惠州 八五 嘉靖三十六年丁巳
崇禎十四年辛巳 一五五七
一六四一

陳璉 琴軒 東莞 八五 洪武三年庚戌
景泰五年甲戌 一三七〇
一四五四

屈大均 翁山
今種 番禺 六七 崇禎三年庚午
康熙三十五年丙子 一六三〇
一六九六

梁朝鐘 未央 番禺 順治三年丙戌 一六四六

吳榮光 荷屋 南海 七一 乾隆三十八年癸巳
道光二十三年癸卯 一七七三
一八四三

曾 釗 勉士 南海 六二

乾隆五十八年癸丑
八豐四年甲寅

一七九三
八五四

吳蘭修 石華 梅縣

嘉慶十四年己巳

一八〇九

丁日昌 禹生 豐順 六〇

道光三年癸未
光緒八年壬午

一八二三
八八二

伍崇曜

元 徽
崇 聖

南海 五四

嘉慶十五年庚午
同治二年癸亥

一八一〇
八六三

譚 瑩 王生 南海 七二

嘉慶五年庚申
同治十年辛未

一八〇〇
八七一

譚宗浚 叔裕 南海 四三

道光二十六年丙午
光緒十四年戊子

一八四六
八八八

潘仕成 德會 番禺

易學清 蘭池 鶴山

生卒待查

易若谷 容之 鶴山

梁廷枏 章冉 順德 六六

嘉慶元年丙辰
咸豐十一年辛酉

一七九六
八六一

梁梅 子春 順德

馮龍官 孟蒼 順德

張維屏 子樹 番禺 八〇

乾隆四十五年庚子
咸豐九年己未

一七八〇
一八五九

黃培芳 番禺 八二

子實
番石

乾隆四十三年戊戌
咸豐九年己未

一七七八
一八五九

黃子高 番禺 四六

叔立
石

乾隆五十九年甲寅
道光十九年己亥

一七九四
一八三九

許玉彬 番禺

青車
珠

陳澧 蘭浦 番禺 七三

嘉慶十五年庚午
光緒八年壬午

一八一〇
一八八二

陳樹鏞 慶筮 新會 六〇

道光九年己丑
光緒十四年戊子

一八二九
一八八八

汪瓊 玉泉 番禺 六四

道光八年戊子
光緒十七年辛卯

一八二八
一八九一

李文田 順德 六二

仲約
若

道光十四年甲午
光緒二十一年乙未

一八三四
一八九五

龍鳳鏤

伯鸞

順德

四二

同治六年丁卯
宣統元年己酉

一八六七
一九〇九

梁鼎芬

星伯
節庵

番禺

六一

咸豐九年己未
民國八年己未

一八五九
一九一九

陶福祥

春海

番禺

六三

道光十四年甲午
光緒二十二年丙申

一八三四
一八九六

林國賡

敷伯

番禺

孔廣陶

少唐

南海

五九

道光十二年壬辰
光緒十六年庚寅

一八三二
一九八〇

孔昭鑿

季修

南海

石德芬

星巢

番禺

六九

咸豐二年壬子
民國九年庚申

一八五二
一九三〇

黃紹昌

芑香

香山

辛耀文

仿蘇

順德

五三

光緒二年丙子
民國十七年戊辰

一八七六
一九二八

康有為

長素

南海

七〇

咸豐八年戊午
民國十六年丁卯

一八五八
一九二七

梁啟超 任公 新會 五六 同治十二年癸酉 民國十七年戊辰 一八七三 一九二八

黃遵憲 公度 嘉應州 五八 道光二十八年戊申 光緒三十一年乙巳 一八四八 一九〇五

鄧實 秋枚 順德 七五 光緒三年丁丑 辛卯 一八七七 一九五一

黃節 晦聞 順德 六一 同治十二年癸酉 民國二十二年癸酉 一八七三 一九三三

葉恭綽 裕甫 現居 番禺 一八八一 光緒七年辛巳 現在北京

陳融 協之 番禺 八一 光緒元年乙亥 乙未 一八七五 一九五五

陳伯陶 子礪 東莞 七六 咸豐五年乙卯 民國十九年庚午 一八五五 一九三〇

曾習經 剛甫 揭陽 六〇 同治六年丁卯 民國十五年丙寅 一八六九 一九二六

徐紹禎 固卿 番禺 五六 同治七年戊辰 民國二十三年甲辰 一八六八 一九三四

潘宗周 明訓 南海

莫伯驥

天一

東莞

八〇

光緒四年戊寅
戊戌

一八七八
一九五八

倫明

哲如

東莞

七一

同治十一年壬申
民國三十一年壬午

一八七三
一九四二

徐紹棨

信符

番禺

七〇

光緒五年己卯
民國三十七年戊子

一八七九
一九四八